







07.

15.U.7

15.7.405





HENRICI IOAN. NEPOM. CRANZ

S. C. A. MAIESTAT. CONSILIARII. INSTITUTIONUM
MED. ET MATER. MEDIC. VINDOBON. PROF. PUB. ORD.
ACAD. IMP. NAT. CURIOS. ET SOCIET. BOTANIC.
FLORENT. LITTER. ROBORETAN.
SODALIS

EXAMINIS CHEMICI

DOCTRINÆ MEYERIANÆ

DE ACIDO PINGUI

ET BLACKIANÆ

DE AERE FIXO

RESPECTU CALCIS

RECTIFICATIO.




LIPSIÆ

IMPENSIS IOANNIS PAVLI KRAUS

BIBLIOPOLÆ VIENENSIS.

MDCCLXX.





EXAMINIS CHEMICI
DOCTRINÆ MEYERIANÆ DE ACIDO PINGUI
ET
BLACKIANÆ DE AERE FIXO RESPECTU CALCIS
RECTIFICATIO.

Habuit viva in calce semper nodum Chemia, quem adeo non igne resolveret, quin contra magis induraret; donec tandem in Act. Edimburg. novor. Volumine secundo ^(a) ex examine Magnesix & cretæ omnes calces vivas etiam ex calcareis, quas tamen non examinasset factas, eundem resolvere conaretur Vir Expertissimus BLACK Med. Doctor, & experimentis simplicissimis facillimisque in comparatione substantiarum calcarearum crudarum cum iisdem igne vexatis versantibus definiret in hunc sensum. Habere & substantias calcareas crudas & salem alcalinum & magnesiā aeris fixi plurimum, qui illis valido vinculo adhæreat, qui quandoque forti etiam ignis vi ex magnesiā, summa ex salibus fixis alcalicis expelli non possit. His meditationibus se, ut concluderet, inductum fuisse, esse aerem fixa-

A 2 tum

a) Neue Versuche und Bemerkungen von einer Gesellschaft zu Edimburg. Altenburg 1757.

tum inter & salia alcalica eam, quæ inter salia eadem & acida militat, relationem: calcareas substantias & alcalicas æque attrahere fixatum aerem, & se hoc in statu naturali saturare, ut se acidis replent & satiant: Aerem hunc fixatum ex his tum deinde liberari & vi erumpere, dum acidis inspungantur, quum alcalica corpora aerem tamen non adeo violenter ac acidum attrahant: & aer & acidum eodem individuo temporis intervallo eidem corpori juncta esse non possint. Ad hæc concepisse se animo terram, calcaream ignis violentia solam jacturam facere paucula aquæ & sui aeris fixati — nihil ex igne illi injuri, aut superaddi — sed causticitatem & solubilitatem in aqua, quæ igne videantur exusta calci inesse, non esse ignis, sed proprietatis essentialis terræ puræ aere suo fixato orbi; Calcem vivam denuo aere saturatam mitem esse & calcareum erudum.

§. II.

Egregius DAVID MACBRIDE chirurgus in singulari libro ^{b)} Blackianæ sententiæ accessit, quam etiam in multis illustravit, plurima ex HALESTO, ex quo primo defluxit, depromens; inesse scilicet aerem vivum elasticum tum vegetabilium tum animalium partibus et humoribus: hunc fixatum aerem cæmentans principium esse & immediatam causam perfectæ cohesionis tum

^{b)} Experimental essays on the Nature and properties of fixed Air. On the dissolvent power of quick-lime London 1764.

solidarum partium nostrarum, quam vegetabilium & calcarum substantiarum, cum quibus maiorem haberet affinitatem, quam cum corpore ullo huc usque noto; nec esse hunc confundendum cum aere atmospherico, nec cum illo, qui exit ex corporibus seu solidis seu fluidis in vase recipiente antlia: hunc enim unice corpora deferere, diu in minutas partes dissolvuntur aut decomponuntur.

§. III.

Quanquam vero nunc suos autores hæc sententia haberet, fautores tamen non habuit, & natura proprietates, phænomena, theoria calcis non felicius fluebant. Ergo ad experiendum, probandum & geometrice concludendum natus FRIDERICUS MEYER Pharmacopæus Os- nabrugensis calcem de novo indigitavit, ut eo in experimentis suis natura duce devehetur, ut & ignem, & lucem, & elasticitatem, & electricitatem, & rerum elementa illustraret, numerosa tum physica, tum chemica, nec facile hucusque enodanda problemata dilueret, resolveret. Hæc vero in universum huius Viri sententia est. Ullis igne calcareis substantiis ex ignis pabulo aliquid inassari quod causticum sit, & effectus igni analogos excitet — Causticum hoc veram substantiam esse subtilem, volatilem, salinam, acido & purissimo ignis principio, materia nempe lucis conflatam — ab omni alio corpore distinctam, cum omnibus fere affinitatem alere, quod his jungi & inesse possit — etiam corporibus na-

turaliter diversa dosi inhabitare, & denuo iis supperaddi posse — & esse elasticam, & esse indestructibilem, hanc, quia jam a veteribus chemicis acidum pingue vocaretur, a se etiam ita denominari, & inde phænomena omnia calcis, causticorum aliorum tam fixorum, quam volatiliū rite explanari, & alias chemicas theorias ad caput flecti, & ex ipsa natura crui, & sic porro. ^{c)}

§. IV.

Sententia hæc recepta fuit, etiam suos fautores habuit non sine magnis beati Viri, ut certo merebatur, laudibus, donec partem harum nuper seu circumscindere seu occupare ipse Cl. Vir IACQUINIUS in suo Examine chemico adlaboraret ^{d)} & HALESI de aere fixato doctrinam, & Macbrideana experimenta, & Blackianam sententiam, quam tamen hinc inde mutaret, auctis copiis proferret, & statim in capite libri MEYERI antequam examinasset, causam damnaret ^{e)}. Grave molesteque tuli, quæ MEYERUS scripsisset, ego docerem, a clarissimo Viro publice fabulam, dein etiam scripto luxuriantis imaginationis umbraticum fœtum dici —

pro-

c) Meyers chymische Versuche zur nähern Erkenntnis des ungelöschten Kalks. Hannover und Leipzig, 1764.

d) Examen chemicum doctrinæ Meyerianæ de acido pingui, & Blackianæ de aere fixo respectu calcis. Vindobonæ 1769.

e) p. 4. & p. 10.

provocari a se, quos absque dubio petere vellet, adversarios *A. MEYER* jam placide quiescente — sensi simul, quam arduum foret & difficile pro magno Viro dicere & ejus omni nostra, & posterum, ni me omnia fallant, laude dignam famam tueri, quod mihi vires & in chemicis auctoritas deficerent — sed unum reficiebat animum, ut veritas videatur neutrum requiri, & relictæ fabula & umbratice luxuriantis imaginationis fœtu hanc quæri posse, posse Examen hoc chemicum de novo rectificari per omnes eas, quas tam calcareus quam calx viva habet, doctes, quod nunc ex ordine suscipiam.

§. V.

Cum acido nitri lapis calcareus osnabrugensis valide cum exiguarum bullularum aerearum generatione, paucoque fumo albedo effervescebat — resolvebatur totus exceptis heterogeneis^{f)}. En meas observationes & tentamina.

EXPERIMENTUM I.

Glebula calcarei cum acido nitri forti vivide effervescebat — exit simul fumus albus — adest guttularum ejaculatarum fons saliens — demum quasi per intervalla globuli majores in altum evibrantur & emittuntur, qui supposita lingua degustati acidi sunt, in faciem emissi mordaces — Glebula in fundo vasis aereis bullulis ob-

A 4

fide-

f) Meyer p. 3.

fidetur majoribus, qua fundum vasis spectat parte aliquot, minoribus, qua summum respiciat infinitis, quæ juxta glebulæ latera perpetuo decurrentes formicarum diligentiam antulerunt, fluminis aerei in modum per liquidum ad ejus superficiem properent, & Vesuvii fumantis spectaculum exhibeant: ipsa sæpe glebula a majoribus aereis bullulis loco movetur. Mixtura ebullit cum sibilo, susurru.

EXPERIMENTUM 2.

Calcareus Keyserberg non longe a monasterio sanctæ Crucis in rimas delineatur plurimas, non tamen collabitur unquam, & solutionem lutosam facit. Calcareus Dornbach friabilior, albidior, nec in rimas delineatur, nec solutionem turbat sensibilibiter. Calcareus Schellhamensis ex Suevia, ille, qui polituram suscipit & pavimenti fornacum adhibetur, turbat; turbant etiam pleraque marmora, & vehementer cum bullularum maximo proventu effervescent & phænomenis experimento 1. descriptis. Lapis Cremensis, spati duri scintillantis species, in aqua forti cum acido vitriolico parata sine effervescencia admodum lente solvitur, in acido nitri puro vehementer effervescit, & phænomena exper. 1. habet, & solutionem limpidam exhibet, nisi metallicæ partes immixtæ sint.

EXPERIMENTUM 3.

Pulveres omnium tusi vehementius effervescent, sæpe spumam sordidam faciunt.

EX-

EXPERIMENTUM 4.

Cretæ crudæ gratissimum spectaculum est, & brevi effervescente tota resolvitur. Creta officinalis gypsea maximas omnium bullulas aereas generat cum spuma impura.

EXPERIMENTUM 5.

Conclave, etsi non plus drachimis tribus quatuorve spiritus nitri adhibueris, totum hoc acido adimpletur, odorem hunc etiam accusantibus instituti experimenti ignis.

EXPERIMENTUM 6.

Solutiones hæ filtratæ, dilutæ aqua, lixivio salis alcalini præcipitantur — inflatur adeo præcipitatum, ut maximum volumen occupet, & alte in vitrum ascendat, sensim tamen subsidet, & quiete in minimum spatium recipitur; auctum pondere invenit MEYERUS, tacuit IACQUINIUS.

Ex quibus pateat

I. Nec a MEYERO, qui viderat in continuatis experimentis, nec ab ullo alio, calcareas substantias magnam aeris quantitatem continere, controversum fuisse aut negatum, & post hæc destillationi in vasis clausis prudenter MEYERUM supersedisse; cum destillatio ista illum non plus docere posset, imo in absurdos calculos ducere vide §. VII. sequent.

II. Fumum illum effervescentiis calcareorum, hinc omnibus adversariorum experimentis

adeo familiarem: & globulos illos aereos emissiles acidos: & acidi nitri adeo late sese diffundentis animam, puncta esse non negligenda in experimentis in rei veritatem indagandam insituendis.

§. VI.

Decoctione lapidis calcarei in aqua, MEYERUS nihil obtinuit, calcinatione vero & diminutum calcarei pondus & calcem vivam aliis nunc, quam calcareus dotibus gaudentem. *Destillatio* in vasis clausis cellensibus in furno anemio, in quo validus tota ignis ultimo excitabatur Cl. IACQUINIO plurima exhibuit phœnortiana notatu dignissima. Itaque primo & leiori igne guttæ roridæ prodibant, aucto multo vapor, obnubilans excipulum, qui posteaquam confisset prorumpente summo cum impetu materie in initio quidem, dein vero minus humida, elastica, inconspicua, inodora, sed auditu tactuque eo evidentius percipienda cum sibilo per rostrum non recte clausum, excipiebatur. Duravit ultra horam hoc spectaculum, nec audebat apparatus exacte clausum tenere observator ob metum disiplosionis. Ultimo tamen, quasi exhausta foret hæc materies, non prodibat amplius, & trium horarum summo igne adhuc excoctus calcareus fuit. Omnibus frigefactis & solutis, diffracta retorta exhibuit calcem optimam, omni nota omniq[ue] examine fortissimam, sed tredecim unciarum pondere minutam.

EXPERIMENTUM 7.

Eidem apparatui & igni vasis tamen exactissime clausis committo lapidem Cremosensem — fuit sensim auctus ignis; in universum dabatur per horas octo, rotæ per quatuor — Phlegmatis limpidi drachmas tres obtinui, odoris aromatici leniter empyreumatici nucleorum; degustatum manifestius fuit acidum, syrupum violarum in rubrum transmutabat, cum alcalinis nullam effervescentiam movit — soluto apparatu non erat bene in calcem exustus lapis, multum de pondere amiserat, effervecebat vehementissime & magis, quam crudus, totus cum incallescencia vasis solvebatur — dimisi experimentum, dum iam ante prævideram & ad calculum aeris & aquæ inutile esse, hinc eum potius volui rectificare examinis chemici in hæc verba g)
„Nunc perpendamus quædam super hoc tam
„simplicissimo experimento. Liquidum quod
„forma roridarum guttarum transivit adcoque
„forma phlegmatis aquosi non superabat ses unciam. Demus, aliam dimidiam unciam cum
„materie elastica deperditam fuisse. Liquoris
„hujus itaque continebantur in calcarei crudi
„adhibiti unciis 32. unciæ 2. hæ cum septemdecim unciis obtentæ calcis faciunt 19. deficiunt
„ergo unciæ 13. quas perdidit calcareus, dum
„coquebatur in calcem. In cujusnam partis
„separatione atque abitu consistet hæc tam no-
„tabi

„tabilis unciarum tredecim jactura? In calcareo
 „crudo fuisse debet. Sed ex hoc præter mate-
 „riæ illius elasticæ immanem copiam, præter-
 „que laticem memoratum, qualiacunque nunc
 „corpora sint illa, nihil exivisse, vidimus. La-
 „tex jam calculo additus fuit. Ergo calculum
 „absolvit materies illa elastica, quæ, dum hæ-
 „rebat in calcareo crudo, partem constituebat
 „ponderis ejusdem. Putem, me hic legitime
 „judicasse, nec asseruisse quidquam, quod non
 „ipsum aperte experimentum loquatur.”

§. VII.

Ego vero, si ex simplici hoc experimento,
 aeris non alium in augendo, intemperantiorem
 & incautiorem calculum pronunciavero, eo fa-
 ciliorem veniam merebor, quo minus aut Phy-
 sicorum aut Chemicorum aliquis persuadere sibi
 potest, eam, quæ in totò hoc vulcani, quo cal-
 careus crudus in calcem excoquitur foco, expel-
 litur, laticis quantitatem, solam eam fuisse, quæ
 fossili duroque huic lapidi insuit. — Dum
 enim in vasis vitreis is decomponi non potuit ob
 ignem tantum, qui requiritur, & quem sustine-
 re sine fusione vitrum nequit: dum terreis vasis
 cellensibus furno anemio valido rotæ igne exagi-
 tari debuit: dum lapis non solum in exteriori
 sua superficie, sed etiam sui in meditullio lati-
 cem habet, quis bene est, qui non illico videat,
 in excipulum depluentem roridum laticem mi-
 nimam esse ejus dosim, qui lapidi fixata quasi
 forma

forma infuit — & leni igne (quam vocem, ut IACQUINIUS ignem moderetur, studio adhibuit) nidulantem in extrema lapidis superficie aquam tantum expelli, aucto eam, quæ interiori sede magis relident, & ultimo tandem eam, quæ medullium corporis obtineat: pari omnino, ut de aere, ab illis perhibetur exemplo? — Quis est, qui ignoret, ad destillandum corpus fossile majorem ignis vim requiri, quam opus sit in destillatione alterius mollioris: minusve compacti vegetabilis aut animalis? & vehementiorem ignem instrui debere, qui per vasa crassa terrea cellensia penetret, & destillandum fossile corpus exagitet, quam qui eat per vitrea; hinc lenis ignis in casu terreorum vasorum potestatem tantum respectivam esse ad vasa, magnam semper in se & operationem ipsam. — Et quis denuum erit aut Physicorum aut Chemicorum, qui in tanta vasorum terreorum & corporis fossilis & torrefactioni & calcinationi expositi, incandescant, multum laticis aquosi consumi & siccissimis & ardentissimis vasis deglutiri non sciat, qui tamen in excipulum non prodeat, & nunc in calculo Iacquiniano desideretur? Et hæc quidem omnia non negligere, ut neglexit, sed attente considerare debuisse Viri Clarissimus, ut legitime de quantitate laticis in calcarei unciiis 32. præsentis concludere posset, ne quidquam assereret, quod non ipsum aperte experimentum loqueretur — an igitur adhuc his perpenſis in unciiis 32. calcarei crudè, laticis unciiis 2.? Ego certe in hac

phy-

physices & chemiæ luce, hac arithmetica nollem uti.

§. VIII.

Et hæc quidem ex, ratione iniqui laticis in calcareo calculi, animadversiones sunt; videamus nunc ea observata, quæ clarissimum virum, minus legitime judicasse ratione aeris, et certo asseruisse, quod experimentum non loqueretur, convincunt. Et nunc quidem pervulgatum est ipsius aquæ exhalantis phænomenon — pervulgatum ejusdem experimentum, quo determinato caloris gradu non solum nulla sui in parietibus antliæ observanda humiditate, aut aquosorum vaporum forma disparet, sed in aerem verum elasticum antliæ barometro appenso confirmatum, convertitur tota — pervulgatum est, posse caloris gradu eam progressivam minimis in vapores solutis aquæ particulis divisionem induci, ut nunc spatium occupet 13000 vicibus majus quam explebat, dum sub forma veræ aquæ collecta quiesceret, quod phænomenon, vel ipsis thermometrum, ut vocant, confectoribus exploratum sit. — Ut ex his aliisque apparitionibus non infundate concluderint Physici, solutam his modis in elasticos vapores aquam, ipso etiam aere elasticos magis esse, & aeri, ut aquæ elasticitatem accidentalem esse. Quæ certe omnia plus, quam sufficientia sunt, ut etiam ratione ipsius in calcareo contenti fixati aeris tanquam cæmentantis atomorum calcarei & colligantis principii

cipii calculus, omnino intemperantior et incau-
 tior haberi possit, et debeat — etiam concludi
 possit, experimentum non id locutum esse, quod
 Cl. Vir quidem locutus est — quanquam conti-
 nuo sustineat controverti, non posse aerem esse,
 dum adeo confidenter in hæc verba erumpit ^{b)}
 „Si tamen quis velit sustineatque, aerem non esse
 „ (qui tanto cum impetu, tantaque copia de cal-
 „ carco destillationis tempore invisibiliter exi-
 „ vit) dicat ille, quid sit, si aer non est? „ Jam
 dixi — potest esse aqua aer, potest esse ipsa aqua
 elastica facta & in aerem resoluta, potest esse aer
 ab acido ipsam calcaream substantiam aggredi-
 ente, quod vel ipse MEYERUS notavit ⁱ⁾ ut inde
 ipse a Cl. Viro institutus de aere fixato calculus
 cum primis ex eodem deductis fundamentalibus
 hypotheseos Blackianæ conclusionibus ruat.
 Sed etiam hæc leviora transmittam, ut non sta-
 tim ipsa hypothesis Blackiana concidat, modo
 diligentiam calculis & conclusionibus imposte-
 rum adferre velit. — En ea, de quibus ego me
 ipsum ex meis quidem & physicis & chemicis
 notionibus interrogassem, antequam experimen-
 tum in calculum & conclusiones scripsissem.
 An ista quidem materies elastica, quæ tantis fu-
 riis inter destillandum erumpit, solius est fixati
 calcarei aeris — nullius alterius rei? an obten-
 ta phlegmatis quantitas, ea bene tota supponi la-
 xiori

b) l. c. p. 23.

i) l. c. p. 15.

xiori etiam-judicio possit, quæ calcareo infuit? an conclusiones inde deduci possint, quæ Cl. Vir deduxit? an deinceps ista aeris fixati fuga sit vera & sola conversionis calcarei in calcem causa — non alia? Hæc ego quidem omnia prius discussissem, non confidenter supposuissem, ita esse, & experimentum non aliud loqui; sed ejusdem clarissimi Viri, quorum citissime oblitus est, verbis stetitsem. ^{k)} „Hæc interrogare „nosmet ipsi possumus, sed ab experientia sola „responsa expectemus, nihil dantes in rebus „naturalibus imaginationi nostræ, nisi forte con- „jecturas effingere velimus.

§. IX.

Et si nunc hoc pulcherrimum effatum sit, quo tamen magis progredior, eo intelligo luculentius, hos viros clarissimos omnia imaginationi & conjecturis dedisse, naturæ nihil — En demonstrationes — Quod calcareus in experimentis solutionis, coctionis in igne, seu vasis apertis, seu clausis incredibilem adeo aeris quantitatem amitteret, dixit primo BLACKIUS se meditando concepisse animo — esse calcareas substantias inter & aerem maximam affinitatem & attractionem — MACBRIDE jam obfirmavit IACQUINIUS ut veritatem assumat: nullus monstravit — imo quod edepol chemicum est, semper loquuntur de attractione & affinitate summa ultro admittenda calcareum inter & aerem, dum debet

k) l. c. p. 17.

debet a calce viva attrahi aer non a calcareo. — Nec videas ullum horum in ullo loco de attractione illa loqui propriis ad corpus attrahens terminis, sed semper de calcareo: dum tamen calx ipsa viva substantia supponitur attrahens. — An calcareus & calx viva sunt synonyma? & ferri & crocus ferri? & hæc sibi substitui possunt? sed etiam hæc transmittito, ut videam, quomodo a natura de hac attractione responsa expectent — sed non expectaverunt & in hoc principio, ut in conclusionibus omnibus soli dederunt imaginationi & conjecturæ locum — dixit BLACKIUS, se meditando inductum fuisse, rem ita esse — & hæc quidem est horum virorum experientia. Videamus igitur nos, an aliquid experiundo eruere possimus de illa affinitate calcareum inter & aerem.

EXPERIMENTUM 8.

Calcareum ponderatum, diu aeri exposui, ultimo exposui etiam furiis effervescentis mixturæ, pondere auctus non est, non magis nunc, quam ante efferbuit.

EXPERIMENTUM 9.

Calcareus imponitur antliæ, ponderatur dein — pondere non fuit minutus. Quodsi etiam fuisset, hic non fuisset minutus ablato aere fixato, sed communi illo in poris nidulante vel ipsorum horum virorum testimonio.

Addam nunc etiam, quod historię naturalis cultoribus ratione genesis calcarearum substantiarum est notissimum, scilicet multas omnino aquas ingentem stalactitidis quantitatem suo in sinu gerere, hanc sensim ab his deponi, in majores moles accumulari, indurari — in his plurimas calcareas substantias esse, & experimentis probari, quę tamen aerem, nec, dum in aqua latuerant, nec, dum hac defluente coibant, ita conspicue attrahere visę sunt, ut aliquis in hodiernum diem adstruere ex experientia potuisset, eam, quam illi finxerunt, attractionem affinitatemque summam calcareum inter & aerem adesse experientia teste; & sic quidem, quę de calcareis substantiis dicenda erant, expedivi, nunc redeamus ad calcareum igne excoctum, ut ejus naturam proprietates, & horum virorum de his theorias intelligamus.

§. X.

Lapis calcareus ignibus, cum vasis apertis tum clausis bene perpuratus, plerumque candicans, lævis, sonorus, asperā aqua crepitans, aerem vaporem in altum evomens, nunc vera calx viva est. Vera hæc calx viva ex igne sicca tota, athmosphęrę exposita brevi rimas agit, finditur, in fragmenta dejicitur, diruitur — temporis successu in externa superficie scēdatur, & quasi efflorescit fatiscens in pulverem, & collabitur attacta, minus longe quā ante cohærens, pondere tamen, etiam volumine aucta. Hæc
phœ-

phœnomena a clarissimis Viris BLACKIO, IAC-
QUINIOQUE non dicam de industria prætermissa,
transmissa tamen, physicum chemicumque in-
genium multum certe occupare debuissent.
Quid enim mirabile magis calcis vivæ adhuc
ignitæ hinc juxta hos quidem viros omni possibi-
li aere orbatæ 1) sonora natura? an sine aere so-
nus esse in corpore potest? sed ad hoc certo non
attendisse videntur, ego hic urgere nolo; quid
magis stupendum voluminosa corporis igne ex-
tenuati graviditate adeo cito manifesta, & in
aqua citissime summa? quid demum illo est in
aere, aqua gravi ponderis augmento majus?
ut scirem aliqua ratione aucti ponderis in singu-
lari hac calcis substantia augmentum, exposui
variabili tempestatî per sedecim dies calcis vivæ
recenter paratæ drachmas duas inter duas fene-
stras; idem pondus ejusdem in cubiculo cale-
facto, non adeo humido per idem temporis in-
tervallum; post eosdem, calx non tamen omni-
mode extincta granorum quinquaginta augment-
um sumserat, illa cubiculi quatuor & viginti.
Hoc nunc corpus delicti est, & an ab aqua po-
tius, quam potius ab aere fuerit imprægnatum,
queritur?

§. XI.

Parcent facile viri clarissimi, si ego pro aqua
non aere perorem, de hujus effectû magis, quam

B 2

de

1) l. c. p. 43.

de alterius efficacia in hac quidem causa convictus; et

Primo quidem certum est, calcis vivæ ruinam in fragmenta, ejus in aqua solutionem, aquæ non acri ab omnibus tribui.

Secundo BLACKIUM ipsum ultro, imo a sola aqua, *) IACQUINIUM vero hic anxie, licet aliis in locis, ubi de hujus phænomeni explicatione non agit, liberaliter concedere, aquam atmosphææ calcem extinguere. Dum vero hac non obstante confessione clarissimus vir dicit „se non „asserere quidquam, quod non ipsum aperte „loquatur experimentum, & adhuc sustinet, se legitime judicare adfirmando, inter hanc calcem & aerem in hoc phænomeno attractionem affinitatemque ultro debere admitti, & eam quidem summam, eam vero inter eandem calcem & aquam profus negligit, facere non possum, quin eum ad propria sua verba remittam. m)

Tertio Ipsum etiam egregium virum MACBRI-DE calcem ab aere sic imprægnari non posse, & hanc attractionem aeris non esse posse attractionem aeris fixati contra BLACKIUM, IACQUINIUM probare evidens est; dum ipse clarissimus Vir expresse dicit n) „aerem fixatum cum atmospherico „nullo modo esse confundendum, si enim hujus „aptam

*) l. c. p. 210.

m) l. c. p. 9.

n) l. c. p. 255. on the dissolvent.

„aptam natam ad aliquot tempus elasticam natu-
 „ram exceperis, fixatus aer nulla alia dote conve-
 „nire videtur aeri, quem haurimus, communi.

Quarto Ipsum demonstrasse longe celeberrimi Virum NOLLETUM, trium quatuorve mensurarum aeris plenum spatium, tantum semper aquæ continere, quantum requiritur ad solvendam & pondere augendam salis tartari unciam unam; & nunc addo unam eandemque aeris humiditatem & salem tartari solvere, & calcem diruere, si enim in igne vexatum & inde bibulum factum sal tartari eam attrahat, cur non attraheret calx viva, ab eadem causa ut sal tartari, in necessariam situm coniecta?

Quinto Minorem calcis ita extinctæ cohæsi-
 onem clare docere, etiam id vinculum elemen-
 ta calcis recenter paratæ connectens, ablatum
 esse, & ipsa hac extinctione ulterius producta
 plenarie auferri; nunc certe aerem cæmentum
 calcarei & elementa calcarei (ex hypothese Bla-
 ckiana, Macbridesana & emendata JACQUINII)
 connectens gluten esse, & ita suppositum, eva-
 dere non posse instrumentum calcis vivæ ele-
 menta separans, destruensque. Nec hic loci
 juvat posterioris clarissimi viri excusatio, aerem
 calcarei esse aerem fixatum, hunc in calcem in-
 gredientem esse atmosphæricum; cum iterum
 ipse fateatur clarissimus vir, hunc tamen atmos-
 phæricum aerem & calcis cremorem facere, &
 e calce viva iterum calcareum crudum. Quo-

cunque se vertant, ex illis demonstratum est, aerem potestate ab illis concessa calcem vivam extinguere, illi cohesionem demere, & eundem alio iterum privilegio ab illis illi concessio & calcareum crudum facere, & calcareo crudo cohesionem dare; & tamen his omnibus prerogativis donatam calcem vivam, in aere extinctam, ne cohesionis quidem vestigium habere in phaenomeno.

Sexto Affinitatem attractionemque, quam ultro admittendam esse clamitant, & hic inter calcareum & aerem verius inter calcem & aerem summam esse velint, precariam omnino esse, nulloque experimento probatam magis, quam illa sit calcem inter & aquam; licet de hac ne verbo quidem meminerint, quod ad rem eorum non faceret aqua, de alia vero totas paginas absolverent. Et istam quidem attractionem non finit veram esse in aqua semel extincta dein exsiccata calx. Uti que hæc in aere non fatiscit amplius uti calx viva! & tamen sub aqua extincta omni aere orba fuit, orba mansit, & in aere sicco istam aeris præ aqua sitim non testatur! & dum etiam in siccitate atmospheræ plurima aqua exhalat, affinitas attractioque ultro admittenda & summa mortua manet & in calce extincta non amplius excitari nisi novo igne aquam dissipante potest. Non enim aerem, qui illi non inest, ab illo aquæ diversus attrahit, scilicet quia aqua satur calx nec aerem cupit amplius nec aer aquam unquam expel-

expellit, ut in subterfugium astutior absque ullo tamen experimento insinuaverat BLACKIUS °)

Septimo Vel ipsam hanc attractionem affinitatemque calcem inter & aerem adeo non summam a Cl. IACQUINIO probari, (licet talem esse velit) quin contra aliis in locis eandem vel nullam vel minimam facere.

a) Dum pro calcis vivæ celeriori in atmosphæra extinctione postulat appetitque ipse vir clarissimus aerem humiditate (tanquam conditione sine qua non) refertum p) quasi quod tanto amore, tanto attractionis affinitatisque in calcem desiderio ferri ab hoc quidem celeberrimo viro jussum est innocuum aeris elastici elementum, proprii ignarum affectus, vel non esset tanta quantitate præsens in aere sicco ac humido: vel sine humiditate nulla esset attractio! an humiditas aeris, aeris elasticitatem, quæ calcem in calcareum convertit crudum, auget ex novis & simplicissimis Cl. Viri. chemicis observatis? aut demum an humidum aeris aquosum, cæci elastici aeris elementi fidus existit conductor, quo bona fortuna attractio ista fieri possit, sine illo nequeat? Fatebor, me medium non invenire & nisi invenerit Cl. Vir, quomodo eas, quas hæc quidem attractio stabilitum ivit explication-

B 4

nes,

o) l. c. p. 210. Sed ipse fatetur postulatum solum esse a se præmissum,

p) p. 51.

nes, recipient Physici? Sed etiam nunc ambigi amplius non potest, attractionem hanc aerem & calcem inter nullam esse, contra vero illam aquæ & calcis affinitatem esse luminam ex ipsis Cl. Viri verbis 9) „aqua facilem habet ingressum „in interstitia calcarei utri, ruit igitur cum im- „petu in ejus amplexus, „ & paulo post. Pro- „fecto numerosa sunt corpora, per quæ vix aer „transire possit atmosphæræ, transit tamen quam „facillime aqua simul cum aere in se contento, „unde quo est atmosphæra humidior, eo facilio- „rem habere ingressum in illa corpora videtur. „ Ergo semel cæci conductor aeris aqua atmos- phæræ est ipso clarissimo Viro fatente, & nunc penes ipsum sit fatentem dicere, an is affinitatem majorem cum illis corporibus habeat, quam pas- sivus conductore vectus aer? An sine amore, sine ullo affectu dissimulans, & ad prodicionem usque projecta aqua, cum impetu in eorum am- plectus ruat, ut sic aeri saveat, ejus ingressum accidentalem non desideratum & furtivum ju- vet? Sed sensibilia hæc nimis sunt; responsa ex- spectabimus.

Octavo Dum nec hoc ipsum respondet expe- rimentis, calcem vivam in aere libero ita, ut in aqua extinguere, etiamsi nunc is humiditate detur refertus — quia calx viva aeri cum sicco tum humidio toto anno exposita, & certo extincta, aquæ immixta adhuc calorem notabilem suscita- bat,

bat, quem in aqua extincta calx non edit ex observatis MEYER^{r)} — quia etiam trium annorum spatio in agris sua virtute calx non exuitur, ut ex communissima rucolarum observatione testatur ALSTON^{s)} — quia & per quatuor annos extincta in aere calx, æque dat spiritum causticum ac viva — quia etiam calx in aere extincta, quæ tamen ex Blackiana hypothefi deberet esse mitior, utpote calcareus crudus non amplius causticus, acris magis, magis caustica est, quam quæ fuerit extincta aqua, quod præter Medicos omnes, Pharmacopæi & Medicastrinovere. Sed qui demum fieri potest, ut juxta hypothefin Blackianam ex *IAEQUINIO* calx in atmosphæra attractione affinitateque ultro admitenda & summa extincta, ut iterum sit calcareus crudus, possit esse magis acris, magis caustica, quam illa sit, quæ sine hac attractione extincta sit in aqua? quo nunc recidet ipsum totius opusculi de aere fundamentum! quo præfente calx est mitis: insipidus calcareus crudus, absente est calx caustica? An dum in aere libero extinguitur calx, potius nulla esset affinitas aerem inter & calcem, quia magis caustica manet; & dum sub aqua extinguitur, affinitas aeris esset major, quia mitior evadit? certe id ipsum videtur, si enim mitis corporum indoles testatur aeris præsentiam, horum causticitas ejus absen-

tiã

r) l. c. p. 22.

s) Phil. Transact. Vol. XLVII.

tiam ^{t)} calx in aqua extincta mitior sit: in aere extincta acrior: debet id ita esse, ex hypothefi absurda, absurdum, ut est.

Nono Iam ipsum clare perspexisse Cl. GEOFFROY^{u)}, calcem vivam corrodere & dissolvere corpora, quæ tangeret, ut salia alcalina fixa solent; dissolvere substantias pingues, resinosas, bituminosasque, ut salia alcalina faciunt — extrahi e sulphure tincturam rubram adeo bene mediante calce ac alcalino sale — utramque tincturam æque acido præcipitari in sulphuris magisterium: — fusionem pulverum filicum & crystallorum tam mediante calce, quam salibus alcalinis juvari, quod a creta a terris aliis absorbentibus, ni hæ igne exusta sint, non fiat, & sic porro. Nunc eorundem effectuum causticorum & aliorum eandem omnino esse causam, ut clarum sit, cum calx æque ac salia alcalica igne exusta sint, hæc igne exusta corpora caustica facta igne fuerint, docente MEYERO, quæ talia ante non erant; salia alcalica aeris plurimum habeant docente effervescentia: calx nullum habeat jubentibus & BLACKIO & IAQUINIO; causticitatem igitur a principio ignis esse. Si enim ideo esset caustica calx, quod mediante igne omni aere orbata sit ex hypothefi Blackiana, vel caustica non possunt esse alcalina salia, quod aerem magna quantitate contineant, vel si sint, deberent hæc esse ab eodem prin-

t) l. c. ex Hypothefi passim. Examen Chemicum ubique.

u) Memoire de l' Acad. des sciences 1720.

principio ignis, dum ante ignis validam torturam caustica adeo non essent. Hic adversariis conceditur optio, eligere possunt, quod volunt, ea erga MEYERUM humanitate non fuerunt.

§. XII.

Et etiamnum liceat ex hac attractione affinitateque calcem inter & aerem ultro admittenda & summa, nonnulla altius agitare & quærere. Cur in aere pluvioso & sub ipsa pluvia talem caloris gradum calx concipiat, ut currus, naves accendat? igneum principium & causticum calx habet nullum ex igne (ex supposito Blackiano & Iacquiniano contra MEYERUM) habet solum ex absentia aeris, & nunc in calcem in aere libero attractus aer, igneam & causticam calcis privationem cæterum temperans, & ejus antidoton, ex illorum hypothese ignem tamen accenderet ex phænomeno & accenderet sine principio ignis in calce existente? sed quæ mirabilis est ista affinitas, hæc ænigmata ex affinitate explicent — dubia, & scholastica argumenta sibi, quæ facile solverent, objecere, nodosa nec moverunt nec solverunt — Cur in extinctione calcis in atmosphæra nunc ingratus in vetus suum habitaculum, quo sola ignis vi & vehementia expelli potuit, attractione attractus aer suum ipsium ergasterium corrodit, destruit in ruinam, & atomorum acervum dejicit? nonne prius erat humanum vinculum, bonum optimum dulcificans gluten, elementa calcarci connectens, nam
ejus

eius præsentia calcareum constituebat, faciebat mitem ejus animam, ejus absentia vero causticam & igneam calcem, ferocem ejus & rodentem naturam (ex Cl. IACQUINI assumptis, & postulatis) & nunc tamen domum suam petens redux aer ille bonus vi summe caustica & rodente adhuc hærentem & sonoram calcis vivæ compagem solvit, dejecit funditus! & aer fixatus soni incapacem adhuc reddit. Certe mirabilis isthæc quidem est affinitas & stupenda, sed Cl. IACQUINIO explicanda, ut rudioris fabulæ suspicione eximatur. Ita tamen est, ut clarissimus vir dicat, se explicare omnia facillime & naturalissime.

Hæc quidem in universum erant experimenta, observataque, quæ debuissent exactius pen-
sitari, antequam statueretur summa illa & ultro
admittenda calcem inter & aerem attractio affi-
nitasque, totius hypotheseos Blackianæ funda-
mentum & basis, quæ quoniam a clarissimis vi-
ris non sine aliquo astutæ studio fuerint præter-
visa, & minus adhuc ipsa attractio experimentis
comprobata sit, liceat hic adjicere ipsum Cl. IAC-
QUINI textum nominibus aliquantulum inversis,
quem in MEYERUM in mature conscripserat: „at
„vero dicendum est; nimium indulgentes ge-
„nio suo optimos viros dum in applicatione af-
„sumptæ attractionis suæ versantur toti, parum
„interea solliciti fuere de probanda ejusdem in-
„dubitata existentia, ubi tamen ipsa hæc dicta
„Hy-

„ Hypothefi dant omne pretium fuum. Utpote
 „ qua existente ceu fole fundamento illa nititur
 „ fit veritas evafura; quo autem jure negata
 „ convellitur funditus; nihilque adeo offert præ-
 „ ter luxuriantis imaginationis umbraticum fæ-
 „ tum. „ Et hæc quidem de calce in aere ex-
 tincta fufficiant, ut eam in aqua extinguendam
 contemplari poffimus phænomeni rationem ex-
 hibere; dum rationes alias & experimenta etiam
 contra hanc attractionem, facientia, in alios nu-
 meros differimus.

§. XIII.

Calx viva recenter exufta in aqua extingui-
 tur cum lamentabili fibilo, effervefcentia, bul-
 lularum aerearum emiffione, fumo, ebullitio-
 ne, incalefcentia maxima, rerum inflammabili-
 um aduftione, flamma: in rimas agitur, finditur,
 hiat, labitur, refolvitur, in tenuem pulverem,
 hic imprægnatus intenfius volumine augetur,
 inflatur. Cum majori aquæ quantitate eadem
 fere fiunt, cum calida adhuc citius, impetuo-
 fius, quam frigida; alia apud laudatum MEYERUM
 legi poffunt. Cum acidis multa horum obve-
 niunt & fibilus, effervefcentia, bullularum aere-
 arum emiffio, fumus, ebullitio, incalefcentia.
 Sed quæ eft denuum diverfarum adeo apparitio-
 num caufa? pleræque non attigere attractionis
 aeris fautores; alias etiam negavere; an quod
 hic fubito cum extincta in aqua calce extingue-
 retur attractio? Videamus phænomena, quæ ex

MEYERI sententia facillime explicari & quorum plurima apud illum explicata legi possunt.

Sibulum calx viva in aquam projecta edit, & eodem modo, ut illa omnia, quæ ignis torturam passa sunt corpora, ingemiscit. An hæc omnia igne exusta ita ingemiscunt, quia per ignis torturam aer elasticus fixatus e poris ab elementis horum fuit expulsus, & nunc ex attractione & affinitate aeris inter & hæc omnia ignita, ingrediens aer hunc suscitatur? ita sane esse deberet ex affinitate summa ultro admittenda. At eam hic nunc in integrum IACQUINIUS deferit, ut phænomenon ex aqua hanc summam affinitatem cum his corporibus aere vacuis non habente, suo modo explicet. Dicit enim de calcareo exusto & aqua v) „hæc habet facilem ingressum in „interstitia calcarei usti, ruit igitur magno cum „impetu in ejus amplexus, ruit sane nunc bonis avibus, quæ ex atmosphæra data eadem calcarei porositate ruere ex attractione, & affinitate aeris impediata fuit! At an aquæ ille impetus ruentis in interstitia vacua corporum semper lamentabilem hunc sonum edit, corporibus ignitis individuum? an spongia aut porosa alia substantia aere elastico in poris suis quantum possibile esset, vacua per antliam, in aquam projecta eundem regenerarent? hæc antlia dividet.

Effervescencia cum bullularum aerearum emissionem astute adversarius silentio pressa, imo in integrum

v) l.c. p. 52.

grum aliis in locis negata ^{x)}), quod calcem aere destitui velint, ut inde attractionis aeris in calcem prætextum habeant. Sed hic naturæ vocem suffocare nimis aperte studentes fidem non invenient. — Dum jam dudum DUHAMEL, GEOFFROY, HOMBERG, POTT aliive fere omnes Chemici & effervesce calcem vivam memoriæ prodiderunt — & illi, si vellent, videre possent. Prudentiores alii differentiam inter effervescentiam calcis & calcarei faciunt, & tamen eandem non esse contendunt. Hi etsi naturæ vocem elidere, ut priores, non velle videntur, ab ipsis adversariis refelluntur dicentibus ^{y)}) „& quando quidem effervescencia nihil est aliud, quam „expulsio aeris elastici, quod vel solis oculis capimus; an non concludi inde potest, aerem „igitur ibi adesse videri, quum expellatur. „Quum igitur hic expellatur semper, modificatio ista minime probat in viva calce aerem nullum adesse; ut igitur nunc pateat, si calci vivæ aere est, ne quidem hypotheseos ullam voculam veram esse.

Fumus, hoc etiam phænomenon de industria IACQUIN prætervisum est, quia pro principio ignis contra suum aerem faceret. Certum est, in omni experimento extinctionis calcis plus minusve densum in auras fumum a calce evomi, docet id quotidiana experientia: hunc aerem cau-

x) IACQ. l. c. p. 13.

y) IACQ. exam. chem. p. 66.

causticum esse, eadem confirmat; inter plura alia quæ adduci possent exempla id solum ex *Ephem. Natur Curios. Vol. II. c. 86.* adducam, a solo vapore calcis vivæ juvenis, qui illi aquam infuderat obnoxius factus est præcordiorum angustia, tussi, ac sternutationi violentæ atque frequentissimæ per duodecim horas absque intermissione fere duranti: alii aliis. Sed nunc unde ille fumus? unde ejus noxa? in experimento commiscetur tantum aqua & calx, incallescendo quidem in vapores aqua solvi potest, & fumum suscitare ex illa summa attractione affinitateque, quam in omnia bibula, igne exusta majorem, quam aer habet; sed aqua de se fumum non dat præfocantem causticum. Cæustica ea tantum sunt **IACQUINIO**, quæ aere orba sunt; an hic aqua acre orbaretur? vel an quia calx viva caustica est, ipsa calx viva in fumo ascenderet, iners nullo aligero in altum raptâ terra? alia non sunt in experimento. Et hæc quidem sola & nova absurda sunt, quibus sententia aerea sua exornari potest: quæ verò omnia magis refutantur consideratione simplicissima noxiæ exhalationis, quæ ex muris & domibus recenter calce intrita exstructis & extincta obductis constanter effertur, donec siccata indurataque fuerit; hic ille impetus irruentis in calcem aquæ nullus est, hic placida est non tumultuans, unio calcis, sabuli, aquæ; hic non avolat fixa sabulo mediante aqua intrita calx; hic jam satiata est attractio aeris & calcarei, & tamen exhalat

Iat noxium causticum, quod faucium præfocati-
ones, pulmonum cum febre lenta infarctus,
rheumatismos, epilepsias, apoplexias, paralyes
facit frequentissime, ut recte id exhalans causti-
cum eidem venenorum classi inscripserit BOER-
HAAVE, ad quam calcem vivam relegavit. Et
hæ quidem simplicissimæ & quotidianæ appari-
tiones, adeo frequentia hæc infortunia, sola
IACQUINIUM, si aurem vulgi experimentis de-
disset, persuadere potuissent, lapidi calcareo ve-
hementissimo igne exusto ab igne inassari causti-
cum, quod hæc phænomena omnia suscitet, ve-
ra emanatione e calce, non aeris in calcem at-
tractione, quæ hic loci nulla, sed jam saturata
extincta est. Nunc etsi gratis & precario dare-
tur alterius indolis alia mala causare deberet, sci-
licet defectum aeris elastici in conclavi ex at-
tractione affinitateque postulata aerem inter &
calcem obtinente, nostri corporis inflationem,
emphysema, rupturam vasorum &c. ex eadem;
si enim calx aerem undique attrahat affinitate ul-
tro admittenda, & quidem summa, credibile
non est, adeo politam & humanam hanc attracti-
onem erga nos fore, ut nobis in eodem concla-
vi morantibus (ni adversarii jusserint) parcat,
nec aerem in nostris latentem humoribus, nec
illum, qui sit solidis partibus nostris intritus fi-
xatusque, eadem vi ad se evocet — Operario-
rum manus a calce non adeo inflantur, quam
corrugantur, exulcerantur — ut igitur clarum
sit, hanc attractionem hic nec esse, nec obser-

vari, sed attractioni huic oppositum aliud phaenomenon, veram nempe emanationem causticitatis ex calce in aerem ipsum, quem totum inficiat, et dulcificans aeris syrupus adeo non mitigare possit, ut hic semper maneret noxius, nisi lustraretur. Quod si et haec ipsa exhalatio ex calce caustica, praefocans, terra subtiliori calceis constare in effugium dicatur, dum in aera pergit, cur ab illo non mitificatur?

Ebullitio haec vel cum explosione conjuncta est, vel cum strepitu aliquo et sono ebullientis aquae, vel etiam sine his omnibus cum continuo bullularum aerearum adscensu in superficiem aquae vel alterius liquidi, ut oculo liquidum ebullire dicatur. Nunc an ab attractione aeris in calcareum haec phaenomena oriuntur? quod derivare inde non possent, astuti sicco pede praeterierunt. An ab impetu irruentis aquae? ita, ut credamus, optant. Sed tum semper attractio et affinitas summa calcareum inter et aerem hic nulla est, atqui tamen ex hac omnia in hypothesi Blackiana explicanda erant; possent sane adhuc interrogari plura.

Incalescentiam maximam explicuere, sed non ex attractione aeris, sed aquae. Haec verba sunt Cl. IACQUIN, *) „aqua facilem habet ingressum „in interstitia calcarei ulsi, ruit igitur magno „cum impetu in ejus amplexus, hinc attritus „ille ingeus et calor proportionatus. Verum

enim

*) l. c. p. 52. *sup* *sup* *sup*

enim vero id nunc novissimum est aquam ita ex attritu incalescere posse, ut in phænomeno extinctæ calcis incalescit, ut non solum incalescat, sed et vasa calida ardentia reddat — stupendum est, aquam adeo magno, qui res adurat, qui naves, currus accendat, impetu in calcis amplexum ferri, et eo quidem vel maxime stupendum, quod calx viva igne vehementissimo usta, ignis nihil habet, nihil habet ex igne urentis principii: nullum causticum ignis — Et tota hæc vis inflammans, adurens debet esse ex aqua: et quidem ex magno ejus impetu et attritu, quibus positis inflammabilia corpora tanquam a suo principio primo inflammabili inflammantur, alia combustibilia ab eodem aquae principio combustibili adurentur. Itaque, ut semel dicam, ex IACQUINII sententia omnium apparitionum, quas ille commode omisit, facilis explicatio est, scilicet, quod aqua, facilem habens ingressum in interstitia calcarei usti, ruat magno cum impetu in ejus amplexus, hinc attritus ille ingens et calor proportionatus: et sibilus, et effervescentia, et fumus, et ebullitio, et incalescentia maxima, et flamma et incendia et adustiones, quasi ex nova creatione fluunt; et sic saltem sensim et calcis vivae proprietates intelliguntur et ex vera sententia non fabula illa Meyeriana explicantur quam planissime.

Rerum inflammabilium adustio, flamma. Vulgarem et tribus exemplis signatam observationem, quam etiam MEYERUS novo experi-

mento suo suscitaverat, iterum nostri observatores neglexere, probe gnari, rerum inflammabilium adustionem, flammam, incendia, consumptionem, nec ab hac attractione aeris, nec ab illo aquæ impetu aut amico ejus complexu derivari posse: si calci vivæ ab igne vehementi eas partes concessas negetur; quod cum ipsi velent optarentque provide et astute egerunt, dum de illo verba non facerent. Estne hic facillimus et chemicus attractionem calcareum inter et aerem probandi modus? ita sane illis videtur.

Impraegnatur, intumescit, volumine augetur. Phænomenon omnino mirum est, quod calx viva in aqua post varias apparitiones subita imprægnatione intumescat, volumine augeatur, non sine aliqua dissectione, aliquando etiam perceptibili strepitu, dein nullum amplius phænomenon edat et quiescat. An hoc ab attracto aere est? An est a sola aqua? Neutrum videtur.

§. XIV.

Aqua calcem extinguens a soluta calce turbatur, sensim lactescit, lac calcis vocant. Dein brevi clarescit limpida, calce in fundo subsidente, et aqua calcis proprie vocatur, dum interea ejus superficies pellicula glaciali seu crusta sublapidea — salina aspectu obducitur, foedatur; quæ cremor calcis nuncupatur. Aquæ calcis lactescencia dein resedente calce crystallina ejus natura, tum subnascens cremor nostram attentionem

tionem merentur. Et primo quidem aqua, in qua calx non adeo tumultuarie extinguitur per successivas undas et nubes lacteo colore inficitur, donec etiam aquæ facies coloretur, et sic inficiatur, etiam si aqua loco non moveatur, ut clare calx a centro ad peripheriam hanc albedinem diffundat, et communicet, quod ego frequentissime vidi. Sed quæ potentia in corde calcis est, quæ per totam aquam minimas ejus partes ita in omnem ambitum efferat? qui experimentum attente vidit sapius, nec aerem ille, nec aquam invocare poterit, sed solum eam nunc cum aqua ingrediente in calcis poros conflictantem, et aqua (nisi sibi viam prius fecerit, et fumo in auras multo exercitu eruperit) incarcerationam ab igne solo calci inustam, quæ etiam ipsam aquam calefaciat, quæ vasa ardentia reddat, positivam ignis vini causticam. Clarefcit aqua calcis ut omne liquidum, calcis partium a menstruo suspendi non potentium delapsu, et gravitate; et clarescit omnium primo in facie, dein per successivas in profundum usque undas inverso, ut lactescebat, progressu.

§. XV.

Crustæ genesis, natura altioris indaginis multis visa. Galli quidem Chemici in eo producto salem calcis multo labore quæriverunt et demonstrarunt, etiam (ut credunt) evidentioribus experimentis: alii non invenerunt. Ego non quaeram, sed solum originis et pertinaciter

ablata regenerationis phenomenon præmissa Cl. IACQUINTI explicatione speculabor. Sic vero primo genesis product^{a)} „calcem in „aqua solutam illam, quæ in superficie aquæ „hæret, ibi contiguum allambentemque ex at- „mosphæra aërem, quo destituitur calx, et ob „quam præcise absentem calx est, attrahere, in „se suscipere. Perpetuam vero ablati cremoris regenerationem suo hoc modo expedit. b) „Calx sub aqua semper calx maneret talis (quum „incumbens atmosphæra penetrare aquam ne- „queat) nisi per enatum in aquæ superficie cre- „morem, dempta aquæ portione calcis soluta, „nova de submersa calce aquam portio intraret, „ut sic tandem successive tota quanta calx sub- „mersa in cremorem verteretur. Et hæc quidem ex principiis IACQUINTI chemicis cremoris theoria est, quam omnes legentes dicent non solum tot suppositionibus quot verbis, sed vere contradictionibus onerari: ego vero minime, sed quia ista adhuc principia non calleo, permittet Cl. Vir, antequam affirmare possim, rite discutiam. Ergo calx in aqua soluta illa, quæ in superficie aquæ hæret, ibi contiguum aërem ex atmosphæra, qua destituitur, attrahit et in se suscipit? sed quomodo madidum elementum aqua gravidum in aqua hærens aërem attrahere potest? et si hoc potest, cur id, quod in subsequenti jacet, inferiorique strato, non posset?

an

a) l. c. p. 49.

b) l. c. p. 51.

an non in utroque casu trans aquam attrahere aerem debet? an forte elementa hac calcis aerem, ut pisces stagno glacie capta ad facta glaciei spiracula confugiunt, ut aerem attrahant, capiant? certe postremum fiat, necesse est, alias ista mihi quidem inconceptibilis propositio videtur. Et nunc si attrahunt aerem — quem ergo? atmosphaericum in nullum elasticitatis statum deductum, inertem, impurum illum, quo JACQUINIUS experimentum nullum in suam hypothesin generare potuit, et quem ad saturationem calcarei ineptum esse et a fixato distinctissimum MACBRIDE pronunciavit — aut an calcis elementa illa, quæ in superiori aqua hærent vi aliqua selectiva et segetoria gaudent, ut ex aere atmosphaerico non id impurum, ineptum, iners, quod veram vivam aeris fixati partem incarcerat, attrahant, sed fasso impuro cortice nucleum aeris elastici evocant, attrahant, et in se suscipiant? atque id postremum iterum esse debet, ut ad conceptum tandem flecti explicatio possit. Id primum fuit. Alterum principium, quod nova de submersa calce aquam portio intret, et sic tandem successive tota quanta calx submersa in cremorem vertatur, adhuc longe difficilius capio — dum per ea omnia, quæ mihi quidem cognita sunt liquida, video eorum superiorem superficiem contentis in liquido et suspensis terreis partibus minus onustam esse quam reliquas — inde sedimenta semper in fundum, non in superiorem superficiem ruere — calcem ipsam

in aqua calcis deorsum labi, et ibi pulvem constituere, quæ non in aquæ calcis superficie colligatur. — Liquida etiam salia soluta habentia in superiori facie minus salina, quam in fundo esse — alia coloribus infecta minus in superiori superficie in omni alia magis colorata esse. Sed quomodo nunc nova de submersa calce portio aquam intrat? quæ hujus elevationis et exaltationis causa est? an trans aquam aer atmosphericus calcem elevat? an ipso aer nunc inversa affinitate magnes est attrahens inertem, ponderosam in fundo vasis calcem? aut an nunc aqua gravis calx, alas acquisivit, ut per densum elementum efferri, evolare possit? aut demum an aqua calcem attrahit? an ejus superior superficies calcis aere orbæ ponderosa elementa e fundo conscribit et attrahendo compellit? de his dum memet ipsum interrogavi, INIACQUINIO responsum exspecto nihil dans imaginationi. Sed en mea experimenta observataque, quæ forte calcis genesim illustrare possunt.

EXPERIMENTUM IO.

Crustam hanc in ipso extinctionis actu, fumante adhuc calce, et inde atmosphaericum aerem removente jam aliquando subnasci vidi.

EXPERIMENTUM II.

Vidi manifeste eam ex crustulis aut particulis a calce abreptis et in sublime latis, constitui.

EXPE-

EXPERIMENTUM 12.

Vidi hanc crustam omnem omnino aquæ faciem tegere; et margini vasis circumcretam undique nulla apparente amplius aqua, aut ullo in illam aditu, et sic vidi, eam temporis intervallo densari, crassescere. An hic aer atmosphæricus per primam formatam crustam in absconditam aquæ faciem ire potest, quam in crustam commutet?

EXPERIMENTUM 13.

Dum crustæ huic acidum nitri superfudissem bullulæ aliquot aereæ elasticæ, si ullæ, erosa crusta sese inter crustam et aquam calcis receperunt, in aquam calcis non absumptæ sunt, nec his substratam aquam calcis in cremorem vertērunt. An solus aer atmosphæricus, non ille ex effervescentiis elasticus, aquam calcis in cremorem vertit? videtur ita ex IACQUINIO — atqui tamen ex calcarco ejectus aer non erat vulgaris ille atmosphæricus, sed fixatus, nunc in statum elasticitatis constitutus, et hic elasticus nihil posset.

EXPERIMENTUM 14.

Subnascitur similis crusta etiam in multis fontium aquis, dum diutius ad ignem ebulliunt, id phænomenon et Parisiis et Viennæ mihi visum frequenter, dum aquam calefacerem barbæ tondendæ causa; et nascitur hæc sub ipsa etiam ebulliente et fumante aqua; utique dum in-

spissatur et vaporatur ex his aqua, etiam subnascitur.

EXPERIMENTUM 15.

Priores crustæ facilius fere posterioribus gignuntur, et materia magis repletæ sunt.

Et nunc etiam veniam merebor a Clariss. Viro, si ipsum factum sic successivè totam quantam submersam calcem in cremorem versâ, indubium revocem.

EXPERIMENTUM 16.

Quindecim ab hie annis volui eum præparata anatomica conservantem D. OSEMBRAY liquorem conficere; in diversis conceptaculis ultra 12 aquæ calcis vivæ optimæ mensuras paravam, et si cremorem per annum continuo auferrem, nunquam calcem in fundo hærentem auferre sic potui — addam etiam aliorum experimenta. Cl. ALSTON ^{c)} per tres annos calcem novam semper aquam adfudit, aqua ultimo fuit, insipida remanente adhuc in fundo calce. Cl. MALOUIN ^{d)} decisivo, quod vero ipse instituit experimento, aquam calcis omni cremore ita exhaustit, ut non generaretur amplius, et superstes post tædiosum laborem calx careret styptico et urente illi proprio sapore, et esset insipida.

Ex

c) Phil. Trans. Vol. XLVII.

d) Mem. Acad. des sciences. 1749.

Ex quibus demum clarum fit, nec ipsum huius explicationis fundamentum, nec pulchram explicationem chemicam, hucusque admitti posse, nisi natura aliter & clarius ex hac Chemia loquatur. Et clarissimum IACQUINIUM, dum pertinacem cremoris generationem in hunc modum explicaret. „ Scilicet quia nova de submer- „ sa calce aquam portio intrat, & sic tandem „ successive tota quanta calx in cremorem ver- „ titur „ non opus habuisse hac alchimistica phrasi, sed longe clarius, & sine ambagibus chemicis sequentem dare potuisse, calx tota e fundo adscendit & concedit in cremorem, quia adscendit & concedit; & eam demum adjicere, quam dedit de inconceptibili, aeris in calcareo contenti, volumine finalem rationem e) „ tum „ etiam si experimenta evidentia calcem e fundo egredi & sursum ferri in cremorem constitutendum doceant, elevari oportuit illam „ quocunque modo elevaretur. Ultimo demum facillimis his explicationibus difficultates maximas ictu oculi citius complanantem cl. virum non satis æquum & indulgentem fuisse, dum vero omnino chemico & haud ignobili physico merentissimo MEYERO se speciosam suam theoriam nihilo probare præterquam alia simili, post suam objiceret — utique talem nunquam dedit?

Quæ

e) l. c. p. 40.

§. XVI.

Quæ alia de cremoris natura alii Viri longe celeberrimi memoriæ prodiderint, non eo negligenda sunt, quasi usum in cognitione calcis nullum haberent, quæ nunc ex ordine recensabo.

a) Genesin cremoris acidum nitri in aquam calcis limpidam missum cohibet ex aliis dixit **CL. JACQUIN**. Cohibet & immixtus sal tartari, **MALOUIN**, qui tamen pelliculam pulverulentam, imò veram cremoraceam sæpe facit, qui ipsam calcem vivam duret, & contra fatiscentiam in aere præservet per mea experimenta — Cremoris genesin adjuvat, verò calida ebullitio.

b) Cremor vehementer effervescebat cum acido nitri, salis, quibus solvitur, solutus præcipitatur, alia vide §. XXV. Exp. 52. 77. 88. &c.

c) Non est in aqua solubilis nec ipsa quidem ebulliente; iterum in calcem comburi potest.

d) Hujus interventu hepar sulphuris & cum sale alcalico tartarus vitriolatus: sic etiam ex his duobus cæruleum Berolinense obtineri potest, **MALOUIN**.

Ut igitur cremor acido vitriolico & terrea basi constare videatur, & verum sal calcareum seu seleniticum sit, quod difficulter & maxima solum aquæ quantitate solvi possit, **MALOUIN**;
Nili

Nisi aliquem scrupulum experimentum cremoris cum spiritu salis ammoniaci faceret a MEYERRO factum, qui cremorem nihil aliud esse velit, quam terram absorbentem calcaream aqua in solidum corpus impragnatam spato calcareo simillimam — sed cur acidum nitri generationem crustæ sublapideæ impedit? phænomenon chemica curiositate dignum est, quod non sine ratione sicco pede prætergressus est in Examine Chémico Cl. IACQUINIUS. Ut de facto essem certus, capio sequentia experimenta.

EXPERIMENTUM 17.

Solvo cretam in acido aceti, solutam, dilutam, filtro, expono diu aeri, cremorem non vidi subnasci.

EXPERIMENTUM 18.

Calcareum in acido nitri, & alium in acido salis eodem modo solvo, diluo, & filtro, & expono aeri: nullus cremor.

EXPERIMENTUM 19.

Calcis filtratam aquam nitri acore diluo, expono aeri diutissime: non vidi crustam nasci.

An hic vera calx adest? dubitari non potest — an summa attractio hic nulla est? an calx in superficie horum liquidorum hærens nulla selectiva & secretoria vi amplius gaudet? an potius esset antagonista attractioni aeris in acidis potentia? quod ut perspicerem exactius.

EX-

EXPERIMENTUM 20.

Calcis vivæ (nescio a quot diebus ustæ) glebulæ guttatim superfundo fortem Nitri spiritum, trahebatur is cum aliquanti effervescencia & sibili motu in glebulam, & sic saturata tota fere gebula fuit, dum semper alteri & alteri superficiæ parti eum superdarem. Infundo eundem nitri spiritum in vas, aqua aliquantulum diluo, & huic mixturæ eandem glebulam ad supereminentiam liquidi immergo. Post dies duos stella glacialis parvula in verticali glebæ sub aqua sepultæ puncto supra aquam orta est, absque eo, ut calcareus solveretur. Dein vero per pellucidum liquidum a calcareo nubes utrinque ex albo crulescens protendebatur — major facta stella est, in glaciale veram sed tenerrimam crustam versa. Post octiduum evaporato frigore liquido, glebam calcaream siccam & crusta tenerrima tectam deprehendi. Crusta alba erat, cum acido nitri vehementissime effervescebat. Gleba in aere libero in hunc diem immutata perstat.

EXPERIMENTUM 21.

Calcis vivæ glebis recenter igne de novo ustis superaffundo spiritum nitri pauca quantitate — cum effervescencia, fumo, sibilo, crepitatione explodebantur in fragmenta resolutæ non sine periculo. Similes glebularum injicio in magnam ejusdem acoris quantitatem, effervescebant diu, dein manserunt pacatæ — solutæ non

non sunt — dejectas deprehendi altera die & meditullio flavas, induratas — nullus natus cremor est.

EXPERIMENTUM 22.

Iisdem circumstantiis superfuso spiritui nitri statim superaddo aquam calidam spiritu eodem acidulatam: extincta calx est & in calcofam substantiam discessit, brevi subsedit aqua limpida; altera die aderat cremor, ut in altero vase in quo puram in aqua calcem extinxeram. Ablatum siccatum probo, cum acido nitri effervescebat, ut omnis cremor, aqua hæc calcis vix acidula fuit, sed lixiviosum saporem habuit — Cuticula cremoris etiam pertinaciter renascebatur.

EXPERIMENTUM 23.

Glebulis vivæ calcis denuo ustis superfundo aquam calidam acidulatam nitroso acore, effervescentia, fumus, sibilus, crepitatio, explosio. Cremor natus est.

EXPERIMENTUM 24.

Glebulas jam saturas acido nitri, immergo in nitri acidum, sic relinquo per octo dies, non solvebantur, intumuerant quasi a centro extinctæ & in pulverem versa, dum exterior superficies dura mansit. Acidum nitri horrendum in modum igneum & causticum pelliculam non habuit.

EX-

EXPERIMENTUM 25.

Oleo olivarum per quatuor dies lente saturata exusta recens gleba, aquæ frigida immersa est; post octiduum externa oleosa glebæ cutis discesserat quasi a gleba seperata, medutullium intumuerat, extinctum fuit. Pellicula hæc pinguis oleosa cum acido nitri vehementer effervescebat.

EXPERIMENTUM 26.

Glebam calcis vivæ, quæ ante quadrantem horæ fuerat denuo ignita, immergo in lixivium alcalicum filtratum & residuum ab experimento, dein dicendo, duobus locis exoritur effervescencia vera, quandoquidem ea nihil sit, quam expulsio aeris elastici, & duo flumina aerea per ipsum lixivium ex glebula properant in ejus superficiem. Admiratione captus

EXPERIMENTUM 27.

Sumo igitur glebulam candentem & immergo eidem lixivio fixo saturato; bullulæ aereæ aliquæ semper, sed paucæ emittebantur, sed breviori tempore. Nunc certum est longitudinem temporis nihil facere ad id, quod vel ipsis oculis capimus — Cremor natus non est.

Ergo nec acidum nitri, nec oleum olivarum, aerem atmosphæricum tamen arcens, genescim cremoris semper impediunt — Neque hæc etiam obsunt, quo minus cum nitroso acore effervescant.

effervescent — Ipsa etiam cum acido nitri calx viva effervesceat; & difficulter in eodem, si unquam tota solvitur, & si adhuc solvitur, tum effervescendo solvitur, ut non satis capiam; quare adeo contraria CL. IACQUINII experimenta sint p. 46 — & effervesceat, quod plus est, cum lixivio alcalico fixo, sed de his adhuc dein latius dicetur; interea commendentur apud se adversarii, quare acidum nitri, dum in aquam calcis recentissimam moderata solum copia infunditur, cremoris genesis impedit? Cur tamen illa stella nata sit & cuticula cremoris, quæ etiam renata experiment. 22. 23. Cur calx viva flumen aereum emiseric cum lixivio alcalino fixo? Et hæc quidem fuerunt hujus causæ pericula — Nunc proxime aqua calcis sequitur.

§. XVII.

Aqua calcis etiam proprietates singulares habet, quas ne Blackiana theoria recensuit, nec explicare potest. Et

Primo Calx viva aqua suspenditur & hac soluta habetur, quod calcareus non facit, quod ex sola absentia aeris explicare nequit vide §.

Secundo Referat ipsa calcis aqua plurima corpora, quæ promiscua alia menstrua non adeo facile solvere possunt: imprimis vero sulphur — in quod aquæ aditus non fit — non fit calcareo. — Sed cur nunc aquæ calcis in sulphuris viscera, quæ referet, clavis est? — prioribus

D

non

non est? Calx a calcareo in eo solum distincta est ex hypothesi Blackiana, quod aere careat; ergo aerem sulphuris calx attrahere debet, & bibere, ut id nunc aere vacuum solvi in aqua possit, & sic calce referari — sed si aerem sulphuris ex suppositione hypotheseos in se calx susciperet, deberet tunc calx precipitari facta calcareus crudus, aere gaudens; & nunc in aqua indissolubilis, quod tamen non fit — deberet etiam sulphur aerem habere fixatum quem calci det ex eadem hypothese solutionis — sed sulphur aerem fixatum non habet, quin contra omnem destruit ex experimentis HALLII, ergo calx hunc sorbere non potest — ut vel inde pateat, & conclusionem Experimenti I. Macbrideani, & ipsum Experimentum II. Ejusdem minime vel Physico vel Chemico deducta esse consilio f): & quod nec aqua sulphurea calcem vivam in se contineant, hinc hanc ab illo factam, illis comparare non possit — & quod jam aere sulphuris gravidos per hypothesein calcis atomos etiam aere fixato efferventis suæ mixturæ vix precipitare potuerit. Sed nunc tantum Examen Chemicum explanet, quomodo sulphur calcis aqua solvat — & solvat ex attractione & affinitate — ut aliis supersedam.

Tertio Etiam huic aquæ calcis adeo ocellum camphoræ corpus patet, quod pariter aquam repudiat — sed consueto iterum facto, quem.

f) On the dissolv. l. c. 216. 217.

quem calx attrahat aerem. Camphora non habet. Nonne hic verius potuissent facere attractionem & affinitatem majorem cum oleo vel phlogisto, quam cum aere? Sic pariter aqua calcis solvit Myrrham, Gummi Ammoniacum, Asam fortidam, Castoreum, Aloem, Balsamum Toletanum, Mastichen, Ialappam, Corticem peruvianam, & recte solvit, ut spiritus ardentes solvere solent — nec turbantur soluta adfuso quocunque aquoso vehiculo, teste eodem MACBRIDEO. Nec lardere agros hae solutiones possunt ejusdem experientia medica, quae tamen vel ipsa theoria Blackiana vel propria refutetur. Si enim ideo calx solum est, quod aere suo fixato orba sit: si dum calci jungitur sal alcalinus, is ideo causticus fit, quia aer salis alcalini attrahitur attractione summa in calcem — cur hae omnes substantiae aere suo sint calcem attracto orbae manerent mites, & causticae non fierent? ita nimis certum est clarissimos viros etiam propriae theoriae oblitos, nunc causticas nunc mites easdem substantias facere sine ullis aut logicae aut chemiae regulis. Sed quia aqua calcis has substantias ita solvit, ut spiritus ardentes solent, MACBRIDEI testimonio — An etiam ardentes spiritus aere carent, ut se harum substantiarum aere impraegnent, & sic has referent? Ita scientiarum omnium incunabula longa sunt, & tandem quam facillimis & quam naturalissimis theoris, quae vel maxime nodosa erant problemata, resolvuntur.

D 2

§. XVIII.

g). Experiment. 7. p. 223.

§. XVIII.

Veniamus nunc ad calcem, in fundo vasis decantata aqua calcis jacentem, extinctam. Sed hic omnino verum bellum Polonicum invenio, acriter inter se etiam dissentientibus confederatis & in diversas, ut hypothesein tanquam rem publicam servant, partes raptis. BLACKIUS calcem in aqua extinctam aquæ aerem assumere contendit — Astutior IACQUINIUS quod tamen in cremorem non illico vertatur, ut verti deberet, negat — Astutissimus MACBRIDEUS nec unius est nec alterius partis, sed illi corpori aerem fixatum extemplo largitur, quod ex eventu phænomeni ad hypothesein flecti potest — sic dat fixatum aerem illi, quem ducimus spiritui — dat sudori — non dat salivæ — non dat aeri atmosphærico — non dat spiritibus alcalinis volatilibus per se, licet tamen hi caustici non sint, nec ipsa talis deprehendatur esse atmosphæra. Ego antequam quidpiam proferre possim, pacis condiciones inter hos quidem viros proponere necesse habeo, vel contra omnes tres pugnare — Ergo unica hic est defendenda attractio eaque inter calcem & aerem summa — attractio summa attrahit undequaque potest, five ex aqua, five ex aere, five ex terra — ex solo non attrahit invincibili attractionis hoste, igne — & quod nunc calx in aqua extincta non illico excidat in cremorem versa, non potest esse tantæ iræ tantique dissidii causa,

causa, ut a BLACKIO IACQUINIUS separaretur, & dissidens audire velit. Calx viva in ipso aere libero ex attracto aere nunquam fit cremor, licet hoc CL. IACQUINIO pro hypothese exciderit — Calx extincta, ea, quæ antea aquæ mortuæ dabat cremorem, nunc aqua defluente sicca reddita & fornacis calore aliquantulum exsiccata, nunquam dat cremorem aeri etiam humido exposita — minime igitur aer ut solum principium constitutivum, quod calci superadditum vivæ, illam in cremorem vertere possit, haberi potest. Sed tamen nolo ulterius perorare, cœant demum in foedus vel non; nunc nec BLACKIUM nec MACBRIDEUM morabor amplius, sed solum Examen Chemicum, ut constitui rectificabo.

§. XIX.

Calx igitur in aqua extincta calx semper est aere orbata ^{b)}, de qua Examen Chemicum ita per sua experimenta perhibuit „Nullibi in calce extincta aerem detegere potui, ⁱ⁾. Et ego nullibi non inveni, dum menstruo acido non impediretur in calcem extinctam subdolo artificio aditus.

EXPERIMENTUM 28.

Pulvem calcis aqua extinctæ chartæ emporeticæ includo; hanc scatulæ; per sex dies reposi-

D 3

tam

b) l. c. p. 31.

i) ibidem.

tam supra fornacem scatulam relinquo, eam demum (credo sane, hic me etiam pueriles illas contra atmosphæricum aerem imprægnationis protoparentem adhibuisse præcautiones, quas hic viri præscribere non erubescunt) subito apertio, chartæ superfundo spiritum nitri, ut primum penetraverat, sub charta calx extincta effervuit — chartam solvo, portionem calcis extinctæ impono vitro, effervescit luculentissime & vehementissime, imo dum unam prius ponderassem ejus portionem & acidum nitri superfudissem, vidi pondere minui, quod esset maxime convincens.

EXPERIMENTUM 29.

Accipio de novo per mensem sub aqua hærentem calcis extinctæ pulvem, iisdem cautelis eodem modo sicco, & ut prior effervescebat. Et quanquam prævidere in aquæ elemento in plenum saturatos calcis atomos solvens menstruum non admittere posse, tamen feci sequens experimentum.

EXPERIMENTUM 30.

Pulmentum calcis extinctæ madidam ex aqua protraho, vitro immitto, effervescebat emissis bullulis, dein vero vix sensibilibus minimis, quæ lente vitrea adhibita solum videbantur. Ejus magna pars sic solvebatur — viderat ut in calcareis multis finita conspicua effervescencia bullularum aerearum supra corporis solvendi

vendi superficies decurrentium & aerem fuman-
tium spectaculum — anulum calebat vitrum —
clarecebat sensum mixtura — in glebula di-
versas indurata calx conspiciebatur, perlis ae-
reis confertissima. Concutio omnia, turbatur
liquidum, quod, ubi claruerat a glebulis, abactas
bullulas aereas monstravit, quæ iterum renasce-
rentur ubi acidum mixturæ superfunderem, &
hæ quidem globulis mercurialibus emulæ erant,
quales in calcareis crudis, dum solvuntur ma-
nifestissime conspicimus.

EXPERIMENTUM 31.

Sumo calcis extinctæ jam a plurimis annis
siccate molem, partem ex medietullo eruo ad
quam aer atmosphæricus pertingere non pote-
rat, — adfuso nitri acido vehementer effe-
ruit — nec aliter unquam vidi.

§. XX.

Quibus omnibus rite perspectis apparet non
respondere meis experimentis, nec credo etiam
illorum, nullibi in calce extincta aerem inveniri
posse, dum tamen hic ipse est, cum luculentif-
sima effervescencia acidorum interventu in calce
extincta siccata ad fornacem: in calce extincta
et per plures annos exsiccata: dum etiam est,
licet cum obscuriori et vix perceptibili in calce
ipsa extincta humida. — Adeoque attractionem
singulari illorum indultu natam in integrum
ruere: et nullam esse majorem affinitatem aerem

inter et calcareum et aerem inter et calcem vivam, quam sit inter raphanum rusticum, et eundem aerem et inter cineres huius bulbi et hoc elementum. — Nec calces extinctas vel in aqua vel in atmosphæra, unquam aere destitui.

Objectiones, effervescentiam hanc esse aliam, non illam veram comparandam cum salibus alcalinis, jam dilui et dein adhuc diluam. — Et ignorare interea non debent, omnium calcareorum non unam eandemque effervescentiam esse, et hanc adhuc ad liquidi solventis mordacitatem magnam relationem habere; quod, ut probarem, luculentius sequens feci experimentum.

EXPERIMENTUM 32.

Lapidi calcareo vivide in acido nitri effervescenti superfudi aquam — effervescencia omnis illico sufflaminata fuit, et recte nascebatur inæ humidæ calcis extinctæ casus: bullulis enim aereis exiguis vix perceptibilibus solvebatur. An hic aerem amplius non habuit calcareus? an illi aqua aerem abstulit?

EXPERIMENTUM 33.

Sumo lapidem Cremsensem, mitto in aquam fortem, amicissime illabitur. *Primo* nulla mutatio, nullus effervescencie motus: post tempus bullulis aereis minimis solvitur sine ulla conspiciua effervescencia, aut illi comparanda, quæ salitum alcalicorum sit cum acidis, tamen ita resolvitur totus. An hic lapis habuit aerem nec ne?

ne? an hæc effervescencia fuit vel non? determinet enim BLACKIUS, quid ex suis principiis statuatur.

Alteram eam objectionem, quam BLACKIUS, IACQUINIUSVE movere possent, tamen non ita hanc extinctam calcem pertractari potuisse, quin aeri ad eam accessus daretur, inde aere potuisse imprægnari, Clarissimi Viri IACQUINIUS et MACBRIDEUS diluunt; dum BLACKIO prior demonstrare potest per experimenta etiam comprimentia atmosphæram vulgarem supra calcem extinctam, extinctam calcem non ideo hilum gravitari, et omnino tempus requiri priusquam aer ex atmosphæra in calcem attractus hanc ita implere possit, ut redintegretur calcareus. — Quæ etsi sibi aliquantulum contradicant: etiam adversa aliis plurimis ejusdem viri locis sint, hic tamen mihi sufficiunt. MACBRIDEUS in integrum BLACKIO negat, vel minimum totam atmosphæram, nisi in statum aeris fixati sit mutata, calcem extinctam tentare posse — ex solis effervescentibus putrescentibus, fermentantibus mixturis aerem verè fixatum haberi asserens.

Tertiam. Ipsum in aqua diu detentum calca-
rei pulvèrem, quod experimentum ipse feci, affuso nitrî acido effervesce-
re, adeoque vel ipso oculorum testimonio aerem ibi adesse videri,
cum erumpat; contra vero madidum calcis ex-
tinctæ pulvèrem non effervesce-
re, hinc etiam
eodem oculorum testimonio aerem ibi non adesse
videri, cum nullus expellatur; tertiam, inquam,

hanc objectionem experimenta de utriusque corporis natura capta conficiunt. Calcareus, calcarei pulvis in aqua non solvuntur nec ab illa ullo modo mutantur (per Meyeriana et hodie omnibus nota) calx ejusdem calcarei aqua solvitur, elementa ejus ea saturantur et in illa solubilia sunt (per eadem); ergo aqua non obsidet elementum terreum in primo casu ut in secundo, nec in primo viam praecludit ut in altero — hinc oculorum quod adducitur testimonium, testimonium per sepe cæcum est oculo mentis rectificandum, quod in plurimis observandum et Chemia et Physica jam dudum monere.

§. XXI.

Sed nunc simili objectionum gyro veniant etiam mez vices — et videamus, an eos aliquantulum magis stringere valeam. Conclusiones priores non objiciam, quibus ceterum respondere non possunt, sed id unicui: quo vel attractionis aeris vel irruptionis aquæ et attritus illius ingentis (unde calor proportionatus ^k) fato, dum aqua ad satietatem saturæ calci extinctæ, nunc ex eodem elemento solum extractæ acidum nitri superdatur, quò, inquam, fato oriatur adeo ingens — qui vitrum calefaciat — molestum manui ardorem inurat — calor? Hic simplex casus et attractionem aeris et impetum irru-

entis

k) Exam. chem. p. 52. extinctionem calcis vivæ in aqua calore stipatam ab impetu irruentis aquæ chemice repetit.

entis liquidi hinc explicationem Iacquinianam ad amissum exigit. — Pergamus interrogando: An hic attractionis aeris est effectus? ipse negat Cl. Vir, quia per aquam attractio nulla est, et hæc sine hoc illum calorem facere non potest; an hic calcis extinctæ pori ita aperti sunt, ut in interstitia ejus compagis facilem habeat ingressum nitri spiritus? ipse id iterum negabit IACQUINIUS dicens, pulvem esse aqua saturatam et experimenta totius chemiæ docere, ne istam quidem aquam a calce extincta facile ejici posse & magnam omnino requiri ignis vim, ut expellatur — & hæc pervulgata esse. Sed si nec pori hic patuli sint: si satur calcis extinctæ elementum aqua est, nullus potest fieri irrumpentis liquidi impetus! Si nullus impetus (a quo tamen IACQUINIUS solum repetit) unde ergo calor ille ingens & proportionatus? — Adde adhuc nullam fieri effervescentiam ex ejusdem viri postulato, nullum vel fermentationis vel putrefactionis intestinum motum ex illo MACBRIDEI — unde ergo ille calor? & ipsius vasis talis calor, ut manibus teneri nequeat? Hæc nobis quam facillime, & quam naturalissime Cl. Vir resolvet attractionis suæ memor & hypotheseos, dum filum resumō.

§. XXII.

Huc usque vidimus quomodo calcareus acidis solveretur, solutus in calcem illis vocatam abiret — quomodo ex calcareo calx viva igne coque-

coqueretur; in aere aqua extingueretur: extincta daret cremorem, calcis aquam & infundo superstitem calcem extinctam. Nunc intelligendum est, an acidorum adminiculo exorta ex calcareo calx eas omnes habeat dotes, quas igne usta habet, quibus indagandis astute examen chemicum supersedit, molestis absque dubio futuris hypothese; sed ego examen hoc chemicum rectificare constitui, ut ob id nihil omittere possim. Dividamus igitur pensum in calcem vivam acido fossili ex calcareo factam, & in calcem vivam igne exustam: priorem primo suscipiamus.

Dixerat Cl. JACQUINIUS ^{l)} „quocunque ad-
„miniculo utamur ad privandum calcareum aere
„suo, etiamsi non fiat hoc igne, calx erit viva,
„& hoc esse factu facillimum. „ In facilitatis
probationem dat tota pagina calculum educti
aeris ex calcareo crudo, & dum probationem
propositionis post paginam unam cum dimidia
quæris, hæc invenis ^{m)} „Si quis tamen ob-
„jiciat nedum probatum hinc esse revera ibi
„jam calcem esse. „ — Respondet. „Sistat ille
„mihi calcareum orbatum ad tale pondus aere
„suo, quæ calx non sit!

Ita sistit demum examen chemicum sua ex-
perimenta in rei demonstrationem ulterius inda-
gandam necessaria, & quam naturalissime certe
expli-

l) l. c. p. 88.

m) l. c. p. 89.

explicat omnia — sed demus etiam, ~~hæc~~ pro ad-
augenda libri mole hæc dicta esse: ita pergit ul-
terius. — „Potest tamen probari evidentius.,
Expectemus igitur argumenta. En

Primum. Lixivio salis caustici fixi nullus
continetur aer.

Sed iterum quis hoc Cl. Viro revelavit?
Quando nam id ipsum experimento ullo demon-
stravit? Regerit cum acidis non effervesce-
re — & hoc quod unicum in toto libro est experimen-
tum, foret hujus causæ chemicum! experimen-
tum probans non habere lixivium causticum
fixum aerem in se fixatum, quia non efferves-
cit. — Nonne astutissime fecerat MACBRIDEUS, quod
aeri atmosphærico aerem fixatum denegaret. —
Alias enim cum acidis nitri, salis, vitrioli vapo-
ribus atmosphæra semper effervescebat. — Et
chemicorum laboratoria certo fugienda essent,
si semper et solum effervescencia contingeret,
quia acidum aeri fixato occurrit. In atmosphæ-
ra igitur & lixivio caustico fixo nullus habetur
aer — potest tamen adhuc probari evidentius,
non paradoxis, sed veris experimentis, & his
non meis, sed examinis chemici. Lixivium
causticum fixum cum acidis omnibus concre-
scit in salem neutrum ⁿ.) Sed acida nullum aerem
habent BLACKII, MACBRIDEI, IACQUINII una-
nimi consensu. — Ergo concre-
scere debent in salem medium cum fixato lixivii caustici fixi
aere

n) l. c. p. 29. sub finem.

aere — vel plane sine fixato aere exurgere; qualia tamen salia ille hucusque exmentante principio & vinculo illo omnium corporum destituta nondum monstravit, & nunc ab illo expectamus. Non ignoro examen chemicum, ut medium adinveniret terminum effugiendi, statim in capite libri, dum videret inter medias salium alcalieorum cum acidis effervescentias, enormem adeo quantitatem aeris extricari fixati, & nec unum nec alterum ab effervescencia cessare, donec omnem perdidisset, interrogasse o). „sed an vere sic omnis ubique aer de corporibus expellitur? neutiquam credo. In effervescencia quidem res palam est: exoritur sic, sal neuter; hic igne nunc tractatus manifestissimam iterum edet aeris in se contenti praesentisque indicia; ergo non videtur per effervescenciam aer expulsus fuisse omnis de istis corporibus ne quidem in vacuo, sed etiam sal medium, cum lixivio caustico natus, igne tractatus edet aeris in se contenti praesentisque indicia — quid ergo vult IACQUINIUS?

Et nunc demum debet contradictionum cumulus compleri; si eousque effervescunt acida cum alcalinis, donec recte saturata sunt & dein alterutro addito non amplius effervescant, punctum saturationis adesse dicitur, tamen adhuc aerem contineret sal lixiviosus, sequeretur prima non effervescere acidum cum alcalico sale, quia

o) l. c. p. 39.

quia aerem habet, quod tamen ipse semper contendit. — si enim ob aerem efferveret, tunc constanter efferveret, quo usque aer adesset — unde nec hoc quidem vero simile esse potest. Secundo si lixiviosus sal aerem habere potest, quin acidum tamen cum eo effervescat, erit hic status hujus salis status lixivii caustici fixi — quare ex eo, quod lixivium causticum fixum non effervescat cum acidis, statui non potest, hoc aerem nullum habere — ut etiam istud hypotheseos membrum ne vero quidem accedat, & hoc tamen id ipsum fit, quod vel ipsis oculis capimus. Sed iterum „quandoquidem effervescencia p) „nihil aliud est quam expulsio aeris elastici, quod „vel ipsis oculis capimus, an non concludere „inde potuissimus, non igitur aerem adesse videri, quum non expellatur? „ & sic sales alcalinos tam fixos quam volatiles facere causticos propter defectum aeris, quod vel ipsis oculis capimus.

Nunc tandem sibi eligat ex suis principiis quodcunque voluerit Examen Chemicum — si sales alcalici tam fixi quam volatiles caustici, sunt caustici propter absentiam aeris: sales medii omnes sunt caustici ex novis hujus chemiz principiis — si ex veteri chemia non sunt caustici, primo effervescencia non fit solum quia aer adest, & secundo lixivium causticum & omnes sales caustici tam fixi, quam volatiles non sunt caustici ob absentiam aeris.

§. XXIII.

§. XXIII.

Etſi nunc hanc ab acidis ſolventibus natam calcem facile tranſmittere poſſim, cum tamen ſperem, Cl. Virum meliora docturum, meliora edoctum (ſic enim ipſe promiſit q)) non poſſum non pergere ad ſecundum argumentum.

„ Per lixivium ſalis cauſtici fixi calcareus ſolutus
 „ præcipitatur de ſpiritu nitri ſine ulla efferveſ-
 „ centia: quia nullibi aer adeſt; ergo ſi ibi calx
 „ eſt, nec gleba cruda, ceu calx præcipitatur. „ r)

Nunc etſi etiam indulgens finalem hanc rationem, quia nullibi aer adeſt, tranſmitto, impatiens tamen vellem videre probationem — itane ut promiſſum fuerat res probatur evidentius? ergo ſi ibi calx eſt, non gleba cruda, ut calx præcipitabitur — probandum fuerat calcareos acido ſolutos aere deſtitui & ob id calces eſſe cauſticas factas: hinc non, ſi ibi calx eſt, nec gleba cruda — ſed ibi calx eſt, non gleba cruda — & dare experimentum — quod tandem in hunc ſenſum poſt longiſſimas moras ex BLACKIO deſcribit.

„ A Nitro regenerato per aquam ebullien-
 „ tem, in qua nullus aer eſt, filtratus pulvis ce-
 „ leriter abluatur. Sufficienter edulcoratus ex-
 „ ſiccetur. Exhibet non amplius calcareum
 „ crudum, ſed calcem aqua extinctam in aqua
 „ ſolubilem in ejus ſuperficie in cremorem mu-
 tan-

q) l. c. p. 11.

r) l. c. p. 89.

„tandam, ope olei tartari ex aqua dejiciendam,
„verbo, veram calcem „⁹)

Sed experimentum mihi suspectum est duplicis inanimadvertentiæ. Prima ea mihi videtur, quod in solutione calcarei cum acido nitri idem acidi nitri obversari casus possit, qui sit salis alcalici in lixiviis causticis seu fixis, seu volatilibus — ut enim sal alcalinus in caustico lixivio est fixatus, sui non potens, nec effervescens amplius, ita hic esse potest calcareo saturatus acor nitrosus, non effervescens amplius, etiam cum illis, cum quibus maiorem iram alit. Alterum inanimadvertentiæ punctum mihi illud esse videbatur, quod in lixiviis causticis, tam fixis, quam volatilibus, ex omnium apparitionum attestato, sal alcalinus esset effervescendi sui indole orbatus destitutusque, hinc quasi fixatus, sui impos quam diu esset causticus — eodem fere ut aer fixatus & corporibus inhaerens modo, qui non ibi forma aeris elastici veri appareat, sed solum datis causis extricetur & sua activitatem restituatur. His ita constitutis prævidebam & calcareo saturatum nitri acorem, & lixivium caustica ita immutata esse, ut suam originalem naturam & principes effectus & manifestiores exercere amplius non possent, quasi in suis speciebus neutra facta — unde certe apud omnem rectis conclusionibus e rerum naturalium eventibus eruendis assuetum hæc interrogatio suboriri debet;

E

bet;

⁹) l. c. p. 89.

bet: an non dum solutioni calcarei additur lixivium causticum iterum quid tertii oriatur, dum hæc amice saturantur: aut an non prædominantem indolem illius induant, quod excedit: aut demum ultimo an non maneat a se disjuncta separataque? ita sane necesse fuerat ratiocinari BLACKIUM, si veritatem quærere voluisset — Ego alio modo eruere eam non scio.

Itaque quoad primum, corpora componenda examipo, & saturatam & dilutam calcarei solutionem cum syrupo violarum, quem in rubellum violaceum transmittat, tento: tento cum sicco tartari sale, cum oleo tartari, cum lixivis causticis, tam fixis, quam volatilibus. Non ea mihi phænomena nata sunt, quæ hi viri viderunt, aut potius, quæ unus ex altero exscripsit. Oleum tartari cum solutione calcarei non magis effervescebat, quam lixivium causticum — cum utrisque fit coagulum. Hæc experimenta videri possunt sis vasis. Lixivia caustica saponariorum, Meyerianum fixa, & salis ammoniaci volatile eodem modo exploro cum violarum syrupo, quem in viridem mutabant, cum acido, horum expositione in ære libero non oclusis, sed apertis vasis, evaporatione, machina machinæ &c. & iterum vidi, eas horum virorum aut inductiones aut conclusiones optimas non esse, ut demum pateat, duplicis inaninadversiois obnoxium experimentum esse. Quæ ad postremam lixiviorum causticorum causam spectant legi possunt §. LXXII. Exper. ejusdem.

§. XXIV.

Ergo nunc repetendum experimentum BLACKII fuerat, quod IACQUINIUS non fecit, licet quæ æreæ non haberet, ebullientis aquæ cautela circumscriberet & augeret, quam tamen inutilem ipse aliis in casibus omisit, & nullam ex pressione atmosphæræ reduplicata habuit, alias enim etiam sic cremorem natum vidisset — & hic certe omittere potuisset, si præcipitatus pulvis post edulcorationem adhuc octies daturus est calcis aquam & cremorem & alia. Experimenta igitur gradatim ita institui.

EXPERIMENTUM 34.

Solutioni calcarei saturatæ lixivii caustici saponariorum, Meyeri, minorem quantitatem instillo, nihil præcipitatur. Instillo maiorem nulla præcipitatio; & dum etiam duplo maiorem quantitatem infunderem, coagulum ipsum semper, quod IACQUINIUS mirabatur, supernatabat suspensum. Dum concutitur cœunt.

EXPERIMENTUM 35.

Lixivio caustico saponariorum addo acidum nitri nullus fit motus; dein diversis temporibus superfundendo oleum tartari, manifesta & conspicua effervescencia excitabatur.

EXPERIMENTUM 36.

Lixivio caustico addo oleum tartari per deliquium conjunctis superaddo acidum nitrosum, vehementissime effervescebant.

Ex quibus sine erroris metu sequentia deduci posse reor, prioris paragraphi consequentias his adhuc probari experimentis, imo videri evidenter aliquid tertii generari, sive in ipsis solutionibus calcareorum cum acidis fossilibus, sive in lixiviiis alcalicis cum calce viva, sive in horum duorum combinationibus. Nunc addo acidum calcareis adeo pertinaciter adhaerere, ut etiam in illo adesse nec statim cognoscatur, nec cognitum auferri possit, quod iam MARGGRAFIUS miratus est — idem de alcalicis dici potest.

§. XXV.

Sed accedamus propius ad ipsum Experimentum BLACKII.

EXPERIMENTUM 37.

Lagena pellucida infundo saturatam calcarei in acido nitri factam solutionem — addo illi lixivii caustici duplam mensuram. Iuxta parietes lagena defluens lixivium in fundum penetrare non potuit: coagulum in puncto contactus fere apparuit — ita inter duo liquida suspensum post quatuor horas hærebat: nihil erat præcipitati. Vas concutio, & non alia magis spumescere mixtura cepit — Admiratione hujus phaenomeni raptus memet ipsum interrogabam, an calcareus acido nitri solutus aere cum suo solvente vacuus ex BLACKIO — an lixivium causticum aere omni fixato orbum & ob id causticum (ex eodem) commixta; occlusis vasis adeo

ma-

magnam, quæ etiam in altam spumam concedat, fixati quantitatem aeris generare possint, dum illa aerem non habent? Spumam in tertiam & ultra diem perduravit.

EXPERIMENTUM 38.

Portionem A. caseosæ similis mixturæ sero lactis non clarificato comparandæ, charta emporetica colo — colatum liquidum — limpidissimum vinosi coloris syrupum violarum viridi colore tingeat, cum acidis non effervuit. Magma amylaceum supra filtrum remanens ex albo subcærulescens syrupum violarum in viridem transmittibat — cum acido nitri minimis bullulis aeris hinc morte aerea consumtum est — non magnis bullis aereis effervuit. Magma cretæ impono sicco — siccatum in cornu fere inspissuerat, rimas egerat, cum acido nitri conspicue & manifeste effervuit. Filtrum imposui fornaci, exsiccatum dedit pulverem, qui cum acido nitri aperte conflictaret.

EXPERIMENTUM 39.

In colatum liquidum infundo de novo lixivium causticum, eadem nascitur mixtura caseosa, ut crederem vel liquidum filtratum adhuc multum ex calcarei solutione habere debuisse, vel ita lixivium præcipitari. — Coagulum colo de novo & tento cum syrupo violarum, quem in profunde viridem colorem mutabat — cum acidis nihil faciebat. Magma amylaceum filtri

syrupum violarum eodem modo vitiauit, in acido nitri lente & minimis bullulis aereis solvebatur. Filtri siccati pulvis cum acido nitri valide efferbuit. Magma, ut exsiccaretur, creta imposui, hoc calore fornacis defluxit, in aere frigido magis induruit, siccatum cum nitri acore aperte pugnavit. Notari meretur, liquidum colatum addito lixivio caustico vel etiam tartari oleo illico in superficie cremorem regenerasse.

EXPERIMENTUM 40.

Portionem B, eodem ut alias assueveram modo pertracto, scilicet affusione constanti aquæ ebullientis, donec ab aqua syrupus violarum non sensibilibiter tentaretur. Tum abjecta aqua crassamentum caseosum filtro injicio, ex filtro cretæ impono. Siccatum in rimas actum altera die degusto, insipidum fuit, nec terrei aliquid aut sabulosi habens cum acido nitri vehementer effervecebat, & rotarum ignearum supra aquæ superficiem gradientium spectaculum dedit. Aliam ejus portionem sine cretæ præsidio in vitro sicco — eadem cum nitroso acore phenomena dedit.

EXPERIMENTUM 41.

Portionem C. ex BLACKII prescriptione filtro Magma amylaceum cretæ impositum non ivit in pulverem — superfundo aquam ebullientem, sublactescebat eodem modo, ut dum calcarei pulvis in illam injicitur — difficileter sol.

solvebatur — lixiviosa fuit — aquæ calcis nihil simile habuit. Sic stetit per 24. horas — non vidi natum cremorem, sed aqua pulverulentam tantum superficiem contraxerat, qualis a calcarco crudo vel terreis aliis supernascitur — erant depoliti ad latera vitri atomi terrei ejus nitiditatem obscurantes — in fundo pulvis, & grumuli magnatis. Abjeci aquam frequenter, & illorum nihil, quæ BLACKIUS narrat, vidi. Aqua ultimo saporem non habuit, nec syrupum violarum sensibilibiter mutabat — crassamentum totum injicio filtro & sicco. Siccatus cum grumulis pulvis apertus, & conspicue, vehementer effervuit, quid, quod lateribus vitri adherentes atomi cum eodem faculentius tumultuarentur.

EXPERIMENTUM 42.

Paro de novo caseosam hanc mixturam eodem modo filtro, magna ex filtro creta impono & supra fornacem sicco. Induruit instar lichenis contractum, quam fractu contumax, sed in aere humido emollitum est, & flexile magis factum. Degustatum saporem acrem habuit, & causticum nitri acorem testabatur, ut id nunc conjungerem cum syrupo violarum, quem in rubellum violaceum transmisit: cum acido nitri minimis bullulis aereis totum solvebatur, magnam & conspicuam effervescentiam non faciebat. Solvo nunc in aqua, & ne in cremorem statim transiret, ebulliente, difficulter solvebatur — solutio non aquæ calcis igne paratæ fuit

similis, sed calcarei crudi aqua diluti — non fecit aquam calcis — nec cremorem, etli tempus concederem. Novam ebullientem aquam ferries superfundo apte exsiccationem — exsiccatus pulvis cum acido nitri compicue effervuit, & morte aerea consumptus est — Idem atomis lateribus vitri adherentibus obvenit cum eodem acido.

EXPERIMENTUM 43

Lichenem induratum precedentis experimenti supra fornacem relinquo, aliam ejus portionem intra fenestras colloco; prior dura manet, altera mollior humidior fit — utramque subjicio mixturæ effervescenti, ut aerem fixatum sorbere posset nulla a priori indole aut proprietate visa observataque est mutatio in illis experimentis.

EXPERIMENTUM 44

Saturatam calcarei in acido nitri solutionem ex præscriptione BLACKII, ita diluo, aqua ebulliente (ne aerem illis superaddam & in cremorem vertam) donec sensibilibiter acida non esset amplius; tamen quod non monuit BLACKIUS, quo plus aquæ additur, eo aciditas in initio manifestior exurgit — amarorem tollere non potui. Nunc probo cum acido nitri lixivium causticum fixum, nullum motum fecit. His positis repeto experimentum Blackianum cum iisdem quantitativis & cautelis. Caseosa facta ut ante
tota

tota mixtura est — Nihil præcipitati vidi, non pulverem — sed quod præcipitabatur coagulum, etiam cito a fundo sursum elevabatur & suspendebatur. Mixturam agito, nascitur emulsionis facies multa aerea spuma tecta — sic stantem per horam emulsionem filtro. Per colum transeans liquidum syrupum violarum rubello colore infecit. — Calcis vivæ causticæ cremorem non solvit — cum saturata solutione calcis in acido nitri non mutabatur, coibant enim ut aqua & vinum solent.

EXPERIMENTUM 45.

Liquido-experimenti prioris de colostro filtrato affuso denuo lixivium causticum fixum, iterum nascitur coagulum, & dum ita stat per horam, pelliculam coloribus iridis variegatam contrahit omni dote cremoraceam, quam, posteaquam abstulissim, coagulum denuo filtro. Liquidum limpidum syrupo violarum commisceo, qui nunc in viridem transmittabatur. Margina amylaceum siccatum cum acido nitri valide effervescebat.

EXPERIMENTUM 46.

Portio alia in vitro superstes liquidi denuo colati Experiment. 45. cremorem contraxit — cum aqua calcis amice se gessit — cum acido nitri nihil fecit — Calcis vivæ causticæ cremorem non solvit — lixiviosa fuit.

EXPERIMENTUM 47.

Magmatis Experimenti 44. partem unam probo cum acido nitri, effervescendo minimis bullulis aereis solvebatur — syrupum violarum in pulcherrimum viridem colorem mutabat. Alteram sicco cretæ impositam, siccatæ super-fundo aquam ebullientem & sic manet per 24. horas, non fecit aquam calcis — nec generavit cremorem. Pulvis cum grumis non solutis sic-catus, cum acido nitri ut ante efferveſcebat.

EXPERIMENTUM 48.

Cum vero observarem semper aliquid cretæ huic amylaceo magmati adherere, volui etiam ab hac cavere. Itaque portionem mixturæ Experimenti 44. lagenæ obduratæ inclusam fundo in filtrum, quod charta tego, ne aer accedat. Post horam invenio ut ante magma amylaceum diversis bullulis aereis fractis scabrum, vernicis in morem splendens — hoc filtro exemptum chartæ includo & supra fornacem sicco — siccatum cum acido nitri effervuit, & ebullit cum strepitu, morte aerea tandem resolutum.

EXPERIMENTUM 49.

Solutionem marmoris rubri, acido nitri factam, lixivio caustico fixo satio — oritur, ut in aliis, coagulum caseosum — huic infundo aquam ebullientem — altera die supra faciem liquidi invenio pelliculam cremoraceam, & colostrum in pulverem præcipitatum. Decanto liquidum, edul-

eduleoro pulverem per vices duodecim, aqua eduleorationis aquæ calcis nihil simile habuit. Pulvis exsiccatuſ albiſſimuſ, non magma, cum acido nitri vehementer efferveſcebat.

EXPERIMENTUM 50.

^{110.}
Solutionem lapidis cremenſiſ tracto eodem modo, eadem erant phænomena. Exſiccatus pulvis vehementer efferveſcebat.

EXPERIMENTUM 51.

Calcem priuſ in aqua extinctam, dein exſiccataſ, tum acido nitri ſolutam, lixivio cauſtico fixo præcipitare volo. — Non ſuccedit experimentum — omnia clara manebant. Idem mihi obvenit dum in acido nitri ſolutum cremorem calcis eodem lixivio præcipitare contendo — hinc majorem lixivii cauſtici quantitatem infudi, facta eſt lenis efferveſcentia, unde intelligebam, lixivium meum cauſticum in aëre factum eſſe vulgare, quod ſolum per hoc in vas patulum effuderam; igitur parandum mihi erat novum lixivium cauſticum & duas haſ mixturas ita in alteram diem remiſi, quæ dum lixivium cauſticum recipereſt, coagula dederunt & præcedentium omnium phænomena & producta. Experimentum tamen de novo tentavi.

EXPERIMENTUM 52.

Et cremorem & calcem extinctam, acido nitri ſoluta lixivio cauſtico coagulo — coagula
adfuſa

ad fusa aqua ebulliente diluo, filtro, pulverem exsicco. Pulvis & calcis extinctæ in vitro siccatus, ut & ille cremoris vehementissime effervuit.

§. XXVI.

Inter hæc vero experimenta omnia, non mihi videbatur ullum convincentius, & calces has omnes acido solutas & lixivio caustico fixo præcipitatas, non veras calces esse causticas, quin contra sic calcareorum nativam potius indolem assumere non perdere, evidentius probans, quam si aliquod institueretur experimentum cum ipsa viva caustica calce, quæ jam per se causticitatis privilegia haberet, confirmanda & augenda experimento, vel delenda. Itaque instituo sequens.

EXPERIMENTUM 53.

Calcis vivæ aqua & acido nitri factam solutionem filtro, adjecto oleo tartari coagulo, filtro injicio medietatem Magma amylaceum supra chartam sicco, dein obulliente aqua frequentius edulcoro. Lactescebat aqua, atomi ad latera vasis deponabantur, & omnia nata sunt præcedentium phenomena, & nulla unquam aqua aquæ calcis veræ saporem habuit — tertiæ edulcorationis aqua fervida syrupum violarum in rubellum violaceum trans mittebat — edulcoravi donec non amplius tentaret, filtravi; & coagulum & siccatus pulvis cum acido nitri vehementer effervuit.

EX-

EXPERIMENTUM 54.

Aliam præcedentis solutionis partem lixivio caustico fixo commisceo, coagulum filtro, sicco, & aqua ebulliente iterum satio — nec hic ullus erat aquæ calcis sapor. Pulvis siccatus æque vehementer & nulla a priori distinctione effervuit, licet priorem salis tartari aerem in se suscepisse hypothesis velit. Ut, quæ aerem non recipiunt, æque vehementer effervescent ac quæ recipiunt.

EXPERIMENTUM 55.

Calcis vivæ solutionem in puro nitri acido factam ita diluo, ut acida amplius non sit; adfundo lixivium causticum fixum mensura BLACKII præscripta — coagulum filtro, filtratum sicco, aqua fervente solvo continuo agitando. — Phenomena ut in aliis omnibus eadem; nullus in his aquis aquæ calcis sapor. Frequenti ablutione edulcoratus pulvis, siccatus, ut & coagulum non edulcoratum exsiccatum, & remans exsiccatum in filtro pulvis, & ille lateribus vitri adhaerens, omnia vehementissime & conspicue effervescere.

Nunc conclusiones BLACKIUS IACQUINIUSVE deducant, dum ego ulterius progredior.

§. XXXII.

Sed videamus nunc etiam, an rosis acido nitri calcareis per abusum illis dicta calx viva, calcis

cis vivæ igne natæ dotes habeat? En sequentia experimenta in conclusionibus.

EXPERIMENTUM 36.

Hanc calcem acido nitri obtentam in aqua non extingui — nec fatum suum lamentari, nec effervesce cum aqua aut ebullire — nec aereas bullulas aut fumum ejicere — nec vasa calefacere — nec res inflammabiles adurere — nec exemplum dare incendii ejus frigore orti, quæ tamen omnia calx viva igne exusta faciat. — Hinc quod calcis vivæ igne exustæ proprietatem nullam habeat, & tamen calx viva juxta BLACKIIUM IACQUINIUMVE audiat, congruo impostum nomine hanc calcem vivam frigidam BLACKII: aliam vero igne exustam calcem vivam causticam MEYERI vocitabo.

EXPERIMENTUM 37.

Non solvi plus in aqua quam alium terreum pulverem — si tamen quidpiam solvatur, & aqua saporem habeat, id a solvente vel precipitante esse, non a natura calcis frigidæ.

EXPERIMENTUM 38.

Variis substantiis superadditam illis non majorem vim conciliare, quam gleba calcis cruda solet, ni forte eam iterum a solvente aut precipitante mutuetur.

EXPERIMENTUM 59.

Solvi hanc calcem frigidam non minus in acidis, quam ipsam ejus glebam — manere in his solutam, & alcalinis præcipitari — sic de novo exsiccari, solvi, præcipitari posse.

Si vero obtigerit, calcem hanc frigidam jam solutionibus rebellem esse, incertum esse, vel a solventibus vel præcipitantibus ita affectam obsessamque haberi, ut natura sua incarcerationis genium suum sequi non possit, nec eos exferre effectus, quos libera facit, salis selenitici exemplo.

§. XXVIII.

Quandoquidem igitur calx viva frigida BLA-CKII nullam sece dotem essentialem habeat calcis vivæ igneæ, præter hanc, quod utraque cum acidis effervescat ex phænomeno, & sine aere ex hypothese — an non posset hæc quidem calx frigida sine iis scrupulis & puerilibus cautelis ad hypothesin conflexis facilliori methodo præparari? in hanc causam primo volui videre, quid faceret calcaretus pulvis in aqua — secundo, quid faciat cum alcali junctus — tertio, quid acido nuptus. Ergo

EXPERIMENTUM 60.

In subtilissimam pulverem contundo calcareum Dornbach, infundo aquæ ferventi unam portionem: alteram frigidam — agito & commisceo diu

diu — turbatur aqua leviter sublaetescit, ut calx frigida BLACKII solet — dat in superficie speciem pelliculae pulverulentae, non verum cremorem — ex adherente lateribus vitri pulvere vitri splendor deletur. — Aqua lixiviosa est, non calcis vivae — syrupum violarum in viridem transmittit — pulvis subsidens cum acidis effervescebat. Nunc quia haec omnia habuit calx frigida BLACKII, habetur hic prima calcis frigidae species sine acido.

EXPERIMENTUM 61.

Pulverem tenuissimum ejusdem calcarei in praeo per longum tempus oleo tartari, concrevit in lapidis speciem — hanc solvo in aqua fervente, quae lixiviosa fit & omnia priora regenerat, ut etiam post octavam edulcorationem examinatus pulvis qui cum acido nitri multum tumultuabat. Ergo haec altera nova est calcis frigidae species.

EXPERIMENTUM 62.

Supra filtrum residuus calcarei in acido nitri soluti & percolati pulvis, aqua ebulliente, qui aerem non habuit, diluitur — faciebat in superficie undas pulverulentas, quae microscopio visae exhiberent bullulas aereas fixatas quasi. Aqua haec calcis frigidae primo syrupum violarum non mutabat, dum vero saturaretur magis & pulvis syrupo intereretur, in sordide viridem transmissit. Aqua lutosa fuit, aliis similis. Pulvis

vis hic specialis habuit, quod cum acido nitri non efferveret. — An esset hic solus vera calx viva hypotheseos? sed tunc crassum per chartam emporeticam transire non potens sedimentum, calx esset BLACKII — & quid demum esset ex solutione calcarei in acido nitri lixivio caustico præcipitatum?

Etsi nunc diversæ hæ species frigidarum calcium faciliori methodo parari possint, intelligebam tamen non aliud experimentum decretorium magis & hypothesei gratum magis adduci posse, quam quidem illud, quo omnes hæ calces frigidæ iterum in cremorem vel calcareum crudum resuscitantur. Quod quoniam duobus modis, scilicet extinctionis in aere uno, intrusionis aeris fixati per mixturas effervescentes altero, ipsa docuerit, utrumque sequar.

EXPERIMENTUM 63.

Sumo igitur calcem frigidam BLACKII, sumo omnes a me paratas species, præter illam experimenti 62. — Diu expono aeri libero, in cremorem nulla abivit, nulla nunc plus, quam ante, cum acidis effervuit.

EXPERIMENTUM 64.

Sumo illam speciem Experiment. 62. neo aerem fixatum ex atmosphæra, nec ex effervescente mixtura assumere voluit aut potuit — & ut antea non effervuit, ita postea nihil fecit.

Ut igitur, quoniam hæc tamen calci vivæ igneæ seu in aere libero, seu ab effervescente mixtura eveniunt: frigidaæ BLACKII calci, & omnibus ejus speciebus non contingunt, calces has frigidas omnes ab unica calce viva caustica MEYERI distinctissimas esse, & tota, ut ajunt, natura differre, concludere necesse sit. Quæ cum ita sint — reliquum addat IACQUINIUS ex attrahente affinitate, dum ego ad MACBRIDEI experimenta propero.

§. XXIX.

Experimento ergo primo ¹⁾ vidit egregius vir, aquam calcis filtratam limpida, lagenula uni impositam turbari: ex hac, solutas ante & suspensas calcis particulas præcipitari in statum indissolubilitatis redactas; dum in alteram lagenam cineres clavellatos continentem infunderet fossile acidum, & aerem horum duorum conflictu genitum, tubi interventu in primam lagenulam deduceret. Ingenuosi hujus experimenti omni laude digni solam, missis pro tempore aliis, rationem nunc dispiciamus, scilicet hoc calci in aqua extinctæ, quem amiserat fixatum aerem, & propter quem absentem calx viva fuerat, nunc reddi fierique denuo calcareum crudum.

Et primo quidem vix me toto, ut ajunt, cœlo aberraturum credidero, si dixerim etiam istam

t) l. c. p. 315. aliunde multos & nunc. etc.

istam conclusionem non adeo liquidam pronamque esse, dum ea ipsa per indubitata antecedentium Physicorum & Chemicorum experimenta, plurima supponit demonstrata, quæ tamen adeo nobis hodie explorata perspectaque non sint.

An demonstratum jam est, aerem elasticum, quæ elasticum, corporibus jungi, ut in hoc experimento hac forma calcis atomis nubi posse ex conclusione probabile fiat? si enim ut talis nec animalia nec vegetabilia nec mineralia ingredia-
tur unquam corpora, ut pars horum constitutiva, sed solum in aqua extinctus quasi illis copuletur, & dein adhæreat copulatus docente id clarissime terrarum calcarearum genesi & fontium incrustantium natura, recta ratione dubitari posse putem, aerem elasticum seu fixatum, MACBRIDEO dictum, eo quidem artificio & modo, quo ille contendit, calcis atomos præcipitare. An jam ipsi clarissimi Viri, Physicos, corpora in rerum natura aliqua suis in menstruis ideo solvi & soluta suspendi, quod aere fixato ut phænomeni vacua orbaque sint, & eo quo cæmentante aeris elemento iterum satiantur momento solubilitatis in aqua privilegio exui & in fundum præcipitari, jam ita convicerunt, ut phænomeni prætensa ratio extra omnem dubitationis aleam posita constitutaque sit? — maxime cum idem ipse aer alias plurima corpora in liquidis suspensa solutaque teneat, & hoc in auras ruente, illa in fundum dejiciantur — Och-
rz, ut alia taceam, a spiritu minerali elastico

discedente ex aquæ amplexu dimissa & præcipitata exemplo. Adde a posteriori ut ab eventu ignotæ causæ deductam Clarissimorum Virorum conclusionem adeo non fringere, ut æque ac opposita roboranda experimentis solum veniat. Utique hodie de ligni putridi (admisso in antliam aere) lucendi potestate, eodem ex eadem ablato, ablato demptoque lucendi privilegio, ut ex eventu — non physice viri clarissimi concluderent, aerem esse ligni putridi lucem & hanc huic dare: quo fugato lignum putridum non luceat, reddito in priorem statum redeat & lucendi potestate vigoretur! An jam el. horum Virorum facillimis experimentis ita imbuta omnis convictaque est Physica, ut illorum fide aerem elasticum seu fixatum etiam madidis & aqua saturatis calcis atomis facillime nubi & quasi primo contactu gravidari posse, sibi serio persuadeat? — dum tamen ipsa docuit bibula & omni humente exsucca corpora aquam, non aerem avidissime haurire — aquam in corpora, & per eadem transire, per quæ non transit aer elasticus seu fixatus — corpora gliscente hoc & postes omnes occupante aquæ elemento saturata, corii in antlia madefacti exemplo, aerem non amplius admittere elasticum — nisi certe eum, qui extinctus in aqua corium humectante fit: de quo hic quidem loci a MACERIDEO minime agatur, dum effervescentiæ conflictu elasticum aerem calcis madidis & aqua meritis atomis cæmentari, non illum velit aquæ inquinum.

An

An demum ultimo etiam illud & MACBRIDEO, & IACQUINIO, qui longam omnino & omnibus notam parenthesin ex HALEGIO, BOERHAAVROQUE adduxit, quod supponunt (scilicet liquida omnia determinata tantum aeris dosi, ultra quam aerem non suscipiant amplius, saturari) adeo certo demonstratum principium est, ut in omni physica experimenta ad rei veritatem indagandam ulterius instituyente censuram evitare possit? Certe in vulgaribus etiam liquidorum phaenomenis id dubitationi subjectum esse percipimus — vina campana in dato volumine plus aeris quam alia continent — sic pariter spirituosae & non nimis oleosae aliae — tum liquida in actu fermentationis suppressa omnia — ipsi fontium medicamentorum latices — & quae ad causam nostram spectant, & ipsa calcis aqua, & lixivium causticum fixum. Przvideo quidem, non sine ratione hic objici posse, ipsa campana vina cretaceo solo, quod aeris fixato emporium sit, gigni — liquida in actu fermentationis suppressa ex ipso fermentationis actu aerem bibisse — & sic porro. Sed haec me non movent unice asserentem, majorem aeris dosim sub dato volumine haec liquida habere quam alia, nec supponentem unde advenerit.

§. XXX.

Quae omnia cum ita sint, multum vereor ut ex experimento: quasi ex claro ad oculum sed ignotae causae eventu, deducta clarissimorum

virorum conclusio, scilicet ab aere fixato calcis atomos in aqua calcis demersos suspensosque gravidari, gravidatos præcipitari, multum periclitetur & angatur; & rebus omnibus in apertum deductis & ad rationis lumen pensatis in meram putamque hypothesein transeat, cui e diametro opposita alia appendi possit — scilicet, aquam adhuc ulteriore aere elastico satiari posse, inde satiatae aquæ particulas leviores fieri, aut alia ratione in cohesione mutari — leviores factas aut sic mutatas, graviores calcis atomos non amplius sustinere & suspendere posse — hos igitur particulis aquæ levioribus non amplius sustentatos in fundum ruere & præcipientes agi. Certe eventus experimenti Macbrideani non magis Blackianæ hypothesei, quam huic obsequens, famulatur — nec prior, quæ palparetur manibus, caperetur oculis, neglecta a Physicis nec pro suis meritis spectata satis esset, potius veritas dici meretur aut fabula. Utraque hypothesis est, nulla in maiorem dignitatem adhuc elevanda, donec definitum sit. Sed nunc puto veram oportunitatem sese offerre discutiendi Blackianæ & Macbrideanæ hypotheseos fundamenti, quod licet jam antea diligenter contra IACQUINUM fecerim, tamen hic ut proposuerunt, per membra faciendum, ut hypotheseos ambitus & valor intelligantur.

I. Calcareæ substantiæ crudæ incredibilem fixati aeris quantitatem in omni experimento

mento habent. Hic aer maximum earundem pondus constituit, & est pars earum constitutiva. Docet calcinatio, & in vasis clausis rotæ igne destillatio, harum in acidis fossilibus solutio.

Calcareis ingeneratam esse substantiis incredibilem aeris quantitatem nostra ætate nemo dubitavit, hinc de hac non controvertitur, licet infidos admodum & incautos dederint calculos IACQUINIUS BLACKIUSVE. Sed id in questionem recte ducitur, an iisdem his substantiis aer fixatus, quatenus fixatus, & ab illo, qui in aqua sit extinctus quasi, diversus accedat? & an, quia in calcareo adest plurimus, ideo calx ex calcareo uita cum attrahat? An quæ vel aere vel phlogisto constant corpora aerem vel phlogiston attrahant, dum destructa igne dirutaque sunt Antimonii utrumque habentis & aliarum substantiarum instantia? Id enim prius demonstrari debuisset in experimento, ut probabili ratione dici posset, aerem fixatum, quæ fixatum, calcis in aqua solutis atomis nubi.

Nunc per experimenta physica certum est, aerem fixatum in liquida, quæ satiet, transire & eum quidem in his magna cum difficultate, longaque solum mora solvi, tum MARIOTTI tum BOERHAAVII experimenta evincunt, ut sint notissima — imo nostra ætate clarissimus & magnæ famæ physicus curiosissimo experimento proportionem in aqua communi naturaliter con-

tenti aeris non ~~ita~~ excedere cognovit. Aliis corporibus solidis aerem fixatum forma fixata nullo aquosi vehiculi praesidio attrahi, ut minima horum corporum elementa conglutinet camentetque, non novi — Experimenta ab illis expectamus ea sedulitate atque perspicacia facta, ut etiam clare definiatur, an cum solidis corporum particulis facilius, minori interjecto temporis intervallo camentans hoc principium confluat, & horum atomos coagulet, quam quidem cum aqua fecerit, cui non sine evidenti repugnantia longaue solum mora commiscetur.

Alterum urgeri non debet, scilicet, an ideo, quia crudæ substantiæ aeris habuerunt plurimum, igne destructæ dirutaque eum vehementer attrahant, certe id omnibus repugnat physicis, & chemicis notionibus.

Num vero maximum calcarei pondus aer fixatus constituat, alia quaestio est. Fascinatus Blackiana hypothesei perquisitis in primo chemiæ fervore, ex destillationis in vase cellensi remanente pondere, calculum adornavit totam paginam ^{u)} longum, qui ponat tantam aeris in calcareo crudo quantitatem, ut volumen habeat 646 majus, quam ipsum est volumen calcarei, in quo continebatur. Calculi intemperantiam, quam nec ipse BLACKIUS probaret, jam satis §. VIII. demonstravi; ex quo etiam non obscure patefcat vel ipsa calcinationis, vel peractæ in

va-

u) l. c. p. 25.

vasis clausis vehementissimo rotæ igne destillationis pericula, inutilia, incertaque esse, nec eadem, quæ in nostræ causæ diiudicationem adferenda sunt adminicula. Solus inter omnes BLACKIUS convenientiorem & ipsa indicatam naturæ viam ingressus de aeris ex substantiis calcareis jactura, unicuique hoc experimentum sumit. Scilicet in magna lagenâ florentina drachmis septem unaque guttâ diluti spiritus salis, cretæ drachmas duas solvit. Et quod finita effervescentiâ desideraretur scrupulorum duorum & octo granorum pondus, id aeris esse pronuntiavit. Nunc, dum alii hunc calculum cum illo IACQUINII conferre possunt, quæram ego, an solus aer fixatus a cretâ aliisque calcareis substantiis cum acido fossili tumultuantibus avulsus avolansque ponderis decrementum faciat? sed argumentorum loco en jacturas ponderum a me observatas, quas ita dividam, ut fraus, si sublit experimentis, illico intelligi possit. Ergo

* *In vasis apertis seu sursum latefcentibus vitris, mense Februario, cubicula moderato calido.*

EXPERIMENTUM 65.

Sumo cretæ crudæ grana X. aquæ fortis vulgaris drachmas III. guttas LI. Mixtura vehementer efferveſcebat, cum magnis bullis aereis,

F 5

flu-

flumine aereo quod Vesuvio fumanti comparasset in glebula majori: in minoribus cum motu perpetuo sursum deorsumque raptarum cum cauda aerea. Aderat fonticulus saliens — glandes emissæ sunt — omnia ebulliebant & spuma ingens impura apparuit. Finita post medium horæ quadrantem effervescentia & solutione deerant grana novem. Vitrum minus fuit: cubiculum calidum.

EXPERIMENTUM 66.

Ejusdem cretæ grana X. in eadem aceti boni quantitate ut 65. exper. aliquantulum moderatius se gesserunt; magna tamen erat effervescentia. Relictis in alteram diem defuere grana XII. Vitrum minus fuit.

EXPERIMENTUM 67.

Glebula calcarei crudi Dornbach gr. X. mittitur in acidi aquæ fortis drachmas II. gutt. III. Multum effervescebat, e fundo emittebatur flumen aereum, ut fumum sulphurei Puzzeolani montes dimittunt — turbabatur solutio — aderat fonticulus saliens — glandes emittebantur — ebulliebat fortiter & spumam agebat. Solutis desiderabantur grana VI. altera die XII. Adduntur iterum grana X. calcarei & tertia die in universum deerant grana XIX. Vitrum altius fuit.

EX-

EXPERIMENTUM 68.

Glebula ejusdem calcarei gr. XIX. mittitur in acidi nitri drach. II. gutt. XXV. Finita effervescencia habuit minus grana XVI. Vitrum minus fuit.

EXPERIMENTUM 69.

Calcarei Kayserberg grana X. immissa in drachmas II. ejusdem acidi, se fere ut priora gesserunt. Sed delineabatur in rimas gleba, quod in aliis non observavi — dein tota soluta. Desuerunt grana V. Vitrum minus fuit.

EXPERIMENTUM 70.

Calcarei Cremsensis gr. X. cum acidi ejusdem drach. II. gutt. III. nullo modo efferbuerunt & minimis aereis bullulis, quibus quandoque glandes interponebantur emissiles; diu non solvebantur. Viginti horis, ut solverentur, indiguit, & tum desuere grana III. quæ certe adhuc non essent fixati aeris per effervescenciam extricati, quæ hic nulla esset. Solutio limpidissima fuit, filtratione non indiguit. Vitrum altius fuit.

EXPERIMENTUM 71.

Repeto idem cum acido nitri sincero, in vitro minori. Solutio celerior fuit. Desiderabantur grana VII. Eidem mixturæ iterum addo grana X. Altera die desiderabantur gr. XII.

EXPE-

EXPERIMENTUM 72.

Marmoris rubri gleba gr. X. in acidi aquæ fortis drach. II. gutt. IV. vehementer effervuit, ebullit, spumam magnam egit. Liquidum rubello colore inficitur, & gleba gratissimo spectaculo loco movetur, imo ascendens ad superficiem liquidi suspenditur. Post medium horæ quadrantem desiderabantur grana II. Sed vitrum altius fuit. Adjicio scrupulum marmoris unum, nova fit effervescencia, ebullitio cum strepitu, & apparet spuma ingens. Odor acidi per totum conclave diffunditur. Post tres horas perdiderat in universum grana X. Post decem horas grana XIII.

EXPERIMENTUM 73.

Marmoris variegati cerulescentis in glebulis gr. X. drach. II. gutt. IV. ejusdem acidi infundo, effervescebant, ebulliebant cum strepitu, fonticulus saliens conspiciebatur, glandes emittebantur, aderat Vesuvij spectaculum & ultimo magna spuma. Post medium horæ quadrantem granum I. desiderabatur. Ut priori ita huic superaddo marmoris ejusdem scrupulum. I. — Eadem ut in præcedenti omnia obvenerunt, etiam acidi per totum conclave odor diffundebatur. Post tres horas perdiderat grana XI. Vitrum priori simillimum altum fuit.

EXPERIMENTUM 74.

Olei tartari per deliq. drachmam semis, acidi ejusdem eandem quantitatem: duabus vicibus com-

commilceo. Finita effervescencia non defuit granum unum, aut si scrupulose, quod lateribus, alterius vitri adhærere de acido potuit, computes, defuerunt ad summum grana II. Vitrum prioribus æquale fuit altius. An sal lixiviosus minus haberet aeris fixati quam marmor? ipsa etiam calx viva?

EXPERIMENTUM 75.

Sumo calcis vivæ jam aliquot diebus paratæ grana XVIII. Aquæ unc. semis. Acidi nitri drachmas II. gutt. III. Primo acidulo aquam, dein immitto glebulam calcis vivæ, vera effervescencia cum sibilo nata est, sed statim gleba in fundo vitri immota mansit — illi in superiori aquæ facie spuma aerea imminet — curo sensim reliquam acidi quantitatem infundi, dum lente vitrea glebam lustro. — Glebæ superficies non multas habebat bullulas aereas, nunc illis obducitur tota, quæ juxta ejus latera decurrant & ad liquidi superficiem properent. Incipit foliari, deijci cum explosione gleba, & vitrum vehementer calere. — læcet calx instar cornu in fundo durata, & aerea spuma in aquæ superficie imminet, ponderatis illico, deerant grana II. Nunc incipio scribere observationem; qua finita pondero iterum stantem in bilance mixturam jam refrigeratam — amiserat grana V. Ergo calx viva plus perdit quam oleum tartari. — Et quandoquidem jacturæ ponderum sint jacturæ aeris fixati ex hypothesi adversariorum, calx viva plus habe-

habebit aeris fixati, quam oleum tartari. Nec hic valere potest exculatio, calcem recentem non fuisse, aut calorem aliquid dissipasse. — lacturæ ponderum sunt aeris fixati juxta hos phyzicos, & in destillatione illa famosa, & unica, in vasis cellensibus furno anemio, valido rotæ per plures horas igne jucturæ non erant caloris infernalis aut aquæ dissipatæ vel in vapores elasticos resolutæ vel a lateribus vasorum absumptæ! quare ergo hic essent. Quoniam mixtura statim esset limpidissima, uni ejus parti colatæ affundo oleum tartari per deliq. valide effervuit. — Reliquam partem demersa calce agito, lactescit mixtura, calx solvitur, & vitrum incalcescit. — Mediante calamo commisceo violentius, ad libellam liquidi circulus aureus nascitur, lactescit mixtura, vitrum semper incalcescit magis, calx solvitur tota. Adjeci novas glebular calcis, iisdem phænomenis solvuntur, liquidum saturatur, amice coit cum oleo tartari. Cubiculum moderate calidum fuit. Vitrum præcedentibus æquale.

EXPERIMENTUM 76.

Aciti nitri drach. II. Calcis cretæ gr. X.
post horæ quadrantem desiderabant grana III.
post diem grana X.

EXPERIMENTUM 77.

Acidi ejusdem drach. II. gutt. III. Cremoris
calcis drach. semis, vehementissime effervesce-
bant, ebulliebant, fumabant, acidi odore per
cubi-

cubiculum diffuso. Finita post aliquot minuta effervescencia perdiderant grana X. Vitrum altius fuit; & cubiculum moderate calidum.

**** In vasculis Coffet.**

EXPERIMENTUM 78.

Aquæ drach. III. Acidi ejusdem drach. I. gutt. LI. Calcis vivæ aliquot diebus coctæ gr. X. Extinguebatur, ut in aqua, disrupta in partes nec ebullit, nec fonticulum excitavit, lactescens mixtura brevi claruit. Post tres horas defuerunt grana VI.

EXPERIMENTUM 79.

Aquæ drach. III. Acidi nitri drach. I. gr. LI. Calcis vivæ aliquot diebus coctæ gr. X. Post horam cum dimidia defuerunt grana XII. post quinque horas XXIV.

EXPERIMENTUM 80.

Sumo eadem omnia pondera cum calce viva calida, post duas horas desiderantur grana XV.

EXPERIMENTUM 81.

Calcis cretæ gr. VIII. Aqua communis unc. semis, drach. II. gutt. XII. Acidi nitri drach. II. gutt. XXXVI. Perdiderunt grana II.

EXPERIMENTUM 82.

Calcis cretæ gr. X. acidi nitri drach. II. gutt. III. effervescencia brevi finita. — Deerant grana IV.

EX-

EXPERIMENTUM 83.

Pulveris calcarei grana XVI. Acidi nitri drach. II. gutt. IV. Finita effervescencia deerant grana IX.

EXPERIMENTUM 84.

Salis tartari grana X. Acidi nitri gutt. XX. Finita effervescencia vix quidquam defuit. Eadem mixtura inmitto cremoris calcis grana X. Finita effervescencia nec soluto tamen omni cremore, deerant grana V.

EXPERIMENTUM 85.

Aquæ drach. III. Acidi nitri drach. I. gutt. LI. Cremoris calcis gr. XVII. Post pauca minuta desiderabantur plus, quam grana VIII.

*** *In Lagenulis medicinalibus amplius ventris, angusti colli.*

EXPERIMENTUM 86.

Acidi nitri drach. I. gutt. LI. Calcis extinctæ & siccatæ grana X. Post tres horas nihil defuit. In alio tentamine defuit granum I.

EXPERIMENTUM 87.

Acidi nitri drach. II. gutt. IV. Calcarei Dornbach drach. semis. Finita effervescencia perdiderant grana XIII. Post duas cum dimidia horas recuperaverunt granum I.

EX-

EXPERIMENTUM 88.

Acidi nitri drach. II. gutt. III. Cremoris calcis grana XIII. Perdiderunt grana V — De novo adduntur gr. X. Finita etiam hac effervescencia, desiderantur grana III. hinc in universum octo.

EXPERIMENTUM 89.

Repeto experimentum 86. cum Lagenula cremoris calcis præcedentis experimenti, & recipio acidi nitri drach. II. gutt. X. Calcis extinctæ bene siccata grana X. quæ vere effervuerunt, ebullierunt cum strepitu. Omnibus finitis deerant grana III. semis. Addo illico de novo grana X. Desiderabantur finita effervescencia iterum grana III. vitro adhuc calente. Post duas horas cum dimidia mixtura unum granum recuperavit.

EXPERIMENTUM 90.

Cretæ crudæ grana X. Acidi prioris drach. II. Finita effervescencia perdiderant grana III. Aditis de novo cretæ granis X. Desuerunt finita effervescencia in universum grana VIII. Tertia vice adjicio cretæ grana X. et finita effervescencia in universum amiserant grana XIII.

EXPERIMENTUM 91.

Acidi nitri drach. II. gutt. XIII. Calcis vivæ in frustula fractæ, aliquo jam tempore coctæ, drach. semis. Effervescunt manifeste, glebulæ, sursum rapiuntur & deorsum, ebulliunt cum sonitu

G

a longe

a longe venientis tonitru, disjiciuntur, non statim solvuntur. Post aliquot minuta defuerunt grana II. Lagenula multum incaluerat.

Quæ in vasis clausis ponderum jacturæ sunt, deinde dicentur; dum interea concludam

Primo. Ne istum quidem BLACKII acidi immemorem nitrosi, adeo exactum calculum esse — non esse solius aeris elastici — hunc enim minime aquæ fortis odorem habere, qui tamen per conclave diffundatur — & nitrum regeneratum faciat — & per tubum Macbrideanum in ejus experimento exhalat — & suber in superiori parte lagenæ suspensum in flavum colorem commutet, & corrumpat, ut nitri acidum facit: quod experimentum de industria institui.

Secundo. Corpus exiguis bullulis aereis & vix sensibilibus, lente in acidis fossibilibus resolutum, sine magna suarum partium jactura, non ideo aere elastico destitui dici posse, aut minorem quam aliud, quod tumultuat, quantitatem habere.

Tertio. Constantes jacturas, siquidem partes calcareorum adhibitorum, ipsius acidi efficacia, & aliæ circumstantiæ adeo varient, sperari non posse; nec istas quidem qui calcareis insit aerem exhaurire: dum unus idemque calcareus concentratori acido solutus & majori cum tumultu effervescens plus amittit, cum minori acido minus.

Quarto

Quarto. Etiam jacturas ponderum observari in illis calcibus & calcareis, quæ aliquibus datis circumstantiis non effervescent — hinc cautam minime esse nec per experimenta natam conclusionem examinis chemici ^x).

Quinto. Non minus incautam alteram illam esse, quæ citra experimentum ullum conclusit. „Nitri acidum solvere ex calcareo præcise totum „pondus calcis, quæ per ignem coqui potest ^y.) Et vi aperta ex destillatione calcarei in vasis cellenſibus furno anemio valido rotæ igne exortum calculum trahit in eundem calcarei acido nitri soluti, ut nunc jubeatur calcareus acido nitri solutus æque ac calcareus igne coctus jacturam facere 13 partium ^z), hinc pariter 646. volumen habere majus, quam ipsum est volumen calcarei, in quo continebatur ^a.) Hinc omnino mirum esse, istum quidem chemicum clarissimum MEYERO, quod cæcutiat & præconceptis opinionibus abripi se patiatur, objicere ^b.)

Sexto. Videri aerem de essentia calcarearum substantiarum & omnium alcalicarum esse — & substantias has, quam diu vere tales sunt, eo nunquam destitui, ne ipsis quidem harum calcibus exceptis, nisi in neutrum statum seu fixitatis, vel phlogisto vel acido, quæ duæ substantiæ has mirum in modum immutare possunt, fuerint

G 2

dedu-

x) l. c. p. 89.

y) l. c. p. 89.

z) l. c. p. 89.

a) l. c. p. 26.

b) l. c. p. 9.

deductæ. Nec ideo, aere carere calces vivas, dici posse, quod nunc se non, ut calcarei, eum maximo tumultu cum liquidis gerant. — Utique tam in solutionibus, quam in igne aeris multum amiserunt — etiam vel phlogisto vel acido in statum majoris fixitatis, ut naturam suam aperte offerre non possint, pro magna parte mutata sunt, salium terreorum & aliorum præparatorum chemicorum exemplo.

§. XXXI.

II. Calcareæ hæc substantiæ aere suo fixato orbari possunt; hoc orbatæ calces sunt vivæ causticæ non amplius effervescentes, sed in aqua solubiles. Causticitas a sola privatione aeris est, etc.

Substantias calcareas pro magna parte aere, quo gaudent, fixato exui posse, tum solutionum in acidis fossilibus, tum vehementis ignis tortura adminiculo, nemo controvertit: omni orbari posse nullus experimento demonstravit; at hoc ipso, tanquam ab aeris fixati privatione, in calces converti causticas &c. hoc in questione est, & ab omnibus controversum.

Sedulo perpenſis adversariorum scriptis & illis etiam, quæ in his sunt, (nam experimenta vere non habent) suppositis, hujus quidem causæ probationem *DIAGENIS* lucerna media in die adhuc quæro — argumenti nihil invenio — quod vere chemicum est. Vide perorantem clarissimi

rissimum chemicum controversi non posse, & oculo dari debere, imo sine omni erroris metu evidenter concludi posse, quod ablato aere calcareus calx fiat, & hæc caustica sit, suæ destillationis unico exemplo, etiam in calculum ducto — sed an hoc bene offerre MEYERO clarissimus chemicus argumentum potest! MEYERO, cui exprobrat nihil probare, demonstrare nihil. — Dum idem vir clarissimus sine igne rotæ valido calcareum suum crudum in calcem causticam versum nec probare potuit nec sistere! ut vel inde manifeste intelligamus, cur, ut ex substantiis calcareis calcem producerent, causticam, calcinationis præsidium BLACKIUS, totæ ignem validum IACQUINIUS astuti elegerint — ex igne nihil sperantes — & sine hoc causticas calces tamen producere non potentes. Quæ omnia ut affectam hypotheseos Blackianæ fidem palam testantur, ita sane huic non potuissent majorem denuo auctoritatem conciliare: & simul non certius, non evidentius doctrinam MEYERI exseindere, & huic omnem superflui gressum intercepte, quam si sine vehementissimo vel calcinationis vel destillationis igne calcareum in calcem vertissent, & inde suas probationes adornatum ivissent. Clarissimus chemicus, ut jam semel monui, quod erat demonstrandum, non suscepit, & quod non erat suscipiendum, demonstravit: dijudicationi causæ examine suo chemico nihil attulit. Demonstrandum fuerat, non quam facillime supponendum substantias calca-

reas acidis fossilibus solutas veras causticas calces esse factas, & calcium igne ustarum ex calcareis dotes habere, & sic porro.

Quoniam vero nec id perficerent, & in nupera conjunctione solutionis calcareorum in acido nitri factæ, cum lixiviis causticis fixis nihil caustici invenirem vide §. XXV. Exper. variis. volui expiscari.

Primo. Quid demum causticum clarissimi Viri vocarent, ut de ea, quæ inter nos causa est, constaret. Ergo examen chemicum adivi, in quo hæc invenio *.) „Calx viva mihi videbatur terra ex se iners, nec apta nata agere per se, „sive rodendo sive urendo, — sed quare? an calx viva ut calx vixæ non per se distinctum corpus est, & quidem per se rodens? det demum nobis calcem vivam igne ustam, quæ non rodatur. Theſim tamen suam cl. Vir etiam probat, evidentius dicens. „Cur enim minus roderet, minus „ureret chartam tenuem siccam ex vegetabili „regno, quam ex animali petitas multas partes „sive molles sive duriores? „ omnino — sic in chemia nihil aptum natum est, agere per se, non ignis — non menstrua ulla — cur enim ignis minus combureret aurum, quam meam manum aut moxam? cur aqua regia minus solveret lignum, quam aurum? — sed manum de hac tabula — sic enim discere non possum, quid illi causticum vocent. Hoc unicum didici illos inter-

fuisse

*) l. c. p. 70.

fuisse creationi & omnium rerum elementa caustica vidisse creari, quæ aerem non haberent.

Secundo Constitui probare, an lixiviosi sales vulgares, qui tamen etiam causticitatis dosin habent, cum solutionibus calcareorum in acidis conjuncti, daturi essent calces magis, quam lixivina caustica fixa, causticas? Feci igitur primo pericula cum sedimentis, deinde vero cum præcipitatis

EXPERIMENTUM 92.

Calceorum Dornbach, Kayserberg, aliorum marmorum in acido nitri solutorum sedimenta decantato prius nitri acido aqua ebulliente frequenter edulcoro — acria & fere caustica sunt, syrupum violarum viridi colore inficiunt, ad fornacem difficulter siccantur. Siccata diu in duram crustam sublapideam lutosâ vernicis speciem, quæ tamen iterum in aere deliquescat, concresecunt. Crusta hæc syrupum violarum viridi colore semper infecit — cum acido nitri non effervuit, sed ebullitionis strepitum edidit, & aereo flumine consumpta fuit. Sed quæ mira illa in calcareis dos est, quod etiam acidis fere saturata, tamen syrupum violarum semper in viridem transmittant?

EXPERIMENTUM 93.

Lapis Cremsensis in aqua forti jam seleniticum mentitur salem, qui tamen etiam ea solvatur. In acido nitri puro, ut jam semel monui, nullum dat nisi impuratum sedimentum, tum-

que posterius, ut prius, terra est acido imprægnata acris & caustica.

EXPERIMENTUM 94.

Creta cruda soluta acido nitri raro sedimentum sed nubeculam relinquit, quæ difficulter siccat: exsiccata ut vernix splendet, & in aere humescit; acerrima & caustica est.

EXPERIMENTUM 95.

Creta acido aceti soluta granulolum sedimentum ponit, quod edulcoratum, siccatum, terreo adstringens acre salinum fit, microscopio visum scoriis metallorum simile deprehendatur; cum acido nitri nihil faciat, nec mutetur.

An hæ sunt calces causticæ adversariorum? negant quidem illi; tamen hæ certe magis causticæ sunt, quam quas illi causticas vocant. Sed hoc de sedimentis sufficiat. Nunc de soluta in menstruo & per alcali lixivium præcipitata materię.

EXPERIMENTUM 96.

Omnium calcareorum, marmorum, ex acido nitri præcipitata edulcorata, evaporata, siccata, acris salina sunt, syrupum violarum viridifordido colore foedant, cum acido nitri & salis vehementer effervescent.

EXPERIMENTUM 97.

Calcis vivæ præcipitatum edulcoratum, exsiccatum cum acido nitri vehementissime effervuit,

buit, gustu aere fuit. Eadem phaenomena fuere cum calce cretae, cum calcis cremore, cum pul- te calcis vivae.

§. XXXII.

Liceat nunc querere, an demum haec sint ad- versariorum calces causticae? tales sane dici de- berent ex hypothese: tum quia revera acres & causticae sunt, tum quia ex conjuncto solvente aut praecipitante tales per se non sint — Sed con- trarium est quod omnes effervescent, ut & illae fecere, quae cum lixiviis causticis paratae fuerant. Novi quidem, posse hunc praconceptae suae opi- nionis scrupulum ita emollire clarissimos Viros, ut adfirmant, hanc effervescentiam ab illa salium alcalicorum distinctam diversamque esse, ut et- tiam ab iisdem sit illa calcium vivarum. At haec quidem responsio cautis nec satisfacere Physicis potest, nec scrupulum sufficienter dilu- ere, dum omnes haec calces frigidae quasi in ae- ream mortem ruunt, & tanquam emissio fixato spiritu emoriuntur — Dum „effervescentia „nihil aliud est quam expulsio aeris elastici, „quod vel ipsis oculis capimus, & haec hic oculis capiat, imo hauriatur naribus — alia alibi dixi.

Nec nunc satis intelligo, qui alterum scru- pulum sibi eradicare BLACKIUS possit — Di- xerat BLACKIUS in probationem suae hypothe- seos, calcareis substantiis omnibus aerem fixa- tum incredibili quantitate inesse: calci harum

vivæ nullum. Primum, ut probaret experimentum jam prius citatum cum drachmis cretæ crudæ duabus, & acidi salis diluti septem & gutta una instituit, ex magna effervescencia ponderum jacturam addens. Secundum probaturus cretæ crudæ drachmas duas igne ita torfit, ut scrupulos duos & grana duodecim perderent, hanc calcem cretæ vivam in uncia una aquæ prius solvit, in pulvem redegit, ultimo superdedit ejusdem acidi diluti drachmas sex, scrupulos duos, & guttas quatuordecim — solutionem factam esse dicit absque omni notabili effervescencia, & ponderum jactura, statim concludens „ex experimento aperte patere acida ex calce viva „aerem nullum extricare fixatum“, ^{c)} sed an calx aqua extincta calx viva dici potest? dum ex aqua aerem bibit juxta BLACKIUM? cur in priori experimento cretam non aqua solvit? cur in posteriori astutior calcem vivam aqua implevit, saturavit, extinxit?

§. XXXIII.

Sed ut etiam in hoc argumento intactum nihil relinquamus, fixati aeris alcalicorum salium in calcem præcipitem saltum amplexumque ex hypothese oculo mentis, si possibile est, hauriamus, cum eum non possimus videre oculo corporis. Igitur calx viva ignea in acido soluta dupliciter calx viva est, semel viva ignea urens, & semel viva frigida innocua. Quando igitur oleum

c) l. c. p. 217. 218.

oleum tartari per deliquium solutionis huic adjicitur, acidum fossile ob affinitatem cum alcalico sale eum illico aggreditur, & satiat; cumque aer, qui erat in sale alcalico fixatus, nunc liber & sine servitio vacans ex felicitate hypotheseos maximam habeat affinitatem cum calcareo, seu quod idem est, cum calce viva frigida, is in calcem hanc tanquam magnetem suum divertit, & hæc nunc imprægnata in fundum præceps datur — ita quidem sibi videntur clarissimi Viri speciose argumentati & naturam in nido, ut dicunt, aut verius in somno, aucupati.

Verum præterquam, quod jam antea luculenter confecerim §. XI., hoc fixati aeris cum calcis atomis connubium ne supponi quidem posse; hic sane ultro evidentiam non asseram, si dixerò, in hac explicatione aerea tot hypotheses esse; quot verba sunt. Quo enim experimento ipsi docere possunt, salis alcalici inquilinum aerem suum habitaculum deserere & in calcem ex acido præcipitem ire? Si affinitas attractioque aeris in substantiis fixati in eo solum vertitur cardine ex illorum suppositis, quod hæc substantiæ plurimo aere gaudeant — an alcalica salia hoc non gaudent, eodemque attractionis privilegio donantur? an regeneratum in hoc experimento nitrum omni aere vacuum est? licet pro fundamento ponat BLACKIUS uno eodemque tempore aerem & acidum eidem corpori inesse non posse ^{d)} & alibi ex experimento gustus asserat, ita
naturam

d) Ex primis principiis ejus §. I.

natum salem medium adeo non causticum esse, sed contra mitem ^{e)} & hæc sunt contradictiones BLACKII. En eas de eodem nitro regenerato IACQUINII. „Ex sale alcalino aer omnis egredi non potest, cum is salem neutrum constituere debeat, qui igne tractatus edat aeris in se contenti, præsentisque indicia ^{f)}. Calcareum inter & aerem major est affinitatis gradus, quam hunc inter & alcalica; ex lixivioso igitur sale aer ingreditur in calcem, tunc non amplius calcem & causticam, sed calcareum crudum, terram inertem, & loco calcis, sal lixiviosus evadit causticus, hoc est oritur aere suo ^{g)}. Nonne hæc hypothesis non satis pro suis meritis ante spectata considerataque fabulæ anglo austriacæ proxima est aut præstigiis?

Sed quo demum experimento quæve ratione salis alcali aerem in calcem transire volunt? Calx viva igne exusta vera caustica per se aerem in se non suscipit, minus adhuc attrahit ex certissimis experimentis. — Calx eadem nullo experimento, huc usque mihi noto, ab aere fixato ita quidem, ut illi volunt, in calcareum crudum transmissa est. Sal alcalinus, inter effervescendum quidem cum acidis, aeris sui copiam monstrat, cum calce non monstrat — Sal alcalinus etiam per annos in aere relictus, aut fixato saturatus ab ipso fixato aere in priorem statum resuscitatur

e) l. c. p. 208.

f) l. c. p. 30.

g) l. c. p. 69.

tur nunquam — nec eum hic aer unquam omni sua acrimonia exuere potest — Quid ergo contra evidentiam de utroque loquuntur & supponunt? & hæc meæ propositiones, quas tum alias jam probavi, tum §. XXXVIII. & experimentis ejusdem ulterius probaturus sum, illis illorum sine erroris metu quam naturalissime substitui possunt.

§. XXXIV.

Verum enim vero quantum cunque etiam hæc per universam naturam demonstrata sint & rationi & experimentis convenient, quia tamen non statim ipsis oculis capiuntur, ad experimenta sua provocant, quibus & MACBRIDEUS ^{h)} & JACQUINIUS afferant BLACKII theoriam ad oculum patere; dum a mixturis fermentantibus, effervescentibus in salia alcalica, tam fixa, quam volatilia, in lixivio caustica fixa, in spiritus volatiles causticos deductum aerem fixatum ea immutare & in statum priorem transmutare monstrant.

§. XXXV.

^{h)} And thus was the theory of Dr. BLACK placed beyond the reach of contradiction; since we must here be convinced, from what is seen to pass before our eyes; that the quicklime became *soluble* in water from the want of its fixed air, because we find it grow *insoluble* the moment the *cementing principle* is restored.

§. XXXV.

Ad omnia hæc experimenta respondeo:

Primo. Experimenta vera supponi, sed, horum apparitionem unice ab aere fixato ut causa dependere semper fuisse in quaestione, nunquam probatum; hinc clarissimos Viros verissimis forte experimentis superstruxisse aeream hypothesein, utpote causam in oculos statim salientem & solam sine examine obviam, dum tamen alix forte plures phaenomenon experimenti operari possint.

Secundo In fermentatione, putrefactione, effervescentia aerem quidem elasticum saepe generari, saepe maiorem ejus quantitatem absorberi, alia etiam in his motibus educi, quibus aëque, imo majori jure adscribi phaenomeni ratio possit, quam simplici fixato aeri; esse scilicet halitus, esse fumos, vapores ex resolutione partium corpora constituentium, quos ipsi Clarissimi Viri aliquando cum aere elastico confundere vellent, aliquando distinctissimos facere, prout nempe explicationi suæ plus minusve quadrant.

Tertio Etiam id ipsum, quod in aere elastico Cl. Viri vocant, illis incognitum esse: & male certo MEYERUM, quod suum ignis principium causticum, elasticum fecerit, risisse; id per totam naturam praesens esse, & ab igne solum in aerea emanare.

Quarto Tartari salem plus aeris habere, quam calcem, ab illis confectum esse, non tamen inde

de statim supponere posse. Salistartari aerem in calcem trahi; nec id verum adeo deprehendi, calcem a salistartari aëre imprægnatam præcipitari.

Quinto Salia alcalina tam fixa, quam volatilia cum calce viva parata, ex aëre alcalicorum salium in calcem tracto minime causticitatem ex absentia aeris majorem acquisivisse, dici posse.

Nunc resumamus hæc responsa ex ordine.

Et quoad primam quidem propositionem ita me explico, clarissimos Viros causæ, quæ statim in sensus incurreret, nec longa speculatione mentisve penetratione indigeret, eventum experimentorum, aëri scilicet fixato, nunc ex fermentantibus &c. extricato, elastico, visibili cuncta commisisse phænomena, quæ sub oculis sunt, præcipitationis calcis, calcis in aqua conversionis in calcareum crudum, mitificationis salium alcalicorum cum fixorum, tum volatiliū causticorum, & sic porro. Sed nimis certum est horum clariss. Virorum neminem, hæc corpora aëre destituta esse, prius ita probasse, ut necessaria aliqua siti, artificio fermentationis &c. extricatum in eadem rapi saltem sibi persuadere possent: eorum neminem iterum probasse, hæc aëre destituta corpora eundem in se attrahere. De quibus omnibus, dum jam §. XII. legi potest, hæc experimenta sumpsit.

EXPERIMENTUM 98.

Calcareus Dornbach priori die violentissimo igne in vase clauso in calcem exustus & omni aere possibili orbus vehementer omnino in forti Nitri spiritu effervescit cum bullularum aerearum emissione, fumo, fonticulo saliente, aliquando explosione, incallescencia. Brevi turbatum clarescit liquidum, & bullulas aereas emittit, majores margaritarum instar particulis calcis insident, minores ex calce exeunt; ipsa morte aerea aliquoties conquassata lente solvitur. Addidi iterum grana X. spuma colligebatur densa aerea per diem durans & non integre solvebatur.

EXPERIMENTUM 99.

Creta priori die vasis clausis igne vehementissimo usta in veram calcem & optimam, altera die iterum igni admota, ut rubens ignea esset, vix refrigerata injicitur forti eidem Nitri spiritui; vehementissime effervuit cum sibilo, pulchro solphatarum spectaculo. Flumen aereum tanquam fumum emittebat, aereas in superficie rotas & ludicra ignium varias experimentum figuras spectacula referebat, dum quasi in superficie menstrui circumgyrarentur nonnullae particulae, aliae circumirent in fundo, hae in altum elevarentur, reciderent aliae post se aeream caudam trahentes. Solutio citissima est liquido limpidissimo & haec vere aerea morte tanquam emissio spiritu disparet soluta tota. Saturato jam menstruo de novo immisi

missi cretam & tunc manifestius tota superficies menstrui bullulis cooperta fuit, & sic, donec tota soluta esset, mansit. Adjeci iterum novam cretæ calcem donec solvere non posset amplius, & steterunt in liquidi superficie in rei testimonium duarum septimanarum tempore bullulæ aeræ, minus tamen, quam in superiori, densæ pingues.

Ergo nec calx calcarei nec calx cretæ aere carent, sed totæ aere quasi conflare videntur, & aerea morte solvuntur. Sed hæc calces aquam faciunt calcis in hac extinctæ, aqua illi hunc aerem non aufert, quin contra adhuc concedit & addit, BLACKII testimonio: ergo dum in experimentis Macbrideanis ex fermentantibus, putrescentibus, effervescentibus, aquæ calcis aer superdatur fixatus, & calx in aqua calcis præcipitari dicitur, non potest præcipitari ex aere calci superaddito elastico, quo nunquam caruit, dum adhuc ipsa semper effervescebat & morte aerea in nitri acido extingueretur, & tota aere quasi conflare videretur.

Nunc videamus experimenta, quæ ad secundam partem spectant.

EXPERIMENTUM 100.

Omnis & calcareorum & cretæ calx seu aqua seu nitri acido extincta, diluta aqua, oleo tartari per deliquium præcipitata, edulcorata frequenti aquæ calidæ affusione, ut sal omnis tartari eluatur, exsiccata, confestim cum omnibus

H

acidis

acidis effervescit & nova, quasi aerem nunquam amisset & tota aere constaret, aerea morte resolvitur. Aer ex oleo tartari in calcem trahi nullus videtur oculorum testimonio.

EXPERIMENTUM 101.

Puls calcis calcareorum in aqua extincta calore hypocausti in vasis clausis siccata dat phaenomena experimenti — & aerea morte iterum effervescens & bulliens moritur in acido vel nitri vel salis: sed tamen per aquam aerem non attraxit Cl. JACQUINII testimonio — ex atmosphæra attrahere non potuit chartæ inclusa & vasi.

EXPERIMENTUM 102.

Puls calcis calcareorum in aqua extincta, acido salis commixta, exsiccata eadem dedit phaenomena & morte aerea cum adscensu, descensu cauda aerea, spectaculo montium fumantium tota soluta fuit, imo syrupum violarum viridi colore infecit; nunc autem a salis acido, quod nullum habet, BLACKII testimonio, aerem, attrahere fixatum puls non potuit, non potuit chartæ inclusa vase abdita clauso atmosphæricum!

Si ergo quod ipsis oculis capimus ex oleo tartari in calcem aer nullus transit, per aquam calx attrahere non potuit, non potuit vel ex acido salis vel ex atmosphæra bibere fixatum, etiam hanc demonstratam partem reor.

§. XXXVI.

Secundam meam responsionem quod spectat, clarum est, in his solemnibus naturæ, quibus ea aut componit aut decomponit corpora, motibus non semper aerem, ut ipsi quidem innuunt, extricari, sed etiam, ut naturam observans HALESIUS retulit, absorberi imbibique: etiam in utroque phænomeno eorum conclusionem minime verificari. In posteriori quidem casu res patula est, corpora congregientia aerem, quem adeo non perdant, habere, quin contra novum adsumant: in priori luculentissima, quod alia omnino causæ excitare possint præcipitationem calcis in aqua calcis, quam ipse fixatus ex hoc motu extricatus aer. Nonne est in panificiorum fermentatione satis cito manifesta narius aciditas? an hic aerem elasticum acidum supponent? In fermentatione illa mirabili spiritus extricatur ex fermentantibus vegetabilium succis novo, ob novas ab aere elastico distinctas dotes nomine insignitum Gas Sylvestre HELMONTIO dictum, an etiam hoc purum aerem fixatum supponent? Certe nec in fermentatione acida, nec in putrida, in quibus præter extricatum aerem acidum volatileque foetidum corporis in corruptionem transeuntis elementum longe lateque per atmosphæram diffunditur & sæpe pestes facit, a fixato aere omnia repetere valent. Et ultimo demum in iis effervescentiis, quæ cum lapidibus & substantiis calcareis aliis, etiam ipsis igne ustis calcibus instituuntur, alia & ab aere

fixato diversa ex conflictantibus miscelis egrediuntur; ut noxius præfocans causticusque æpe fumus, qui aer fixatus non sit, vel ipso solo oculorum, narium, aut HALESII testimonio. Prudenter quidem in examine chemico clarissimus chemicus hæc capere voluit, & videre, quid vel aquæ inducant calcis, vel lunæ vel mercurii solutioni mutationis; admodum vero infelicitè; ut solet, quod nullam inducerent, conclusit contra omne autopsiæ HALESII testimonium, purum solum aerem ex his effervescentibus exivisse — & se nunc optimi MEYERI impensis, quod hanc puritatem aeris negaret, ridere sed suo modo posse ¹.) In hanc causam sequentia institui experimenta.

EXPERIMENTUM 103.

Dum in multis meis experimentis nitrosus acor ex effervescentibus substantiis in cubiculum diffunderetur, ut clarum esset narium testimonium, volui videre, an exstructo apparatu Macbri-diano tentaretur syrupus violarum; itaque in unum vas A. effervescentes substantias, in aliud B. pono syrupum violarum aqua dilutum; pervadit aer tincturam, bullulæ aeræ in tincturæ superficie crepant; manet immutatus color cæruleus.

EXPERIMENTUM 104.

Stante eodem apparatu suppono aliam lagenam solutioni aluminis filtratæ limpidissimæ plenam, non mutabatur.

EX-

i) *Examen chemicum*. p. 57. 58. 59.

EXPERIMENTUM 105.

In aliis experimentis apparatus Macbridiani tento aquam, quæ pulveri calcarei crudi diu fuit superfula, nec illa mutabatur.

EXPERIMENTUM 106.

In iisdem recens & limpida salis tartari solutio post longum tempus aliquantulum turbabatur, etiam sedimentum posuit.

Ergo in his mutabatur nihil, & hucusque non poterat aliter concludi, si tartari in aqua solutum salem tollas — an hic naturaliter, ut calx, aerem anhelat elasticum? an etiam aere saturatus præcipitatur? hæc nunc non disquiram, sed dimissis aliis omnibus cum tamen exhalans per cubiculum ex aromate spiritus rector etiam nullo experimento capi possit, & inde sine erroris metu concludere physicus non queat, præter purissimum aerem in atmosphæra cubiuli nihil esse, aut solum aerem ex planta exhalare fixatum, illud narium testimonium me impulit, ut facerem sequentia pericula: itaque

EXPERIMENTUM 107.

In cistam bilocularem sepimento adeo alto, ut ex uno loculo in aliud ejici nihil posset: inferne tamen patente, ut aer effervescentium substantiarum calcarearum in aliud loculamentum pertransire posset, vitrum, cujus latera oleo tartari per deliquium imbuta fuerant, reposui; ci-

stulam exacte clausi, altera die undique in vitri lateribus habui nitrum regeneratum.

Quodsi etiam nunc id, quod aerem inficit, capi non possit saepe, ut hucusque vel pestiferum vel variolosum vel venereum miasma capi non potuit, nec examinari an alcalinum, an acidum sit, etiam non superfit salis medicamenti instantia, purum aerem esse, Cl. RACQUINIUS contendere non debuisset, nec obijcere, acidum nitri non esse posse, quod de una laggenula in aliam transeuns calcis in aqua atomos disjiciat; quasi certo iterum illi revelatum esset, quomodo acidum elementum tum cum aere elastico, tum cum caustico & fumis & aliis conjunctum colligatumque sit, ut nullo modo id facere possit. Ego quidem aliud esse reor, ipsum purum acidum nitri spiritum aquae calcis commiscero: aliud aerem hoc & diversis aliis ingluinarum, licet etiam nunc hariolari nolin, quomodo is cum effervescentiae vaporibus, exhalationibus sese habeat, & eum calce gerat. Hoc unicum resolvant, cur hic aer fixatus saepe coram fumum habet. (quod RACQUINIUS videt) & in eum resolvi videtur? an aer fixatus fumum emittit, ut acida concentrata spargunt? an etiam eum odorem aer fixatus habet, quem illi fundunt?

§. XXXVII.

Tertio dico id ipsum, quod in aere elastico vocamus, nondum recte Physicis minime

k) l. c. p. 23. sequent.

sane illis definitum perspectumque esse. Id elasticum multis corporibus commune deprehendi, non certe soli individuum aeris ita, ut quasi ab ejus anima desulere videatur. Accidentalem magis aeris elasticitatem esse, quam effervescentiam congregientibus sit salibus alcalicis & acidis — esse tamen etiam elasticum aera — esse etiam aera non elasticum — & elasticum aerem sua elasticitate orbari posse absque eo, ut desinat esse aer. Non igitur a IACQUINIO rideri MEYERUM altiora sapientem debuisse, qui & suo ignis principio elasticitatem tribuerit, dixeritque idem id esse elasticum — & idem id esse cum aere elastico, & magnam adhuc cum electricitate convenientiam habere. Quid, si ulterioribus Physicorum in rei veritatem indagandam institutis experimentis demonstraretur, id idem elasticum seu elementari seu vulgari igni individuum esse, ab hoc solum gigni, ab hoc plus minusve corporibus omnibus & aeris ipsi tradi, interteri, immisceri, non haberet, quod Chemicum rideret amplius Physicus. Addo conversionem ferri in chalybem — igneum ex igne exhalans tum aeris tum aliorum corporum elasticitatem augens principium — non elasticam igne maxime elasticam redditam aquam — decremента & jacturas elasticitatis in corporibus ignis particulis orbatis interim argumenta esse, quæ jam a clarissimis Physicis posteritati proposita sint — Et ignes seu elementarem seu vulgarem aut subterraneum, & meteora, & ipsam aeris variabi-

lem elasticitatem & rerum inflammabilium & aliorum fermentantium exhalationes, & thermometra, & alia plura eandem thesim & particularum in aere ignearum praesentiam non obscure evincere. An inde aer est adeo necessarium seu compositionum seu decompositionum corporum, vitae, vegetationis, mortis, fermentationum, putrefactionum, effervescentiarum instrumentum? An & inde aqua idem est, quam diu in statu fusionis est, & majorem ignearum copiam particularum habet? certe ubi eum solum caloris gradum, qui unice a motu particularum ignis pendet, possidet (qui 32 gradu thermometri Fahrenheitiani denotetur) fluidum aqua non est amplius, sed solidum durumve & crystallinum corpus, non menstruum amplius nec naturae adeo luculentum ad priora instrumentum, quod tamen adhuc etiam hoc ignis, quo pollet, gradu in frigore intenso & sicco perspiret¹⁾. Aeris elasticum an se propagat vi seminali? an aer id generat? in dies tantum destruitur — sed unde reparatur? nonne solus ignis in loco accessus elasticitatem aeri illico reddit, restituitque — An in aliqua aeris corruptione cum putridarum rerum aut aliarum exhalatione non consistit miasma pestiferum adeo multos afflatu mortales rapiens? ignis omnia lustrat — & sine sale adversarii MEYERUM risere.

§. XXXVIII.

D) l' Acad. des sciences 1709.

§. XXXVIII.

Quartæ propositioni probandæ tuto superse-
dere possem scriptis jam prioribus numeris & se-
quendis — sed tamen etiam experimentum di-
rectum addere volo, quo demonstretur, quam
clarissime eos omnino male supposuisse tartari
aerem in calcem trahi, & inde calcem in calca-
reum transmitti.

EXPERIMENTUM 108.

Calcis recenter coctæ frigefactæ tamen di-
versas glebularum vitro immitto: his oleum tarta-
ri superfundo, ita stant per dies duodecim. Exi-
mo calcis glebularum. Aeri expono — indurata
manent, ab aere amplius non afficiuntur, atque
id ipsum est, quod primo notatu dignum sit.
Immitto has in aquam fortem cretæ calcareo-
rumve in morem lactescente solutione solvuntur:
& id alterum est — sed etiam solvuntur magna
satis quantitate in partiori acoris incalescente
multum vitro — Quod est tertium.

EXPERIMENTUM 109.

Sumo nunc, quod glebulis his superfusum
erat, oleum tartari gustu horrende causticum,
miscēo cum nitri acore, aperte vehementissime,
ut cæterum solet, effervuit. Ergo calx in calca-
reum versa effervescit & quidem cum incalescen-
tia magna vasorum — An vidit unquam calca-
reos cum vasorum incalescentia effervescere

examen chemicum? & effervescit adhuc, quia aerem olei tartari in se attraxit calx, cum nullum ipsa haberet ex hypochloro, unde oleum tartari eodem nunc destrueretur — sed oleum tartari, quod aerem suum dedit dedisse calci, effervescit exactissime ut oleum tartari quod totum suum aerem adhuc possidet, nullum calci dedit! sed ut omne effugium excluderem repeti experimentum paulo aliter.

EXPERIMENTUM II.

Calcis ejusdem glebas & pulverem impono vitro maxima ad oleum tartari proportionem; tartari oleum vix supra calcis molem eminebat, commisceo frequenter, & sic per quinque dies stetit. Ab ipsa calce totum fere deglutitum fuerat tartari oleum — defluentes per inclinationem aliquot guttæ vehementer luculenter & veteri de more cum nitri acido effervescebant — Reliquum in duram massam induratum est, cui iterum novum oleum superfudi, ut prius, quando mihi placeret, experimentum resuscitarem. Volui tamen videre, quid hoc calci superfusum oleum tartari exhiberet evaporatum.

EXPERIMENTUM III.

Filtratum igitur & limpidum gustu admodum causticum & cum acido nitri effervescens cineribus calidis committo. Evaporatum exhibuit crustam salinam calci nuptam ita acrem & causticam, ut & ipsum epitelium linguae roderet, inflam-

inflammaret. Evaporatum, non tamen exacte siccum cum acido nitri non effervuit; effervuit tamen siccatum: & illico in salem medium dimittebatur. Huic casu superfundo dilutum glacie lixivium MEYERI causticum (quod a soluta in illo glacie effervesce non voluit cum acidis, diu vero in aere libero relictum efferveſcebat) grato vidi spectaculo totum præcipitatum salem minimis bullulis aereis ad liquidi superficiem properantibus solvi sine ebullitione aut effervescencia in liquidi superficie conspicua. Hic omnino multa adversarios interrogare possem, & eos non parum angere — sed malo properare ad aliud Experimentum. Solutioni eidem immisi crustam ante memoratam salinam, solvebatur statim, ut prior sal, sed ultimo flavos dedit, ut lapis causticus dare solet in lixivio caustico. Volui videre, quomodo idem lixivium vulgare effervescens se gereret cum sale cristallificato salis tartari ex Machina Macbrideana. Non alio solvebatur phænomeno, quam sacchari in aqua, nec bullulae aereae solum mittebantur, ut in sacchari solutione observantur. Ergo crusta illa salina calcea majorem vim bullularum emittit, quam sal cristallisatum tartari aere fixato plusquam saturatum ex hypothese & calcis atomis in lixivio hoc suspensis aerem suum non largitur! — Crusta salina in aere iterum humescebat.

§. XXXIX.

Quinto tandem in disquisitionem causticorum cum calce viva paratorum, salium alcalico-

tum

rum cum fixorum tum volatiliū, in quibus unicam fere hypotheseos probationem habent, cum aliquo quasi oblectamento devolvor. Nam, etiamsi priora argumenta diligenter pertractaverim, hoc adhuc diligentius curiosiusque versare animus est. Sed quasi fato in ipso quidem facilissimæ operationis limine, quo sub titulo lixivii salis caustici, alcalicum salem cum calce viva recentissima optima, ita combinant moventque ex dispensatorio MEYERI domestico ^{m)} donec lixivii gutta acido nitri injecta non effervescat amplius ⁿ⁾ attendere noluerunt, se ipsos sua in hypothesi pessime deludi. Cur enim nunc ex commixtis calcis & salis alcalini liquoribus cum alcalinorum implacabili hoste fossili acido nulla fieret effervescencia amplius? an quia fixatus ær ab alcalino solutus sale est? si ita: cur nullo solvi signo visus est? an hic iterum vellent ex natura illis specialiter revelata clandestinam attractionem in calcem mortalium oculis invisam? sed quo indicio, quove vel a posteriori solum probabili phænomeno, quod jam alio in loco etiam urfi, id asserunt — Et nunc dicunt in responsum, lixivium magis deprehendi causticum, quam etiam esse possit saturata salis alcalici purissimi optimique per se facta solutio. An ita Cl. hi Viri semper probant, & MEYERUS supponit, & nihil demonstrat — an hic erat quæstio utrum
lixivi-

m) *Examen Chem.* p. 45. MEYERI processum non bene IACQUINIUS truncavit.

n) *ibid.* p. 61.

lixivium causticum sit — aut an id quærebatur, cur causticum esset? an id quidem ex illorum chemia est, semper & perpetuo non sine aliorum impatientia principium petere & nihil demonstrare —. Sed ego hic illos non deseram: respondeant ergo, quo argumento quæve veri solum specie (superledeo enim, quod nullum adducere possint, experimento) aer fixatus ex sale alcalico clandestina non visibili attractione, ut inde lixivium causticum factum dicatur, in calcem attractus statuatur? nonne si vel hoc, quod solis oculis capere argumentum amant, stetissent, concludere inde potuissent, non igitur aerem ibi adesse videri, quum non appareat aut egredia-
tur aut expellatur °) sed ego responsum præstolor, quod ne hypothesin suam finiens in Actis Edinburgensibus BLACKIUS, nec superaddentes fermentationum, effervescentiarum aerem in suo libro MACBRIDE, destillationum in examine chemico IACQUINIUS dederunt. Sed ex arena sese subducunt umbraticum solum aeris foetum mihi relinquentes — Heus igitur tu ibi nunc es? — Et en, prout ea quidem ætas candida est, respondet, in aere sedens, ubi, scilicet in sale alcalico non sum; si enim parentes mei mihi tribuissent pro hæreditate mea salis alcalici habitaculum — in eo adhuc essem cum soli ignis violentissimo & causticis fossilibus acidis in me potestatem dederint chemici — & calx his fortior

o) Hæc familiarissima Cl. IACQUINII experimenta sunt.

tior non sit — & ego ob sitim mei habitaculi, in illud cupidæ calcis transire non valeam, nulla præter sitim, quæ adhuc meo habitaculo major sit (quod ex eo me ignis etiam vehementissimus expellere non possit, dum ex calce tamen ejicit) gravioris fati vi agente. Nonne ex meo habitaculo vacuum educere me non potest, ut dixit nutritius meus? p) & tamen hoc ego horreo, & propter hoc sæpe ego egredior, & egredi cogor — an attractio, quæ in calce est, esset attractione, quæ in vacuo, major? Vide ergo, quod parentes mei me non cognoverint, nec sciant ubi nunc sim. Non quære me (pergebat) in calce, ibi enim sum minime — si enim ibi essem transfuga, jam copulatus & junctus calcem in calcareum crudum mutassem totius familiæ meæ attestato, & tum cum acido nitri effervererem calcareus crudus, & in eo præsens: licet effervesce non amplius possem in sale alcalino ab eo absens. — Nonne calcareus crudus, dum in illo habitabam, dedit pulcherrima destillationis & solutionis in acido phænomena? nonne eadem nunc daret — nam sum semper idem fortis, idem aer fixatus — si essem in calce forem idem. Crede (adjiciebat) causticitas ab igne est, tam in calce quam sale alcalico, ob id se amant — dixerat, & ut status ephemerus evanuit.

p) FACQ. p. 30. & alibi.

§. XXXX.

Post hæc consilia monitaque serio venit in mentem expiscari, an lixivium causticum ideo causticum esset, quod sal alcalicus calci sum aerem tradidisset, an contra ex calce seu igneo calcis principio sal alcalinus causticitatem haberet — sequentia instituto experimenta.

EXPERIMENTUM 112.

Ex præscriptione MEYERI paro lixivium causticum, in toto opere nulla major aeris apparuit quantitas, dum agitare cineres clavellatos jam aqua calcis solvendos, quam ante, dum ipsam agitare, ut solveretur in pulvem, calceni.

EXPERIMENTUM 113.

Accipio pulvem calcis vivæ calcarei extinctam liquidam, addo oleum tartari quantitate requisita, non fiebat ulla mutatio, non extricabatur aer. Concussi saxe, ut recte jungerentur, videbatur lentescere inspissari quasi eadem — tota die, ut & postera in magmatis superficie ne quidem aeris bullula una apparuit. Degustatum erat horrendè causticum lixivium.

EXPERIMENTUM 114.

Causticum Offinarum lapidem solvo in aqua calida, in spongiolarum montes nubium assurgebat, aerem non dedit, quem tamen igne recen-

recenter usta calx, quæ omni possibili orba est, IACQUINI testimonio 9), largitur, & eodem satiata nunc ejusdem suffragio avara non monstrat. Præcipitata ita aqua calida, plus quam vicibus 20. edulcoratur, tamen syrup. Violarum perpetuo viridi colore inficiebat. Subsiciens residuum chartæ emporeticæ, totum vasi adhuc includo: calore hypocaufti sicco. Syrupum violarum viridi colore tentabat, semper efferbuit cum omnibus acidis non aliter ac calx extincta siccata facere solet.

Quæ cum ita essent, volui videre, an etiam aliquam saltem causticitatis speciem sine eo, ut corpus aere privaretur aut igne valido torqueretur, obtinere possem: quare

EXPERIMENTUM 115.

Sumpsi attenuatissimum calcarei pulverem, subigo cum oleo tartari aliquoties de die; post septimanas duas obtineo concretionem lapideam — salinam, ut mihi visum, causticam satis, licet priori experimento non comparandam. Hæc in aere humido continuo semper diffuebat, quod lapis causticus Officinarum, ut paratus est, non facit.

EXPERIMENTUM 116.

Ejusdem lapidis attenuatissimum pulverem commisceo aquæ calidæ, diu turbabatur & facie

ex-

exhibuit aquæ calcis speciem lixiviosam, Syrupum violarum in viridem mutantem: vitrum obfusca-
vit, cremoris speciem contraxit. Post septima-
nam abjecta omni aqua addo olei tartari q. s.
misceo diligenter. Eadem prioris phaenomena;
alteri portioni pulveris affundo acidum salis, ef-
ferbuit, agito in vitro, ut perfecte misceatur, al-
tera die ad latera vitri habui sal amarum minimis
miculis constans; sed hæc ad præsentem calum
non faciunt & experimenta non satisfecerunt.

Si ergo ex Exper. 112. 113. & nulla aeris trans-
migratio, uti jam egregie prædixerat aereus fœ-
tus §. 39. Ego quam facillime & quam natura-
lissime ex examine chemico concludam & quan-
doquidem attractio, quæ est inter calcem &
aerem salis alcalici nihil aliud sit, quam emigratio
ejusdem aeris fixati de sale alcalino in calcem,
quod vel solis oculis capimus, an non conclu-
dere inde potuissemus, non igitur aerem ibi ad-
esse videri, quum nullus transmigret aut attra-
hatur r).

§. XXXXI.

An igitur est salium alcalicorum cum calce
viva paratorum causticitas potius calci adscri-
benda? an a binis his certa lege, quam bene
perspexit MEYERUS, combinatis dependet? Certe
nec lixivium causticum, nec lapis causticus sine
calce parantur: ipsa jam per se caustica calx est
viva

r) Examen chemicum. p. 66.

viva, non igitur adeo desperatum erat eruere propositionem sequentibus experimentis.

EXPERIMENTUM 117.

Cauticum officinarum lapidem exiguis globulis solvo lente in aqua frigida, adhæret lateribus vasorum obfuscatorum species crustulæ, ut id sit ab aqua calcis. Hæc exsiccata effervescebat cum acido, ut illa calcis.

EXPERIMENTUM 118.

Cauticum officinarum lapidem magna satis quantitate aqua calida solvi: solutionibus tria acida fossilia separatim infudi: ubi nubem contingere acida poterant, hanc avidissime grato spectaculo effervescendo in se susceperunt deglutieruntque, liquido limpidissimo exsurgente & manente. Solutionibus his calore fornacis evaporatis ex acido nitri obtinui in fundo vasis zonas latas, pulchro opere sese decussantes, superne hebetati fulgoris, inferne magis salini splendentis, in aere persistentes non deliquescentes, facillime in saliva solubiles & nitri frigus linguæ imprimentes cum majori acredine aut si mavis causticitate: cum acidis alcaliisve salibus immobiles — ad latera vasis erat deposita calx. Ex acido salis obtinui granulosum in fundo sal amarum, siccum in aere persistens; ad latera iterum accreta calx erat miculis salinis interspersis. Ex acido vitrioli salem quidem, qui non nisi in multo calore siccaretur, in aere humido illico deli-

deliquesceret & horrendi acido — caustici saporis esset; ad latera vasis iterum erat deposita calx.

EXPERIMENTUM 119.

Caustici lapidis solutionem aqua calida factam, aqua calida curiosius edulcoro frequenter; subsidens & exiguum residuum non alcalicus sal, sed calx erat; effervescebat cum acido: Infusa aqua aquam calcis turbidam dabat, crustam ad vitrum, ut calx.

EXPERIMENTUM 120.

Sumo lixivium causticum fixum Meyerianum, forte omnino & filtratum limpidissimum, quod cum acidis non effervescebat; evaporo ad cineres calidos; obtineo lapidis caustici veram speciem calcem nempe alcalino junctam sali. Lapidem hunc in aqua solvo, & nebulas, ut alter, easdem faciebat; hæ effervescebant cum acidis & in liquorem pellucidum solvebantur.

EXPERIMENTUM 121.

Lixivium causticum Meyerianum forte, limpidissimum aeris fixati ex effervescente mixtura intrusionem satio in apparatu Macbrideano. Hoc etsi illico turbari recusaverit, tamen turbatum est altera die, per se clarescens quiete: sedimentum in fundo habuit. Vitrum altitudine liquidi circulo erat incrustatum, & quod lixivium tangebatur obfuscatum ac si ab aqua calcis esset debiliore, crusta ab acido nitri tollebatur, ut ea calcis. Sedimentum illud floccosum fuit, ut in

lapide caustico; cum acido nitri effervescebat, & illico solvebatur. Huc refer omnia experimenta §. 38.

Ut etiam nunc clarius eruerem, esse in his calcem solutam suspensamque, cœpi sequentia experimentia.

EXPERIMENTUM 122.

Lixivio caustico Meyeriano filtrato non effervescenti inmitto glebulas majores minoresve, imo ipsum etiam calcis vivæ pulverem; cum sibilo multæ extricabantur bullulæ idque successive — sed unde hæ? aer non est in lixivio caustico, non est in viva calce aer ex hypothesi! Lactescebat lixivium — relinquo ita infusa per aliquot horas, deinde colatum liquidum subijcio machinæ Macbrideanæ; bullularum aerearum longum & pertinacem impetum sustinuit, donec turbaretur. Aliquantulum turbatur, decomponi vero non potuit, licet repetitis aeris fixati furiis exponeretur. Post quatuor horas granorum IV. augmentum sumserat lixivium: & si unam alteramve guttam tubo adhaerentem concesseris, augmentum granorum V. vel VI. sine errore ponere poteris. Relictum ita est per noctem & altera die tantum nebeculam levem floccosam in fundo observavi; repetito denuo experimento decomponi non vidi — non vidi saltem. Notari meretur, calcem plurimam in pulverem fuisse resolutam a lixivio caustico simul excolore reddito, & concusso liquido turbatam
mixtu-

mixturam dein resedentem dedisse ad latera vitri calcis atomos, quod tartari oleum non facit supra calcem digestum concussum.

EXPERIMENTUM 123.

Lixivium idem Meyerianum non effervescebat cum acido nitri curo evaporari ad cineres calidos. In fundo vasis est crusta terreo-salina non splendens, gustu potius, quam oculo detegenda. Nec cum acido nitri, nec cum oleo tartari, nec cum lixivio caustico tentata minime movebatur. Pulvis ejus in his tribus liquidis hærens generatis novis bullulis aereis pulchro satis spectaculo modo elevabatur modo recidebat. Concussis vitris solutus fuit optime in lixivio, dein in acido nitri, in oleo tartari non solvebatur. Sed primo, si hoc lixivium nihil est aliud quam alcalicus sal aere orbus, unde hic pulvis, qui nihil aliud est, quam lixivium evaporatum, tot minimas aereas bullulas habuit, ut totus illis constare videretur? Et secundo cur aerem habens fixatum ex experimento non effervuit cum nitri acido? Et tertio cur aerem non habens ex hypothesis in oleo tartari aerem habente, & a quo certe mutare potuisset, accepto aere non solvebatur? Nonne hæc evidenter demonstrant in lixivio caustico non solum alcalinum salem esse, sed huic ita conjunctos calcis atomos, ut in corpus a componentibus diversum, hinc neutrum ab his concreverint, laxo licet & facile separando, quamdiu liquida fuerint, vinculo.

EXPERIMENTUM 124.

Pulmentum humidum lixivii caustici solvo in aqua forti; solvitur cum effervescencia vehementi in limpidum liquorem, cui superaddo oleum vitrioli: præcipitatur illico compositum seleniticum, quod in aere constanter humesceret, etiam exsiccatum. Superaffundo aquam calentem; fiebat species aquæ calcis quoad colorem, filtravi aquam, evaporavi ad cineres calidos, magma seleniticum pariter inveni, quod difficulter siccaretur, ut intelligerem me maiorem quantitatem olei vitrioli adhibuisse. Siccatum magma infudi lixivio caustico Meyeriano; lenem ebullitionis strepitum edebat — nullo modo effervescebat — turbabatur liquidum — solvebatur magma lente quidem, sed vibratis per lixivium grato spectaculo bullulis aereis — floccosa in liquido suspendebatur materies. Sed unde hic fixatus aer? pulmentum acido nitri solutum vera calx frigida fuit BLACKII, calx hæc aerem non habet — non habet aerem nec nitri nec vitrioli acidum, ut aerem magma habere non posset! Adeo verum est, calcaream substantiam indolem suam mentiri non posse, etiam acido vitrioli abundantem. Probavi cum acido nitri, nihil fecit. Alterum in hoc experimento notatum dignum est, dixisse IACQUINIUM in theoria lixivii caustici fixi, calcem extinctam salis lixiviosi aere imprægnari & inde in calcareum crudum & mittem resuscitari — ut solum degustet, facillimo experimento postulo — omnino causticum inveniet

niet non mitem calcareum — superfundat illi acidum nitri & vitæ eam partem, in qua mixtura effervescebat, manu teneat, referatque demum, antea calcareo crudo, miti adeo calidam effervescentiam nunquam perciperit.

EXPERIMENTUM 125.

Oleum tartari supra vivam calcem digestum, colatum, limpidissimum saturo spiritu vitrioli, cum quo effervecebat. Evaporata mixtura, dedit manifestam concretionem lapideo-calcaream, fordidam, in aëre non deliquescentem; hæc effervecebat cum acido nitri vehementer & fumos spargebat, quam in aliis experimentis, manifestiores, glebulæ insar rotarum ignearum per liquidum procedebant, in solutione limpidissima solvebantur. Ergo calci oleum tartari conjungitur & interveniente acido vitriolico in calcaream concretionem abit. An inde calcareorum genesis illustratur? an ex terra alcalina certa lege cum acido vitriolico combinata, fit calcareus crudus? Aliam hujus olei tartari supra calcem vivam digesti portionem imposui vasi B. quod subjeci machinæ Macbrideanæ; Effervescentiæ aere ex A. in oleum tartari transeunte non statim turbatum est, sed repetitum experimentum postulabat. Turbato semel oleo tartari novo effervescentiæ pabulo A. frequentius subministrato, concedebat oleum in floccos, quos cum scœnore dedit: hi brevi præcipitabantur & liquidum priorem limpiditatem acquisivit. Mixtura erat in

experimento in universum per duas horas, ponderata augmentum sumserat gr. III. & si unam alteramve, quæ tubo adhæsit, guttam prioribus addas augmentum erit granorum IV. aut ad summum V. Altero die, licet per noctem frigori inter fenestras exponeretur, perdiderat grana III; colo; liquidum colatum limpidum acriter cum acido nitri effervescebat; filtrum, in quo collegeram numerosos floccos, supra fornacem sicco. Exsiccati flocculi coiverant in idem magna in rimas actum & in quadrata fere divisum, in quod abiverat solutio calcarei in acido nitri cum lixivio caustico fixo, quod super cretam siccat. Siccata quadratula in acidum nitri projecta effervescebant primo, dein minimis bullulis aereis sursum deorsumque raptis admodum lente solvebantur: gratissimo omnino spectaculo. An hic nunc oleum tartari calcem assumerat? an lixiviosus sal minimis bullulis & lente solvitur? quod calcareorum cum aliis combinatæ substantiæ sæpe faciunt, purum lixiviosum sal nunquam præstat.

Ex quibus pateat & in lapide caustico & in lixivio caustico fixo, ejus pulmento, & in oleo tartari supra calcem digesto calcem alcalico sali conjunctam esse & horum causticitatem a duobus his principiis pendere, nullo vero experimento, nullaque ratione ab aeris privatione, sed horum omnium confirmatio tum aliis adhuc elucescet experimentis & numeris, maxime vero §. LVII.

§. XXXXII.

§. XXXXII.

Porro de sale alcalino volatili caustico agens CL. IACQUINIUS dicit, salem hunc cum calce destillatione obtentum nunquam forma concreta, sed sola liquida prodire: ipsum salem ammoniacum in suas constitutivas partes ab ipsa quidem calce, licet ratio sibi hucusque non pateat *), seungi, tum calcem simul demere urinoso volatili sali, unde dein exsurgat causticus, aerem, eumque in se trahere, hoc enim per experimentum Macbrideanum restituto & superaddito spiritum urinosum volatilem non amplius causticum esse. Habere causticos hos sales suas proprietates salibus alcalinis simillimas, & vix alicui in mentem venire posse statuere, esse tamen hos sales perfecte neutros, ut fecit MEYERUS & sic porro.

§. XXXXIII.

Quod ad primum, tenendum est, id assertum salem hunc volatilem nunquam posse concreta forma obtineri, scilicet nullo interveniente alio corpore, totius chemiz observatum esse, spernenda limitatione certum. Nec alterum id in ea, quam quidem Examen Chemicum præscribit methodo, assumptum, scilicet in suas constitutivas partes decomponi a calce ammoniacum salem, adeo verum esse, ut non iterum multum & necessario corrigendum sit, maxime cum non ignobiles Chemicæ experiundo didice-

rint, in ea quidem Cl. Viro assumpta metho-
do, minime omnium decomponi ammoniacum
salem; & in genere inter omnes salis ammoniaci
decompositiones veris & hoc nomine dignas,
eas esse, quæ calce fiunt (quod sane in Examine
Chemico negligendum non est) lota, non vi-
va, oleoque tartari: eas, quæ substantiarum me-
tallicarum interventu fiunt, esse imperfectissi-
mas ^{t)}. Sed nunc etiam data ammoniaci salis
per calcem decompositione valde miror, Exa-
men chemicum ex Blackiana hypothese eam eru-
ere non posse. An sal ammoniacus in concreto
non haberet aerem, quem calx attraheret? an
hoc orbatus ammoniacus tanquam cæmentante
suo principio destitutus non resolveretur? quam
moram ablato principio cæmentante in ammo-
niaco vel agere posset salis acidum, vel volatile
urinosum elementum? hæc ego pro Blackio ex
affinitate ultro admittenda dixi. Sed omnino
reservaverat subsidiariam pro aere spiritus vola-
tilis attrahendo calcem Examen Chemicum
probe gnarum, quod si sal ammoniacus aerem
haberet plurimum, is satiare calcem posset non
amplius attracturam aerem volatilis salis jam
priori in calcareum conversam, nunc impoten-
tem; quæ quidem in re iterum in hac operatio-
ne id valde mirabile sit, non solum calcem aerem

t) Cl. VOGEL cum minio elicita spiritum etiam eo
& potentiorē & subtiliorem habet, quæ cum
calce viva excutiatur. p. 238.

attrahere attractione summa juberi, sed etiam illi tempus assignari, quando & quem potissimum ex prædilectione chemici examinis attrahere debeat, dum cum solum salis volatilis attrahere perhibet, non ammoniaci salis. Certe in insomniis non posset ordinari aeris attractio intelligentior?

Er. sic §. XXXIV.

Ergo tertio dico non solum, sed etiam probo, calcem in hoc processu fixatum spiritui urinoso, unde dein iste causticus dicatur, aerem demere, omnium minime ab examine chemico evictum esse, supposuisse antea id ipsum semper Numéris plurimis dixi, sed hic nisi demonstraverit, non dimittam. An in vasis cellensibus validissimo rotæ igne calcem exagitavit ammoniacum, ut de fixato ejus aere seu elastico certus esset? nihil fecit — An fixatus in ammoniaco aer adeo valida attractione colligatus non foret, ut fortis ignis vis requireretur? an forte spiritum salis ammoniaci, qui etiam igne digestionis prodeat, pro aere suo fixato habet? si non: quomodo hunc aerem fixatum, ut tamen etiam nos eum cognoscere possimus, ab hoc distinguit spiritu? ubi examen chemicum vidit in commixtione calcis optimæ cum sale ammoniaco, ut inde obtineatur salis ammoniaci cum calce viva parati spiritus, solum spiritum ascendere, aerem vero fixatum in calcem trahi? An hæc calx, dum ita extinguatur, vaporem non emittit — an hic vapor
in

in vase destillatorio non causticus est uti extravas? An, qui suboritur æstus calor, ut vasa quandoque disrumpantur, fumum non auget? An, quod in vapore causticum est, alembicum non transcendit? Spiritui urinoso volatili non jungitur, illum non mutat, & simpliciter urinosum relinquit! An demum etiam ipsa non transcendit calx aligero vecta? ita sane clausis oculis huic destillationi adstitisse videntur, qui aerem in calcem trahi, alembicum non transcendere nec spiritui jungi, & hic nihil nisi aerem desiderari volunt.

§. XXXXV.

Etiam nunc nondum finii contra hunc aerem fixatum adeo mirabiliter operantem, adhuc longe plura, quam dicta sunt, argumenta superfunt. Consideremus alteram illam spiritus salis ammoniaci cum calce viva nulla interveniente aqua parandi methodum, quam, quod anxietates movere adversariis posset, sicco non solum pede pertransivit *Examen Chemicum*, sed etiam monuit (quod omnes sciunt) incoercibilem spiritum tunc dissipari & per parum ejus retineri „scilicet ut novis phaenomenis statim in limine distraheret, attentos causæ ad alia. Sed ego mihi fucum non facio, nolo experimentis inmiscere astutias, ut BLACKIUS, nolo multa visa reticere, ut IACQUINIUS. Prodeat igitur in medium retorta loricata & compmixtus cum calce sal ammoniacus, reverberii igne tor-
quea-

queatur, & nunc dicat Cl. IACQUINIUS, quando ammoniacus fixatus prodibit aer? An novo suo & in suis destillationibus artificio viderit, expulsum vi ignis e corporibus aerem in retortæ fundo manere, non propelli in excipulum? An ipse aerem hunc fixatum sciat reddere contra ignis vim potentiamque expellentem, centripetum? An hujus magnetismi calculum confecit demonstrativum per cubicos pollices ex HALELIO? Calcareum crudum in calcem ussi, licet in uno eodemque crucibulo æqualis ponderis esset forcia calx viva, quæ ex calcareo adeo non aerem attrahit, ut esset ejusdem ac altera notæ post coctionem: scilicet calx vera viva nulla ab altera distinctione. An clarissimus Vir jam suorum dictorum, igne superari hanc affinitatem aerem inter & calcem ^{u)} oblitus, volet nunc, ignem reverberii nihil posse, & in hac destillatione in fundo retortæ loricatæ jacentem calcem, aerem contra impotentem ignis vim attrahere? an volet spiritui urinoso transeunti in excipulum, fugax hoc & terribile elementum aerem nempe fixatum, qui vasa dirumpat nisi illi exitus concilietur, hic plus quam fixatum & compedibus revinctum transire cum spiritu simul non posse?

§. XXXXVI.

Sed etiam eodem manente apparatu & sal ammoniacus & viva calx singula seorsum de novo igne perpurentur, ut etiam suam aquam amittant,

u) IACQ. l. c. p. 44.

tant, & imprimis, ut sal ammoniacus ponderis non exiguam difflata aqua jacturam faciat, & leniter calcinatus sit, tum fiat, ut prius destillatio eodem, & majori dein igne; an etiam nunc expulſus ex ammoniaco ſale aer hac ignis vi non transcendet? an non demum ſuperabitur affinitas attractioque hac Vulcani tortura? Sed cur? Reſpondeat Examen Chemicum, ego ab argumento non diſcedo, donec dederis, rationem chemicam non ſuppoſitionem ſectariam. Cur vel etiam vegetabili adjecto phlogiſto calci ammoniacoque ſali, deſtillatione ne ſpiritus quidem cauſticus obtineri poteſt amplius, ſed inſipidum vixque urinoſum liquidum & ſalis concreti in collo plurimum? an phlogiſton aerem in ſale volatili coarctet? an, quo minus ſorbere calx aerem poſſit, prohibet? quæ demum reſpectu theoriæ aeræ eſt phaenomeni ratio?

§. XXXXVII.

Et quod palmare eſt & cauſæ noſtræ aptiſſimum: cur interveniente calcis (ut ſane attractionem affinitatemque ſuam cum aere ultro exercere potuerit) in eodem, hoc aere per ſolidos tres quatuorve annos extinctæ præſidio, ſal ammoniacus in deſtillatione non ſublimatur amplius nec forma concreta apparet, ſed liquida? — Calx in aere extincta (& certe quatuor annorum ſpatio bene extinguï poterat) eſt calcareus crudus ex abſolutis horum Virorum poſtulatſis — calcareus crudus non eſt cauſticus amplius, quia
aerem

aerem suum recuperavit — quo recuperato mitis sit ex iisdem — & tamen in experimento non dat concretum salern, sed spiritum salis ammoniaci causticum, ut dat eundem viva calx — An ergo adhuc privatio aeris spiritus salis ammoniaci urinosi, causa est, cur tam forma liquida appareat, quam sit causticus? an adhuc calx hæc per quatuor annos extincta in atmosphæra aerem spiritus salis volatilis ammoniaci in se attraxit? atque ipsa hæc calx hoc eodem plus quam gravis esse debet, si demum aliquid potest per quatuor annos ultro admittenda & summa & ultra pudicitiam exercita attractio — ut adeo iterum clarum sit. *Primo.* Umbraticum aeræ imaginationis fœtum hic offerri in explicationem causarum non posse, etiam eum id ipsum ante deprecatum esse. *Secundo.* Simulque nimis certum esse, ex calcinatione ab ipso igne corporibus calcinatis, maxime vero calci, cum qua affinitatem habeat veriore, quam Blackiana illa, aliquid superaddi, quod nec aer nec longa sæpe actas in his destruere & ex his evocare facile possit. *Tertio.* Veritatem in eo esse ratione calcis & ipsius ammoniaci salis: etiam spiritus volatilis urinosi, quod calx ex his pingue non aerem attrahat, docet hoc repetita frequenter super calcem vivam spiritus huius calcem pingui semper inquinantis abstractio, quod experimento examen chemicum videre potest.

§. XXXXVIII.

Tandem nunc acreum hunc foetum in calcem ex ammoniaci sale attractum facile dimittere possem, etiam miseratione dignum & parentibus orbem — abeat is ad BLACKIUM mea pace — sed rogabo semper clarissimum IACQUINIUM non adhuc discedat, ut intelligat, non quomodo Blackiani, sed Meycriani probent demonstrentque. Sumamus igitur hoc dilemma: vel enim suppositi in destillatione ammoniaci salis cum calce viva aeris praesentia probari potest, vel non potest: si potest erit vel in destillatis vel in residuis vel utrisque: in destillatis non esse dicit Cl. IACQUINIUS sed in residuis; ergo si quae insit hypothesei veritas adfirmata adhuc clarissimi Viri assertione in residuo tanquam magnete suo ejusdem clarissimi Viri testimonio fixatus & salis ammoniaci & spiritus ejus urinosi caustici aer deprehendi debet, cum id ipsum sit, quod omnem affinitate sua summa in se attraxit, deglutivit, absorpsit — . Ineamus periculum. Sed etiamnum residua haec a destillatione massa bibula est, ut calx non calcareus; superfusa aqua ingemiscit & multum calescit, ut calx nunquam calcareus facere solet; odorem etiam urinosum spargit volatilem, quem jam in destillatione prodit, dum verum volatilem spiritum exhibet. An odorem suum volatilem urinosum aer salis urinosi attractus, non sal urinosus, qui eandem affinitatem ac aer non habeat, spargit? super his inte-

interea clarissimus Vir commentari potest, donec elixiviavero, filtravero & ad siccitatem evaporavero, aut nova calcinatione excepta solutione, filtratione, inspissatione putum magis exhibuero sal ammoniacum fixum aut exactius sal salis calcicum. Sal hoc, ut omnes noverunt, constans salis acido calcisque basi proprie nihil aliud est, quam solutio calcis in acido salis, si hoc sit, tunc debuit in priori destillatione calx acidum hoc salis ammoniaci in se sumsisse, quia habet nunc, & principium constitutivum est novi nunc facti salis calcei: atqui tamen attractionem nullam statuit RACQUINTUS inter calcem & acidum, & solum summam inter calcem & aerem, ut vel prior acidi nulla sit, & sola posterior obtineat: vel utraque, — sed aeris fixati attractio subsistere non potest in calce, dum calx acidum salis attrahit, docente hoc in solutionibus calcareorum cum acido nitri, vel salis tota natura, dum aer constanter expellitur — ipsoque BLACKIO in primo hypotheseos suæ fundamento *

§. XXXXIX.

Nec ipse hic sal majorem illam aeris quantitatem ostendit, dum ipse oleo vitrioli in sua principia resolvitur; dum ipsum salis acidum ab acido fortiore destillatione expellitur, & ex calce

* Uno eodemque individuo temporis intervallo aer & acidum eidem corpori juncta esse non possunt,

ce pingui salis ammoniaci inquinata, nunc vitrioli acido imprægnata, obtinetur volatile penetransque sulphur, aut si multum inquinatus non fuit sal, solutione vitrioli martis in terram calcis, certius adhuc diluto oleo tartari per deliquium præcipitatur.

Eamus nunc per proprietates, & ea, quæ singularia, sal salis calceum edere phænomena solet. In aere deliquescit, aqua solvitur, & utrobique olei speciem dat, quæ oleum calcis vocatur, an hoc calcareus facit seu aere saturata calx? Violarum syrupum viridi colore inficit, cum salis nitrique acore sine rectione coit: an hæc calcareorum natura est? cum genuinis salibus alcalicis coagulatur cum quadam præcipitatione, & quæ alia sunt; quæ maxime in clarissimis Viris POTTIO & VOGELIO legi possunt; dum ego jam nimia adduxi ad convincendum TACQUINIUM, aerem tum ammoniaci salis, tum spiritus ejus urinosi caustici, huic quidem salis calcei inclusum non fuisse, minus adhuc attractum, quod cum acido tum salis, tum nitri spiritu amice se gerat. Convenientissime hinc utar clarissimi Viri verbis fere omnibus etiam argumentandi ratione „ Et quandoquidem effervescencia nihil est aliud, quam expulsio aeris elastici, quod vel solis oculis capimus, an non concludere inde potuisset Cl. Vir, non igitur aerem ibi adesse videri, cum non expellatur? Nonne etiam sic melius fecisset, quam propter causticitatem spiritus ammoniaci caustici sine
„ ulla

„ ulla consideratione habita illius rei, in qua cau-
 „ sticitas consistat, affingere aliquid alicui cor-
 „ pori, quod in illo nullo alio evidenti argumen-
 „ to probatur & tamen huic fundamento porro
 „ superstruere v) umbraticum luxuriantis ima-
 „ ginationis foetum „ aereum quem jam prius
 dimisi.

§. L.

Tamen nondum finii nec enim hucusque a
 me diligenter facta hujus aerei foetus anatome
 mihi sufficit, licet jam nimia sit adversariis, ha-
 beo adhuc, quæ adjiciam, sequentia: *Primo* Si
 sal salis calceum omnem de spiritu salis volati-
 li caustico aerem deglutivit, ut nunc ille & li-
 quida tantum prodire forma possit & sic causti-
 cus sit factus (ex Iacquinianis), debet hoc sal sa-
 lis calceum aere saturatum aliter se gerere cum
 ammoniaco simplice sale, si iterum cum eo com-
 binetur destilleturque, debet tum certe omnis
 ammoniacus forma concreta obtineri — facia-
 mus igitur experimentum aut potius repetat Cl.
 IACQUINIUS & miretur, non minus liquida for-
 ma prodire spiritum, quam si ipsa calx viva ad-
 hibita fuisset sicca & concreta forma.

Secundo An etiam ex pulchra hypothesei ae-
 rea eos, qui ex ablata resistantia obvenire sciun-
 tur tam in Medicina quam Physica effectus, illi
 dicent causticos? ergo caustico in vacuo anima-

K 2

lia

lia morerentur — nasceretur ex caustico in manu tumor, dum applicatis labiis rarefacto & ablato aere a parte, spiritus introrsum in pectus recluditur — & ex eodem caustico ex mamma papilla ab infante lac sugeretur — & mortes apoplecticæ fierent ex caustico, dum in validis aeris mutationibus ad pollicem mercurius subito in barometro descendit. — Etiam ex caustico venti moverentur: & demum omnia, quæ aere non essent saturata, essent caustica. Hoc vero emolumenti nobis contra hos creatores causticitatis adorandus rerum omnium Creator largitus est, quod illorum caustica solum tumores, vasorum rupturas, emphysemata, distensiones faciant, non erosiones, escharas ignis, ut calx viva igne parata s. caustica Meyeriana perpetuo facit.

Habet tamen Respublica etiam, & imprimis tota Medicina, ut de hujus Chemiz novis & facillimis inventis sibi gratuletur, ob suggestam novam medendi plurimis casibus rationem. Si enim nunc alicui seu ex caustico actuali aut potenciali pars ambusta vitietur, aut clarius, saliens vel in partem ignis scintilla, pruna aut diffluens lapis causticus, infernalis, applicata calx viva; cum hæc solum caustica sunt ex aeris absentia, est, ut parti denuo aer superaddatur ex fermentantibus putrescentibus vel effervescentibus elasticus. An hæc ratio est, quare a nonnullis contra ambusta, & animalium & hominum stercorea laudentur? ita omnino certum est, nos tardissime

me venire in cognitionem pulcherrimarum rerum, & causarum physicarum.

§. LI.

Sed si sine ullo aeris aut præsentis, aut absentis præsidio sales hi tam fixi quam volatiles sunt caustici ex solo ignis, ut causa, caustico principio? qui explicabuntur apparationum & combinationum harum leges? cur interveniente destillationi salis ammoniaci calce sal ammoniacum decomponitur, ut quæsitum est, & cur exsurgit spiritus volatilis urinosus causticus? Ipsi adversarii sibi ipsis vix ac ne vix quidem satisfacere etiam media in atmosphæra & hypothese aerea hærentes, ut ipsi fatentur, potuerunt; fatentur itidem, illam Meyeri responsionem primo intuitu facillimam esse^{x)}, quæ omnia in laudato MEYERO legi possunt.

Sua duobus in locis dubia objicit Clarissimus IACQUINIUS „vix cuipiam venisse in mentem posse hos sales causticos perfecte neutros esse statuere, ut fecit MEYERUS. Dotes omnino habere alcalicorum & sic porro. Sed non bene MEYERUM IACQUINIUS erroris, quem non commisit, postulat. MEYERUS hoc non dixit, nec sales fixos causticos perfecte neutros fecit, imo contrarium perhibet, dum proportionem aliquam in combinatione caustici ipsius calcis cum lixivioso sale certo observari ait, quandoquidem lixivium alcalinum minori quantitate

K 3

cau-

x) IACQ. p. 73.

caustici paratum vehementius cum acido effervesceat, quam aliud majore caustici calcis portione infectum 1): dum clavis verbis habet pagina 2) „sal causticum fixum se in multis gerere ut sal „medium solet „ non dixit, quod perfecte sal neuter sit. Cum vero id solum de sale volatili urinoso caustico MEYERUS perhibuerit, & jam prior BOERHAAVE & alii idem memoriz prodiderint, vereor, ut hæc LACQUINII in MEYERUM crisis fere cum astutia conjuncta laudari possit. — Sed discutiamus utrinque argumenta. Perpenſis spiritus salis urinosi caustici proprietatibus BOERHAAVIUS alique tandem & MEYERUS hunc perfecte neutrum dixerunt, quod ab aliis multum differret.

a) Quod liquida, raro si unquam forma concreta nullo alio interveniente medio, visatur, tempore hyemis non crystallifetur, offam helmontianam non faciat cum spiritu vini.

b) Quod cum acido nullo effervesceat.

c) Quod solutiones sinceræ terræ calcæ in acidis factas non præcipitet, ut alcali volatile facere solet, & ipsum sal causticum fixum facit MEYERI testimonio. Sic alcali causticum volatile non decomponit fere salia basi terrea constantia, dum volatile alcali semper selemíticas omnes, nitrum calcareum, sal marinum calcareum decomponit dejicitque BAUME.

d) Spi-

1) l. c. p. 47.

2) l. c. p. 56.

d) Spiritui vini rectificato perfectius nubit, jungitur illi omni proportionē, nec separatur vel deieitur per se unitum, sicque menstruum facit aliis efficacius, cum oleis expressis coagulatur, cum balsamo copaivæ spumescit.

§. LII.

Sed arguet exaltem chemicum unice secundum alia transmittens scilicet non — effervescentiæ cum acidis argumentum nullius momenti esse imo ex adverso probare — debeo respondere —. Examen chemicum ideam effervescentiæ & non — effervescentiæ probe a MACBRIDEO hausisse *) & simul cum eadem salium oppositorum acidi & alcali conflictantium indolem. & in sales medios transcuntium naturam ex propria hypothese intelligere non velle; Equidem si ullum est in chemia oculorum testimonium, tum id esset illius conflictus, in quo acidum alcali aggreditur conspicuum, id vero perpetuum est in omni experimento effervescentiæ spectaculum;

K 4

*) Licet hæc minime chemica sit. Non enim ideo calcareus solum effervescebat cum acidis, quia aerem habet, alias enim æque cum illis efferveret Raphaelus rusticanus; sed ideo acida hanc pugnam cum calcareis ineunt, quia terram alcalicam solvunt & in se suscipiunt; de cujus essentia cum nunc sit aeris fixati elementum & hoc acidis jungi in experimento non deprehendatur, id liberatum sui juris factum apparet & avolat.

culum; Nec sane ulli incidere unquam in mentem potuisset; examen chemicum, ut **MEYER** aliquid objecisse videatur, dicitur iterum id effervescenz phenomenon accidentale esse, dum oblitum hypothesis Blackianæ, quam tamen etiam suam vocat ^{a)}, alcalica salia non accidentaliter sed essentialiter fixatum aerem habeant; hæc in hoc conflictu non accidentaliter, sed vi etiam hypotheticæ essentiz illata pendem per effervescenziam debeant aerem, ut **Black** omni ejectione plurima parte fixato acre elementi salis alcalici in speciem salis medii conjugere vel per se solum vel cum alio intermedio possit, quod, quia & in ipso vacuo obvenire debet & extra idem, non accidentaliter, sed essentialiter obvenire dicendum est. Quod si nunc in clandestinis salium alcalinorum cum acidis matrimoniis id sine strepitu, aeris fixati apparitione, verbo effervescenzia fieri regeratur, non enim obiectio diluitur, sed contra, hoc examen se ipsum & charum **BLACK** **Magistrum** confundit, dum sententiam in hæc verba tulit. ^{b)} „Et quoad quidem effervescenzia nihil est aliud, quam „expulsio aeris elastici, quod vel ipsis oculis capimus, an non concludere inde potuissimus „non igitur aerem ibi adesse videri quum non „expellatur; ut igitur ex examinis conclusione cum suo acreo foetu requiescere in pace **AL-**

CKIUS;

a) p. 70. quasi propria & prior sua opinio esset.

b) l. c. p. 66.

exius possit, quia aerem fixatum salia alcalina non habent amplius. — Vult ego aerem fixatum, quem BLACKIUS solibus alcalinis eminenter — essentialiter — non accidentaliter, ne hypothecis accidentalibus faceret, concesserat, sustinere, sed illi examen hoc chemicum existentiae filum praecidit. — Ego vi fati & argumenti cedere debeo — ita omnino verum est, non tunc semper amicos esse optimos, qui extera ita specie sunt.

§. LIII.

Urgetur tamen adhuc ulterius MEYERUS his verbis, dicat ille, quid requiratur praecise ut „sal aliquis appellatur alcalinus?“ Dicam jam mortuo optimo & immortalis MEYERUS Ego, & non dicam ex illo, sed ex BLACKIO & EX MACBETHO & JACQUINIO. Debet magnam aeris fixati quantitatem habere, hoc enim de natura ejus esse BLACKIUS NON MEYERUS perhibuit, nec ipse MEYERUS sed JACQUINIUS dixit; Et quandoquidem effervescencia nihil sit aliud, quam expulsio aeris elastici, quod vel solis oculis capimus, annon inde concludi potest, non igitur aerem in his quidem salibus alcalinis adesse videri, quum non expellatur. Sed si contra habet, debet expelli; si expellatur, debet effervescere posse, & hoc camentante principio orbatur, ut acidum elementum illi jungi possit, &

K 5

tunc

tum demum excluso fixato aere amice illi copulari in salem medium, erixum ab eritendo vocant, mitiorem valde, quam vel pater vel mater fuerit, redditum, non magis causticum, licet incredibilis quantitas fixati aeris pulchro calculo in pedes cubicos ex HALESIUS MUSCHENBROECKIO digesta, sexcenties & quadragesies sexies ejus volumen superans, aufugerit. Hoc verè solum est, quod requiritur & quod requisivit BOERHAAVIUS & alii, dum tota chemia longe agnovit, alia fallacia esse, & clandestinas conjunctiones suspensas esse, saepe in sinu neutras jam existere.

§. LIV.

Volo tamen adhuc pro BOERHAAVIO, qui certe suam chemiam nobis melius scivit, dicere: Si ab aeris fixati defectu lixivium fixum & spiritus volatilis sunt caustica, an non habent aliquod medium privandi hunc spiritum suo aere, quam vivæ calcis præsidium? & tunc certe res foret plana — sed bonis avibus sine calcium caustico, causticum spiritum facere non possunt — debet enim esse inassatum calcibus principium prius, ut inde alia haurire possint — & debet id prius dissipari, ut nunc suum effectum effervescendi monstrent, ut id clare deinde demonstrabo, sed hic tantum addam, hæc perfecte alcalica non esse. — Nonne calcarei Dornbach destillatione naturam versans examen chemicum, non dixit eam esse alcalinam, sed ut aeri fixato omnia tribueret, credibile solum in ejus latice esse

esse indicium salis alcalini volatilis — longe maximam partem esse meram aquam — & ut adhuc magis laticem limitaret, addit „hæc tamen se ita intellectum velle, ex eodem calcareo „eductam aquam non omnem semper ea phænomena producere — interdum esse, fuisse „purissimum — nec etiam forte omnes calcareos aquam hæc dotibus præditam largiri — „posse enim inesse calcareis varia heterogenea, „quæ dissimilitudinis causa sint „^{d)} atqui tamen etiam ipsi calcarei inter terras alcalicas ab omnibus Historiæ naturalis Professoribus jure reputantur, docet ipsa effervescentia ^{e)} & cum acido vitriolico obtinetur sal medius seleniticus & ipse hac eadem aqua ea omnia fere excitavit phænomena, quæ excitant sales ipsi caustici ^{f)}, ut iterum

d) IACQ. p. 24.

e) Non putem, licet id innuere vellent ex effervescentiæ definitione MACBETHVS & IACQUINIUS, eos dicturos ideo calcareos cum acidis effervesce, quod aerem habeant fixatum; alias enim per novam hypothesein atmosphæram inflammantem, statuere deberent perpetuam in atmosphæra effervescentiam cum acido vitriolico. Eorum propositioni tuto & sine metu erroris hæc substitui potest, effervescent, quia sunt alcalica, & quæ non effervescent, talia perfecte non sunt.

f) Confer Examiniis chemici p. 21. & 65. notari vere meretur, quod hunc laticem non in omnibus casibus probaverit.

iterum sine aliis plurimis in chemia reperiundis exemplis concludere possim, si hæc atque alia momenta perpendimus, vix cuiquam venisset in mentem, statuere, esse tamen hanc terram calcareorum perfecte neutram, nulla ex cognitis terris neutris gaudet memoratis dotibus, sed gaudent terræ alcalinæ ^g).

§. LV.

Porro minime negligendum est id phenomenon, quod nec lixivium causticum nec spiritus salis ammoniaci volatilis causticus ex aqua calcis calcem præcipitent, quæ tamen una inter præcipuas perfectasque alcalicorum proprietates est, omnibus chemicis accepta, etiam ipsis adversariis nota, & ubi ex eorum re esset principe constituta loco. — Elegans omnino & chemica est in contrarium hunc salibus alcalicis causticis eventum excusatio in examine chemico ^h) „non præcipitari a salibus alcalicis causticis calcem „ex aqua calcis, ego omnino assentior: Verum „non video cur præcipitarent? — „Numerosas „similes habemus solutiones in chemicis ex quibus mixtis deijcitur nihil. „Risum — si præter accidentalem effervescentiam salium alcalicorum præcipuas perspectasque proprietates habent caustici hi sales, ut ardentè contendit Cl. JACQUINUS, & hæc minime neutro sali, sed solum alcalico attribui possunt aut debent ⁱ) & sales

g) Exam. chem. p. 66. h) ibid. p. 67.

i) l. c. p. 65. 66.

sales alcalici calcem in aqua calcis perpetuo & semper præcipitent; hi igitur caustici si tamen alcalici sint, omnino præcipitare debent; si vero non præcipitent — alcalici sane veri non sunt, hinc nos omnes (licet clariss. IACQUINIUS non) clare videmus, cur præcipitari debeant. — Quod vero in probationem additum est scilicet „numerosas similes solutiones in chemicis haberi, ex quibus mixtis dejiciatur nihil „ solum de corporibus indifferentibus inter se, de salibus neutris, non vero de alcalicis & terreis calcareis in liquidis suspensis verum esse; nec hanc responsionem contrarii hujus, de quo quaestio est, salibus alcalicis causticis effectus & eventus ullo modo chemicam esse, aut in medium ab ullo examine adduci debuisse, patet.

§. LVI.

Ultimo tandem, ut confirmaret examen chemicum, se non videre, cur calx ex aqua calcis dejiciatur vel a lixivio caustico, vel a spiritu salis ammoniaci caustico, instituit sequens experimentum*), aquam in qua soluta calx est, calcis, cum illa, in qua solutus est lapis causticus, commiscet, dein superaddit salem causticum siccum tanta copia, ut etiam aquæ pars calcem solutam tenens laterali illo possit, tunc præcipitem dari calcem dicit. Sed primo quid opus erat inconcinnis experimento & his ambagibus? an inde probatur causticum lixivium & spiritum salis ammo-

ammoniaci causticum sales esse alcalinos aut medios? cur hic lixivium non adhibet sed salem causticum siccum? an de lixivio fixo & de spiritu salis volatili caustico hic sermo non est potior? sed debebat exemplo BLACKII, qui calcem extinxit prius, ut probaret hanc vivam non effervesceere cum acidis, siccum adducere salem causticum & eodem tanta copia saturare miscellam, ut etiam pars calcem solutam tenens saturari illo possit, & sic minorem nexum cum illa haberet. Ut sic bonis avibus probaret tandem supersaturatione adhibita salem causticum vere alcalinum esse. An hæc hujus chemici examinis præcipue perspectæque salis alcalici proprietates sunt? An simili supersaturatione solum cognoscuntur isti sales alcalini? Sed etiam sic alcalinus sal, verus sal potest dici acidus, si nempe tantum solventi continuo additur, quantum capere vix potest, tum posterior priorem dejicit & altera die in fundo præcipitatum habetur. Sed cur non supersaturavit aquam calcis lixivio caustico? cur non spiritu salis volatili caustico? an lapidem suum causticum prius examinavit? an bene vidit clarissimus VIR, calcem tunc præcipitari. En mea experimenta.

EXPERIMENTUM 126.

Accipio aliquot vicibus filtratam probe aquam calcis jam diu calci insistentem extinctæ, immitto igitur minimas partes lapidis caustici officinalis in aquam calcis, solvantur; in fundo vasis

valis in nubes aliquæ particulæ elewantur, striam pinguem subcæruleam post se trahunt, flocculi ad superficiem aquæ calcis feruntur cum, vel sine stria, & continuo adscendunt: alii nubium instar fundum obtinent; striis his variegatum liquidum est, dum pulvis lapidis caustici minima quantitate injicitur, non aliter ac plèna nocte aer tubis emissilibus igneis variegatur. Aqua calcis pinguibus striis subcærulescentibus pingebatur, non turbata est, nisi in fundo, ubi nubes densæ erant. Calx ex aqua calcis non dejiciebatur: Nota, quod tanta quantitate, quantum adhibuerit exameni chemicum, lapidis caustici usus non fuit, alias enim non vidissem, quodnam corpus esset præcipitans, nec phænomena vere haurire potuissem.

§. LVII.

Quibus visis clare intellexi, calcem aquæ calcis a sale caustico non dejici, ipsum alcalinum salis caustici lapidis adeo non dejicere calcem aquæ calcis, quin contra is illi nubat & conjungatur, hinc in dejectionibus calcis cum oleo tartari salis alcalinum calcis atomis & nubi & dejici & suspendi, & lixivium causticum sale tartari & calce confari, ut recte MEYERUS monuerat; quæ res nunc mihi aliam experimentorum in rei veritatem indagandam instituendorum seriem imponeret. Ergo

EXPE-

EXPERIMENTUM 127.

Aquam calcis aliquot vicibus probe filtratam & jam diu calci insistentem limpidam tento oleo tartari; delabitur ad fundum ponderosum oleum, totus turbatur liquor, sedimentum sensim deponitur, inde doceri nihil potui, feci vero, ut intelligerent omnes, calcem in hac aqua esse.

EXPERIMENTUM 128.

Eidem calcis aquæ probe filtratæ immitto chartæ emporeticæ exiguam partem olei tartari guttis aliquot imbutam, duco per aquæ calcis superficiem, illico video strias has pingues subæzulescentes a parte hac chartæ tanquam centro ex sorpto ab aqua calcis tartari oleo per aquam calcis trahi diffundi eodem tubulorum igneorum emissilium spectaculo, nihil in fundum præcipitari calcis, sed has strias deorsum ferri in fundum & ibi æzulescentem aquam reddere & opacam nubem æquabiliter diffusam reliqua aqua manente clara. Notari meretur in utroque experimento, superficiem aquæ oleosæ epidermide fuisse obductam, & ex charta lateri vasis imposita ita, ut decidere non posset, zonam satis latam in fundum attractam fuisse, quæ diu persistet, donec charta auferretur, tuncque in fundum præceps rueret. Charta iterum aliquot guttis imbuta, posita in alio vitri latere, eadem phænomena semper dedit. Notandum secundo, chartam fumare quasi, & manifeste videri, ut oleum tartari in aquam attrahatur, & toto phænomeno

nomeno non aeris unicam bullulam videri, nec calcem precipitari, sed solum oleum tartari per aquam in strias rapi, hanc his imbui & pinguem facere repetito frequenter experimento, aquam tandem his pinguibus striis turbari.

EXPERIMENTUM. 129.

Saturatius solvi in aqua calcis lapidem causticum, id est, quo usque data quantitas aquæ calcis cum solvere potuit, ita reliqui per aliquot dies. Vitri latera obnubilata erant, in fundo jacebat lapidis caustici pulvis sordidus obsolete ruber. Si ille solum calcem precipitat, cur ipse deprehenditur precipitatus? si calci nihil dat lapis causticus, cur colorem suum mutat?

EXPERIMENTUM 130.

Aquam limpidam prioris tentavi oleo tartari, nihil precipitabatur, mutabatur nihil, tentavi acido nitri, & nullum observatum phænomenon est, quod nempe sal tartari lapidis caustici esset in eadem aqua calcis solutus, & nunc cum hac conjunctus esset immobilis, non alcalicus amplius.

EXPERIMENTUM 131.

Pulverem abjecta aqua tento acido nitri forti, effervescebat valide: solutione pallide lateritia & totus solvebatur, exceptis sæcibus nigris lapidis caustici. Idem calore hypocausti siccatus effervescebat cum nitri acido.

EXPERIMENTUM 132.

Saturavi abundanter aquam calcis lapide caustico, effervuit cum acido Nitri. Nec mirum. — Sed de his nolo concludere, hæc enim hic solum eo dicta volui, ut si instituendus veniret calculus de præcipitata ex aqua calce seu lapidis caustici, seu salis tartari interventu, totum præcipitati pondus non calcis faciat examen chemicum, ut fecit ex calcareo aeris.

§. LVIII.

Ex quibus pateat, causticos sales alcalinorum verorum salium dotes non habere, non effervesce, nec calcem ex aqua calcis præcipitare. Et dum demum in medios cum aliis substantiis concrefcunt sales, id, quod eos causticos fecit principium, ab his abesse; hinc non ut causticos, sed ut vulgares id facere. Et tertio demum sales alcalicos calcem amare, illi jungi & nubi, cum hac suspendi in aqua & dejici. Nunc quidem laterale id & ad fundamentum aeris hypotheseos nihil faciens, de natura salium causticorum tam fixorum quam volatiliū alcalica aut neutra, argumentum facile transmittere possum, quod tantum, ut aliquid etiam pro BOERHAAVIO dicerem, suscepi. Possem etiam dissertationi, quia hic experimentorum & omnium aeris hypotheseos probationum (detortas enim explicationes non moror) finis est, finem imponere. Sed contra aeream & veris experimentis haud

haud nixam hypothefin dicenti nunquam aqua
 hærere poteft; & nunc mihi & tot argumenta,
 & tot experimenta fuperfunt, quod protuli &
 feci: *Primo* adhuc periculum facere volo, an
 hypothefeos aeræ e directo contrarias propo-
 fitiones ego felicius probaturus fim, quam illi
 fuas illi famulantes.

§. LIX.

Habebat primus hypothefeos aeræ funda-
 mentalis lapis hujus infcriptionis posteriorem
 partem;

In

Futuram Sæculorum Memoriam

Et

*Corrēctam Gellerti Affinitatum
 Tabulam*

Acida.

Aer fixatus.

*Alcali fixum.**Terræ calcareæ.**Terræ calcareæ**Alcali fixum.**Alcali volatile &**Magnesia.**Magnesia**Alcali volatile. 1)**Affinitas Est Summa Calcem**Inter & Aerem.*

Sed hunc fundamentalem lapidem non esse
 veritati transcriptum, ipse fixati aeris sobrius sa-
 tis enconiliantes & ex quo omnia sua bona cla-

L 2

rissi-

1) Hæc tabula est Blackii in ætis edimburg. Tom. cit.

riffimi Viri desumserunt, luculenter commonstrat, & quoniam illi experimentum in suam causam nullum habent, producamus nos illa
HALESII.

EXPERIMENTUM C.

Librae duae & unciae octo ^{m)} calcis vivae, ut per se extinguerentur, nulla superaddita alia mixtura, aeri per quadraginta quatuor dies expositae, aerem non absorbent. HALES *Analysis of the air* p. 228.

Ergo affinitas nulla est calcem inter & aerem, nulla attractio, imo loco hujus in tanta aeris fixati undique calci in atmosphæra circumfusi per solidos 44. dies, Tantali tortura. Ut aerem calx absorbere possit, aliis jungi, quae hanc affinitatem & attractionem illi concedant, debet, quod ex eodem HALESIO probatur & eodem

EXPERIMENTUM C.

Pollices cubici duo calcis vivae recentis & pollices cubici quatuor aceti vini albi absorbent 15. dierum spatio pollices cubicos aeris 22.

Eadem quantitates calcis vivae recentis & aquae absorbent trium dierum intervallo pollices cubicos aeris decem. *ibidem*.

Pollices cubici duo calcis & aqua salis ammoniaci quantitas absorbent centum quindecim pollices aeris cubicos. *ibidem*.

Sic

m) Nostri ponderis, in Anglico habetur, *Quart*.

Sic etiam absorbet calx acido vitrioli super-
flua. *ibidem.*

Ergo *Primo* acetum — aqua — sal ammo-
niacum — oleum vitrioli calci solum hanc at-
tractionis, quam per se non habet, potestatem
luminam largiuntur. An nunc in destillatione
salis ammoniaci cum calce viva ideo spiritus vo-
latis est causticus, quia calx aerem ammoniaci
salis in se attrahit, ut dixit examen chemicum?
attrahendi ex experimento potentiam calci so-
lum ipse sal ammoniacus tradit — an traderet
ingrato & abjecto, qui ut benefactorem suum
suo spoliaret, & redderet causticum? Nonne il-
la attractio in sale alcalino fixo saltē huma-
nior erga salem urinosum est, & meretur in op-
positam picturam comica hæc scena adduci.
Ideam daturum Examen chemicum solidam, sa-
lis urinosi, qui ex spiritu salis ammoniaci & oleo
tartari destillatis obtinetur, pingit ex una parte
salem lixiviosum vulgarem capacem suscipiendi
in se, figendique majorem partem aeris, quam
vulgo obtinet, quia stat in majore affinitate cum
aere, quam sal urinosus; ex altera vero parte
eundem salem lixiviosum sali urinoso subrepen-
tem satis polite tamen aerem, quod jam ipse
aere semiplenus non rapere omnem posset, &
paulo inferius exprimit relictam portionem ali-
quam aeris in sale urinoso superstitem, quæ suf-
ficiat tamen, ut effervescat cum aliis, & solida
forma consistat, licet liquida transeat; ut clarum
sit non adeo rapacem & gulosam in sale lixivioso,

quam in calce aeris attractionem esse, sed longe magis politam, etiam scientem, quando satis est.

Secundo a sola aqua in experimento priori omnem in calcem attractionem pendere, imo si illorum argumentandi licentiâ adhibeatur, ex eodem demonstrari posse, affinitatem hanc non aeris & calcis, sed aeris & aquæ in calcem esse: nam, si ipsum illis loquitur experimentum, aere a calcareo crudo ablato calcareum crudum calcem fieri, & hoc calci restituto fieri iterum ex calce calcareum crudum & inde affinitatem esse inter calcareum & aerem summam, cur experimentum etiam nobis non loqueretur eodem modo, attractionem aeris hanc totam aquæ deberi, qua enim in calcareo præsentè attractio est, qua absente nulla est in calce viva attractio, & aqua calei vivæ superaddita iterum viget summa. — Calx aerem non attraxit per 44. dies æri exposita & aqua extincta calx attraxit trium dierum spatio polices cubicos decem per experimenta non luxuriantis imaginationis foetum acreum.

Tertio ex iisdem experimentis confectum esse, omnes a clarissimo RACQUINIO datas explanationes chemicas de cremore calcis, de calce in aqua suspensa, de calce in calcareum mutanda, de lixiviiis causticis & horum differentia a lixiviiis vulgaribus, de omnibus denique experimentis Blackianis, Macbrideanis & suis, erroneas esse. Si enim decem pollices cubicos aeris

ris trium dierum spatio absorbet in aqua suspensa calx, ex experimento gratis statuitur a TACQUINIO ita aere orbata, ut etiam ex hac lixivium causticum parari possit ⁿ⁾. Si calx per 44. dies aeri aperto exposita non pollicem unum aeris, non diniduum, non centesimam partem pollicis attrahit, attractio summa & ultro admittenda omnium explicationum gratuita & emendicata basis nullam est, & inscriptioni fundamentalis Blackianae hypothese lapidis hæc addi ex experimentorum veritate contra suppositiones debent in supplementum.

Et

Affinitatem Calcem Inter Et Aerem

Nullam Esse

Aeris Fixata Legitimus Vindex Steph.

Hales B. D. F. R. S.

Poni fuffit

Anno Reparata Salutis MDCCXXXI.

§. LX.

Sed etiam sali lixivioso attractio aeris nulla est, nulla cum urinosi salis aere affinitas, ut etiam polita illa, & quando satis est sciens, præcedenti numero picta absorptio aeris non detur.

EXPERIMENTUM LXXIV.

Salis tartari interveniente nitro & dupla os-
sum calcinatorum quantitate facti pollex cubi-
cus dimidius seu grana 304. inter destillandum
pollices cubicos aeris largitur 112. seu ducenties
vigies quater volumen suum aeris. —

EXPERIMENTUM XCIX.

Seu oleum tartari addatur aqua regia, oleo
vitrioli, seu ebullienti tartaro, quini in casu vi-
deas maximam aeris quantitatem generari.

Ergo non solum igne destillatorio, sed etiam
in effervescentiis semper aerem generat sal lixi-
viosus, non sorbet ullum, nec deglutit ex locis
substantiis per omnia HALESI experimenta.
Quare non bene omnino in examine chemico
factum est, quod res solum supponerentur, non
probarentur, & his super fundamentis darentur
omnes explicationes chemicae, quae erroneae esse
debuerant.

Sed etiam in miscela salis ammoniaci cum
sale tartari adeo non videtur aer salis volatilis
urinosis sorberi a sale tartari, quin contra a sale
tartari generari, utpote abunde praesale ammoni-
aco habente. — Dum salia volatilia per se nec
sorbent nec generant aerem, imo & aliis juncta
iterum sorbeant.

EXPERIMENTUM LXXXI.

Sal volatile salis ammoniaci vitro, quod alte-
ri inverso supponeretur Z. Z. a a. F. 35. impoli-
tum

tum nec generat nec absorbet aerem. Eadem est multorum aliorum volatiliū liquorū, ut spiritus cornū cervi, vini, conditio. Nec aqua fortis spiritus generavit aerem. Sed sal ammoniacum sal tartari & spiritus vini mixta invicem dederunt 26. pollices cubicos aeris, quorum duo fuerunt resorpti quatuor dierum intervallo, post hos vero iterum generati.

Porro intelligebam facile, non aliud directius adderri argumentum contra aeream hanc hypothēsim & allegatam in experimentis illorum superadditi aeris fixati causam posse, quam si experimenta adducerentur evidētia, quæ in ipso fervidissimo corporum conflictantium impetu eadem hæc corpora majori aeris, quam haberent, fixati quantitate saturari docerent, & adeo non causam illorum vel minutam, edulcoratam, vel ablatam monstrarent, quam contra eandem etiā auctam exhiberent. En iterum palmaria HALESI, ex quo omnis hypothēsis tanquam ex fonte desumpta est & quem tamen minime legisse videntur Viri clarissimi, experimenta.

EXPERIMENTUM XCIII.

Mense Februario quarta pars pollicis cubici limaturæ ferri & pollex cubicus aquæ fortis concentratæ quatuor dierum spatio absorpserunt viginti septem pollices cubicos aeris fixati. Cessante absorptione in suppositum vas xx, aquam calidam excitandæ novæ fermentationis causa

immisi, generabantur tres quatuorve pollices cubici aeris, qui dum in hoc statu aliquot diebus perstitisset, iterum de novo resorptus fuit.

Repetii idem experimentum tempestate calida mense aprili, qua citius adhuc duodecim pollices cubici aeris intra horam resorbentur.

EXPERIMENTUM XCIV.

12. Martii quarta pars pollicis cubici limaturæ ferri, pollex cubicus composita aqua fortis cum æquali quantitate aquæ, prima media hora absorplerunt quinque vel sex pollices cubicos aeris, sed post horum emisérant eandem quantitatem, quam iterum altera hora resorperunt. Sequens dies absorptioni dicatus fuit; & in unumversum pollices cubici aeris duodecim hausti fuerunt: tumque per 15. vel 20. horas immutata mixtura stetit. Tertia die regurgitaverat iterum 3. vel 4. pollices cubicos aeris, quo facto per quinque vel sex dies nullam mutationem subivit.

Ergo nec ea ad verum accedit vel salis tartari vel urinosi ammoniaci pictura, ex imaginatione data, non ad vivum his coloribus & lineis °)

„ Sal tartari, sali urinoso subrepsit ærem, sal

„ tartari ipse aere semiplenus non rapit omnem,

„ relinquit illi portionem superstitem „ & quæ alia sunt contra naturam.

o) l. c. p. 82. legi meretur.

EXPERIMENTUM. XCV.

Spiritus cornu Cervi dimidius pollex cum limatura ferri absorbet $1\frac{1}{2}$ pollicis cubici aeris: cum limatura martis bibit idem duplum; sic etiam spiritus salis ammoniaci cum limatura cupri duplum,

§. LXI.

Aerem fixam corporibus superadditum eadem non minus caustica reddere, hinc aerem non esse causticitatis antidotum nec dulcificantem ejus syrupum.

EXPERIMENTUM XCVI.

Mense Februario. Pollicis cubici limaturæ ferri quarta pars, & pollex cubicus compositz aquæ fortis dierum quatuor intervallo absorperunt viginti septem pollices cubicos aeris fixati.—

Repetitum idem experimentum, tempestate mensis Aprilis calida, fuit, quæ ardentius longe duodecim pollices cubici aeris intra horam reforbebantur,

EXPERIMENTUM XCVI.

13. Martii. Quarta pars pollicis cubici limaturæ ferri: pollex cubicus compositz aquæ fortis cum æquali aquæ quantitate: prima hora absorpserunt 5. vel 6. aeris pollices cubicos, sed post horam emiserunt eandem quantitatem, quam

quam iterum sequenti resorpsierant. Sequens dies resorptioni dicatus fuit, & in universum pollices cubici aeris 12. hausti sunt —

Limatura ferri & spiritus Nitri cum vel sine aqua absorpsere aerem, sed plus, dum aqua abesset.

EXPERIMENTUM XCV.

Mixtura ex pollice cubico dimidio spiritus Cornu Cervi cum limatura cupri absorpsit aeris cubicos pollices 3. & profunde caeruleam tinturam dedit: Idem cum spiritu salis ammoniaci & limatura cupri obvenit.

EXPERIMENTUM XCVI.

Decima sexta Aprilis pollex cubicus pulveris pyritidis (Walton Pyrites) Waltonensis cum pollice cubico aquæ fortis compositæ magna cum violentia, calore, fumo expandebatur in spatium æquale 200. pollicibus cubicis: & brevi tempore in pristinum suum spatium rediit, tuncque absorpsit octuaginta quinque pollices cubicos aeris.

Mixtura ex oleo vitrioli, aqua, & hujus mineralis aliqua quantitate absorbens aerem, valde calebat, magnam tamen ebullitionem non faciebat.

EXPERIMENTUM XCVIII.

Tenuiter pulverati filicis (Flint) & compositæ aquæ fortis ana pollex cubicus unus quinque

que sexve dierum spatio deglutiit pollices cubicos aeris duodecim.

Ita tamen experimentis res probantur non suppositionibus.

§. LXII.

Nondum finii, licet jam ultra saturationis punctum & experimentorum & argumentorum hæc Hypothesis Blackiana habuerit satis; debeo particulares adhuc suppositiones examinis chemici aliquantulum ad ignem rectificare. An calcareus in medio aeris sui fixati balneo in calcem verti potest? ut hoc valorem Blackianæ Hypotheseos inflammatorum problema resolverem insinui sequens experimentum.

EXPERIMENTUM 133.

Lapidis calcarei Dornbachensis, qui caeteris, quos examinavi mollior friabiliorque est, glebulis diversæ magnitudinis, majoribus minoribus crucibulum ita adimplevi, ut vix multum in crucibulo spatium superesset. Maxima cura operculi latera luto claudio, igne in initio leni, dein validissimo carbonum, per 8 horas in furno torqueo ignito semper crucibulo; dein in hoc igne sensim extincto refrigeratur. Altera die crucibulum invenio exacte clausum glebularum omnes in calcem ad centrum vivam converfas, facile disrumpendas, linguæ applicatas magis quam calcem in aere ustam causticas, & vere ardentes igneas, in spiritu nitri aerea morte solutas minores particulas, majores disruptas
aerem

aerem quidem aliquando largientes, sed tamen dein disruptas & non solutas.

Ergo calx vere nascitur medio in aeris fixi fixati balneo, & magis ut mihi visum caustica ignea ardens, quam illa quæ in aere aperto fit, in quo aer fixatus avolare potest. An ergo ab aeris fixati absentia causticitas? cur tota nocte refrigerium anhelans & adepta tandem hæc caustica calx suæ atmospheræ aerem non resorpsit fixatum? cur caustica magis & ignea & vivide urens fuit? cur non erat adeo dura? an est differentia inter calcem in aere aperto & vasis clausis natam? an experimenta cum hac calce facta opponi possunt experimentis calcis in aere aperto coctæ?

§. LXIII.

Quoniam vero in examine chemico scriptum fuerat, calcem vivam in confectione spiritus salis ammoniaci caustici in se attrahere aerem salis volatilis salis ammoniaci, & inde hunc causticum fieri, volui videre, primo an calx cum calcareo usta minus futura sit aeris converso in calcem calcareo & aere in calcem affinitate attracto; licet dici possit, ob stare vim ignis huic attractioni: cum tamen nec exire aer, nec in exiguo adeo spatio sexcenties quadragesies sexies volumen calcarei adhibiti regenerari possit, etiam ignis vis in destillatione salis ammoniaci cum calce viva non impediat attractionem aeris in calcem, tentavi experimenta sequentia:

EXPE-

EXPERIMENTUM 134.

Glebulis caleis vivæ & calcarei stratificando impleo crucibulum, ut prius omni cura claudor, torqueo validissimo igne carbonum per octo horas. Calx cocta una fuit nulla dote distincta.

Ergo calx in hoc experimento non attrahit aerem calcarei.

EXPERIMENTUM 135.

Calcis extinctæ glebulis & salis ammoniaci pulvere adimpleo fere crucibulum aliud, omni cura ut ante claudor, torqueo eodem, ultimoque vividissimo igne per idem tempus. Altera die refrigeratum crucibulum exacte conglutinatum aperui, sublimati hic nihil vidi. Glebæ calcis ponderatæ acquisiverant grana XII. totum perdidit dr. I. gr. 48. Glebæ calcis erant durissimæ, fractu contumaces, in aqua non solubiles, sed floccos facientes: ut lapis causticus solebat; Syrupum violarum viridi colore inficiebant, cum oleo tartari non mutabantur, cum vitrioli oleo siccæ effervescebant cum alta spuma & acerrimos fumos edebant urinosos magis: cum nitri acido etiam effervescebant, & eructabatur halitus acerrimus acidus magis, quam urinosus, aliquid cum bullulis aereis in eodem spiritu solvebatur, non totum; cum sale ammoniaci odor vehementer urinosus causticus fuit.

Ergo calx extincta nec suum aerem servat, nec cum salis ammoniaci suscipit, sed suscipit ex sale ammoniaco aliud quid ab aere distincti.

§. LXIII.

§. LXIII.

Nunc pro coronide contemus experimenta Macbrideana, ut nihil eorum, quæ adferri debent, omisisse videamur.

EXPERIMENTUM 136.

Committo lagenulæ B. quam prius filtraveram & jam a septimana paraveram calcis aquam: lagenulæ A. cineres clavellatos. Instructo sic apparatu & ad lumen firmato superfundo A. acidum nitri — effervescētia summa oriebatur cum fumo. — Bullulæ exhibant aereæ ex liquido, quæ in ejus superficie frangebantur. — interior aquæ superficies, ut & tubi extremitas incipiebant pingui tomento, dein filamentis & striis dependentibus hirtæ fieri, sic etiam ultimo ipsarum bullularum aerearum, quæ tamen semper in superficie aquæ frangerentur, cortex. Tomentosa densaque ea interior aquæ superficies sensim videbatur dimitti. — Aqua calcis tum turbabatur sordide lacescens — brevi clarificabatur iterum misso in fundum tenuissimo pulvere. Eneorema nebulosum pingui tomentosoque opere in aquam calcis pendet, mansit sic tota die, ultimo lateribus lagenulæ accrevit.

EXPERIMENTUM 137.

In alio experimento aquæ calcis recentis, tubum supra aquam distantia duarum linearum reliqui — superficies interior aquæ sensim hirta facta est, & in loco orificio tubi respondente
primi

primi flocculi deorsum dimissi sunt — hic locus crusta continuo carebat. Immisso dein in aquam calcis tubo ad pollicis profunditatem, tota turbabatur, flocculi sensim decidebant nivis instar, ultimo lactescebat. Descendit sensim hirta jam ante sæpius descripta superficies ultra aquæ medietatem, in qua diu stetit filamentis tum ex superiori plano sursum, tum ex inferiori deorsum erectis. Sic mixtura tota diē turbida mansit. Illi crusta amplius inducta non fuit.

§. LXV.

Vidi etiam in aliis experimentis paulo aliter, ex his vero omnibus sequentia notanda habeo. *Primo.* Aeris elastici bullulas omnes in superficie frangi. *Secundo.* Non nasci veram crustam sublapideam, sed qualis a sale tartari fieri solet, variegatam, coloribus iridis, & pinguem & oleosam fere. *Tertio.* Strias has dependentes seu hirtum hoc tomentum in prima & vehementissima effervescentia maxime nasci — in lenta difficilius — & non sine maxima hypotheseos suæ convenientia uberiores effervescentium substantiarum quantitates sumphisse clarissimos Viros, quasi prævidissent lenioris effervescentiæ aerem elasticum non id præstiturum, quod impetuosa. *Quarto.* Aliquantulum nimis dixisse, dum calcenaere gravidam continuo præcipitari perhiberent.

Ergo illorum hoc experimentum verum est, licet ne verisimilis quidem sit ratio —

M

argu-

argumenta dixi paragraphis multis, dixi & experimenta.

§. LXVI.

Hucusque quidem nolui hariolari causarum rationes, quibus phænomenon hoc explicari posset, nunc quid inter experiendum judicaverim, proferam, dum sequentes mihi interrogationes moverem. An non imbeciliter & laxè suspensa calcis in aqua calcis elementa hoc motu disjungi possent? An non calcis aqua ipsa aeris majorem quantitatem bibere potest, absque eo, ut vel minimum calcis elementa assumant? — Habebam primo pro me omnia argumenta dicta plerisque prioribus numeris, & experimenta, & nunc videbam decompositiones in liquidis ex aliis omnino causis, quam ex superaddita aeris fixati dosi, contingere in rerum natura plerimas; & liquidorum fermentatorum limpidissimorum tartarum generantium — & vectorum conquassatorumve sedimentum ponentium — tum balsamorum liquidorum, Spirituum, Essentiarum hermetice etiam occlusarum, mucilagines, resinasque præcipitantium exempla, & limpidissimarum sæpe aquarum intra nonnumquam cava & rimas alias moles montesque extruentium instantiar. Volui confirmare rationes istas experimentis.

EXPERIMENTUM 138.

In aquam calcis filtratam limpidissimam turbido stramineo animam inflo & diu — turbata subla-

sublaſceſcebat, lente deponebatur & ad latera vitri & in fundum calx; atqui tamen aer atmofphæricus nullo modo aer eſt ille fixatus corporum, teſtimonio MACBRIDE, ſed impuriſſimus & puram & veram aeris ſubſtantiam inſarcera- tam tenens illo IACQUINII, & nunc e thoriçe effluſus ipſo adhuc atmofphærico vulgari minus elatiſticus, quod ex ipſo HALEſIO & BOERHAA- vio patet, ut conſequentia clara ſit, ab aere fixato, ex efferveſcente mixtura egreſſo, calcis atomos ſaturante, mutationem hanc repeti non poſſe nec deberi.

Idem experimentum deinde in MACBRIDEO legi, & vidi egregium virum concluſiſſe ad nu- tum hypotheſeos, materiem perſpirabilem (ſic enim ille effluſum e pulmone ſpiritum vocat) aerem habere in ſe fixatum — invenit dein & ſudorem id facere, unde de ſudore idem prodat malis omniño concluſionibus & ex propriis poſtulatibus plusquam convulſis, dum ipſe aerem „fixatum e corporibus egredientem in horum „deſtructione ſolum verum pronuntiat cum at- „moſphærico, qui ejus indolis nihil habeat, „non comparandum. „ Sic demum hæc ſecta ſe juvat! & ut primum præcipitatur ex aqua calx, ab aere fixato eſſe debet, etſi præcipitans corpus nullum habeat. — Sed omnium primum probandum fuerat, fixatum aerem animæ ineſſe, tum ſecundo demonſtrandum hanc præcipitatio- nem ab aere fixato, ut cauſa imprægnante ele- menta, calcis eſſe. — Sed redeamus ad experi-
men-

mentum: Si ergo reclusus in pectus spiritus in aquam calcis ita efflatur, ut magnæ nascantur bullulæ, quæ cum aqua gargarisationis sonum edant, & inde calx ex aqua præceps detur, adeo non erit aeri fixato elastico hujus spiritus adscribendum ex Halesianis & Boerhaavianis, quin contra debeat ex laxo elementorum cum aqua nexu, aut alia demum causa repeti.

§. LXVII.

Hanc ut eruerem causam, non aliud directius aut Blackianam hypothesein aut meam vel confirmare, vel refutare posse intelligebam, quam si, quod calcis atomos tenet liquidum quam pertinacissime suspensos, effervescenti mixturæ subjugarem, ut aer fixatus gravidationis protoparens vidua & orba calcis elementa ad satietatem gravidaret, tumque spectarem, an ea præcipitia darentur, vel in liquido non obstante graviditate perstarent suspensa.

EXPERIMENTUM 139.

Saturatam igitur nitroso acore lapidis calcarei Dornbach & filtratam solutionem infundo lagenulæ B in A. mitto & glebularum calcarei ejusdem & tusum ejus pulverem — superaffundo A. acidum nitri validissima suborta effervescencia est, & sub confertis bullulis aer fixatus ex tubi ostio linea geometrica in liquidum immerso erumpebat continuo. Experimentum hucusque nullum adeo magnam aeris fixati quantitatem dedit,

dedit, nullum bullulas aereas ita in superficie liquidæ pinguis congestas tenuit, ut etiam alte in lagena ascenderent. Effervescentia finita nova, conflictus arma lagenulæ A. subministravi, volui enim id liquidum & saturare & supersaturare: & illi vi intrudere aerem; non mutabatur, mansit toto tempore limpidissima solutio: sicque per diem & noctem vasis hermeticæ clausis, ne atomo quidem in fundum defecto, inventa fuit. Nunc erat videndum an saturata hæc solutio calcem in se haberet uberrime solutam nec ne. — Itaque

EXPERIMENTUM 140.

Portionem A. aqua dilutam præcipito, ut dicunt, oleo tartari per deliquium — in nulla præcipitatione vidi tantum sedimenti, quod omnia regeneraret experimentorum jam dictorum alibi phenomena.

EXPERIMENTUM 141.

Portioni B. dilutæ in aqua affundo spiritum vitrioli, obtineo post aliquot dies salem seleniticum.

EXPERIMENTUM 142.

Portio C. commiscetur cum caustico saponariorum lixivio saturate brunno; coagulabatur illico lixivium in offæ speciem membranis constantem, & liquido supernatantem, cujus una portio in vas reposita supra fornacem siccare renuit, vernicis pinguis speciem exhibuit, quæ

cum acido nitri non effervesceret, tamen ab eo solveretur. Altera portio affuso acido nitri non vehementer effervescebat; hæc relicta altera die mixturam dedit claram aurantiam, in cujus fundo nebulula hærebat coloratior, quæ cum acido nitri nihil faciebat, cum oleo tartari subito effervescebat, & in spumam, quæ vas transcenderet, elevabatur, ut cerevisia in actu fermentationis suppressa solet, hinc cerevisiæ fermento simillima fuit, sic per quadrantem horæ stetit, dein concidebat, & hærebant ad latera vitri pingues grumi.

EXPERIMENTUM 143.

Portione D. superfundo aquam calcis, uniebantur spiritus & aquæ more; nulla fiebat præcipitatio; post aliquod vero tempus colligebatur in medio liquido nebulula.

EXPERIMENTUM 144.

Portioni E. superfundo aquam calcis, in qua lapis causticus fuit solutus, coagulabatur & simul intime miscebatur. Coagulum superaffuso nitri acido illico sine effervescencia in mixturam limpidissimam transibat, & bullulæ aeræ non magnæ aut rotundæ, sed minimæ & ovales per liquidum ad ejus superficiem properabant.

EXPERIMENTUM 145.

Portio F. recipit salis alcalini purissimi globulam ex alto in liquidum dimissam; hæc transire

ire ad fundum vasis non poterat, vehementer in superficie efferveſcit, & bullularum majorum, minorum, & inter has minimarum mundus enaſcitur ſuperficiem ſolutionis occupans; liquidum ſpiſſeſcit, leniter turbatur, nihil præcipitatur, ergo iterum JACQUINIUS erravit in experimentis P), dum retulit, præcipitari calcem ex ſolutione acidi nitroſi ſaturata per alcali fixum. Ad latera vitri poſt aliquot dies erant depoſitæ quaſi cryſtalli. Liquidi medietati affundo acidum nitri ſine motu efferveſcentiæ, totum illico ſolvitur & liquidum totum clareſcit. Alteri infundo ſolutionem ſaturatam ſalis tartari, ſecede-
bat in floccos mixtura & offa fiebat.

EXPERIMENTUM 146.

Portioni G. ſaturatæ non dilutæ infundo ſaturatam ſolutionem ſalis tartari, nulla fit efferveſcentia, nulla præcipitatio, ſed ſolutio ſalis tartari ſaturata ſupernatat; ſubnaſcebatur in contactus horum duorum liquidorum territorio pellicula, quæ tenuitate primo vel arachnoideæ comparari poterat, vel tenerrimo foetus omento. Hæc dein in iuga valvuloſa abibat, & ne liquida miſcerentur, inhibebat; concuſſi vitrum, ut liquida motu coirent adagi, coibant, coagulabantur, nec hic præcipitatio viſa eſt ulla calcarei.

EXPERIMENTUM. 147.

Portioni H. ſuperaffundo ſpiritum ſalis ammoniaci vere cauſticum; coagulabatur illico in

M 4

offam

p) l. c. p. 86.

offam subalbidam, hanc supra fornacem non potui siccare: pinguis mansit & liquida, cum acido nitri non mutatur ullo modo.

EXPERIMENTUM 148.

Portioni I. spiritum salis ammoniaci causticum officinarum, qui evaporatione debilior factus causticum amiserat, & aperte cum nitri acore effervescebat, superaffundo, non effervuit; coagulabatur, solutioni calcarei in acido nitri supernatans, & urinoso causticum suum odorem illico mittebat in aerem, ut inde intelligerem aliquando causticum fuisse. Concusso vitro uniebantur. Adfundo portioni uni acidum nitri, effervuit, & coagulum in mixturam limpidissimam solutum est. Alteram portionem diu fornacis calore siccare non potui, tamen consistentiam majorem, quam prior assumpsit — hæc cum nitri acido nullum subit amplius motum.

EXPERIMENTUM 149.

In Portionem K. mitto lixivium causticum, in quo solutus fuerat lapis infernalis, in superna solutionis superficie illico coagulabatur in solidiorem offam, etiam supernatante aqua; solutione calcarei semper limpidissima, nihil præcipitabatur. Concussis & junctis superaffundo acidum nitri spiritum, nec jucundius spectaculum habui, quam hoc ipsum, dum diversas offæ partes & deorsum & sursum rapi, & more cretacearum substantiarum agi viderem, dum simul obser-

observaretur sal ad fundum præcipitari, spiculis longis. Effervescencia diu duravit, & minimæ bullulæ aeræ semper ascendebant.

EXPERIMENTUM 150.

Portio L. recipit lixivium causticum, juxta MEYERI descriptionem factum, id illico coagulatur, & in caseosum liquidum abiit: solutionis calcarei liquido in fundo claro; Concussa uniuntur; altera die subsederat in fundum caseosa materies supernatante solvente. Subsicens coagulum in menstruo cum acido nitri efferbuit in solutionem limpidissimam. Siccavi coagulum ad fornacem, erat medullæ sambuci simillimum; cum acido nitri illico effervescebat, & morte aeræ disparuit solvente menstruo limpidissimo.

EXPERIMENTUM 151.

Portioni M. immitto minimas glebularum fracti lapidis caustici, non mutabatur, cadebant in fundum, post tres quatuorve horas erat suspensa nebula, liquido in colore non tentato; affundo exiguum portionem acidi vitriolici, illico clarescit liquidum, assumpta nebecula & lapidis caustici glebulæ montium ignivomorum in morem fumare aerem incipiunt, & solvuntur.

EXPERIMENTUM 152.

Portionem N. dilutam aqua commisceo cum aqua calcis limpidissima; actus infusionis subla-

cteus est, uniuntur, non lactescunt amplius, nihil præcipitatur aut coagulatur, sed, dum aliquo tempore ita steterat, in medio colligebatur nebecula. Si e vitro in vitrum funditur, turbatur.

EXPERIMENTUM 153.

Portionem O. concentratam misceo cum eadem aqua calcis; eadem sunt phaenomena; sed nebecula non adeo manifesta est, & apparent granula alba in liquido male suspensa & soluta.

EXPERIMENTUM 154.

Portionem P. concentratam misceo cum diluta; quæ erat limpidissima, aliquantulum obfuscata & turbida facta est, & id sine machina Macbrideana vel aere fixato supersaturante.

§. LXVIII.

Ergo calcis atomi, bene in liquido suo suspensi, quantacunque etiam fingatur, & desideretur aeris fixati attractio & aeris supersaturatio, eum tamen aerem fixatum non attrahunt, & eam quidem conclusionem experimentum certius loquitur, quam id, quod idem loqui iussit RACQUENIUS. Quid demum nunc adhuc desideratur experimenti, dum liquidum sumsi calce calcarei saturatissimum, & ne unum quidem calcis elementum præcipitatum est ab aere saturante! sed ut etiam omne subterfugium illis præscindam, idem experimentum repetam paulo aliter.

EX-

EXPERIMENTUM 155.

Calcareum acido Nitri solutum, æquali aquæ quantitate dilutum, impono lagenullæ B. subjugo effervescenti mixturæ ex calcareo, &, nitri acido in A. & tubo ad lineam geometricam immisso, aerem fixatum in eam immergo, ut quantum possit & velit attrahat. Bullulæ, ut in priori, confertim transeunt, durat per dimidiam & ultra horam (ut enim protraheretur adjectis novis substantiis feci) spectaculum: liquido manente limpidissimo. Sic relinquo in alteram diem, stetit duodecim horis, & mixtura calcarei perdiderat grana XXII. Quæ si sint æris elastici hæc in lixivium dilutum transire debuere, soluto apparatu, nil præcipitati — mutati nihil liquido limpidissimo! Tento cum acido nitri, nihil mutabatur, & se ut recentè filtrata nitri calcareum suspendentis solutio gurebat.

Ergo nec confertissimos in liquido hærentes calcis atomos. nec eosdem in eodem magis dispersos fixatus aer vel saturat, vel dejicit, nec calx aerem attrahit, sed pleraque examinis chemici theoriæ ex hoc, sæpius refutato fundamento, ruunt. Utique hic calx est vera ex hypothesis, hic calx hæc vera effervescentis mixturæ aere fixato non satiari potest! ultro nihil requiritur.

§. LXIX.

His ita exactis tandem devolvor ad aliam suppositorum seriem, caustica lixivía fixa, salia fixa alcalica, etiam liquido soluta esse aere orba, ita quidem IACQUINIUS iterum jubet, non probat. Sed an lixivía caustica fixa vere aere orba sunt? an non calcem in partem constitutivam suæ naturæ recipiunt? Hæc ab illis examinata non sunt, minus discussa. Antequam vero etiam alia interrogem, revocari debet Theoria examinis chemici, de lixivio caustico fixo data; scilicet dum aquæ calcis miscetur sal lixiviosus cum is plurimum aeris habeat, dabit suum aerem cordialiter q) calci vivæ, inde calx viva aere saturata fit calcareus crudus & mitis, & sal alcalinus suo aere orbus fit causticus. Probavi jam ante abunde, hanc theoriam falsam esse. Nunc solum has quæstiones ponam, dein experimenta præter jam data §. 38.

§. LXX.

q) I. c. p. 77. „Omnino probabile est, salibus alcalinis „ paulo plus de aere auferri, dum caustici red- „ duntur, quam per effervescentiam, dum cum „ acidis coeunt,„ hoc nempe hic ita dicere expediebat Examini chemico, & p. 82. conveniebat hypothese sic dicere „ergo sal tartari sali urinoso „ subripit aerem; sed jam ipse aere semiplenus, „ non rapit omnem. Relinquit portionem ali- „ quam in sale urinoso superstitem,„ & tamen etiam hic sal illi plus minusve causticus *ibid.*

§. LXX.

a. Cur requirat Chemicum examen, ut hoc lixivium fervetur vasis exactissime clausis sub titulo lixivii caustici fixi? *) fuisset ne factus sal alcalinus fixus, dum aerem suum amitteret per hypothesein, volatilis, ut aufugere in auras nunc posset? aut an tamen adhuc voluit, in eo conservare causticitatem calcis, quæ eam ab igne habet. Aut an timuit, posse atmosphærico aere imprægnari & satiari? postremum voluisset ex hypothesei, sed non ex experimento — & cum nullum habeat, naturale est, ego aliquod adducam aucti ex resorpto aere ponderis. Ergo.

EXPERIMENTUM 156.

Lixivium causticum Meyerianum non effervesces infundo vitro sursum latefcenti. Stat per totam noctem in cubiculo moderate calido — ponderatum altera die amiserat grana XIX. & effervuit vehementer cum acido nitri. In altero experimento post sex horas non effervescens prius lixivium perdidit grana XV. & effervescebat. Ut nunc demum astuta Chemici examinis ratio pateat, cur nempe, vasis exactissime clausis lixivium servandum esse, præcipiat, non propter ejus imprægnationem ab aere atmosphærico, sed propter evaporationem caustici principii. Et ita hoc examen chemicum aerea in aere ædificia exstruit semper ex hypothesei, nunquam ex experimento.

b. An

*) l. c. p. 61. 62.

b. An orbatuſ aere ſuo ſal lixivioſuſ etiam in aqua ſolubilis manet? & dum dein illi aer, tanquam ſpirituſ, per aquam inflatur? an non ut calx præcipitatur? an hic in hac hypothefi ſoluſ per excellentiam amphibiuſ? &, dum aer tantum ponderavit in calcareo ³⁾, hic in ſale lixivioſo nihil ponderabit? nec trahet iſtum ſalem in fundum? Fateamur, rara eſſe hypothefi Blackianæ ab hiſ clariffimis viris data conceſſaque, continua ſuppoſitionum ſerie, privilegia — ſic ſata jubent ⁴⁾.

c. An ſal lixivioſuſ, dum vere aere ſuo orbatur, non ſit fixuſ? an adhuc ex aere aquam attrahit, an facile in aqua ut priuſ ſolvitur?

d. An lixivium cauſticum fixuſ adeo deſtitutuſ calce eſt, ut hanc non redolet ſapiatque? an in lixivio cauſtico fixo calx hiſ Viriſ nec viſa nec obtenta in experimentiſ? ita quidem, ut credamus, jubent. En mea ex ordine.

e. Paro cum ſeptem partibuſ calcis ſub aqua hærentiſ 2. cinerum clavellatorum lixivium cauſticum

- s) l. c. p. 19. „& putem, me hic legitime judicare, nec
 „aſſerere quidquam, quod non docuiſſet ponduſ
 „experimentiſ ex calcareo crudo 32 unciis de-
 „ficiunt unciaſ 19. quæ ſonſ ſolius aeris; in cuiuſ
 „enim partiſ ſeparatione ſtrepore abitu conſiſteret
 „hæc tam notabilis unciaſum prodecim jectura?
 „in calcareo crudo fuſſe debet, &c.

t) l. c. p. 19.

ficum fixum; non erat valde causticum, non comparandum cum illo saponariorum; misceo acido nitri satis forti — nullus motus — commiscetur.

f. Hoc lixivium causticum fixum mitto in lagulam B. intrat in viscera ejus per horam aer repetito experimento. Mixtura mansit limpidissima, cum eodem acido nullum motum fecit, non effervuit, post experimentum degusto iterum iterumque, lixivium erat tamen causticum, &, ut vulgare, cum acido debuisset inire conflictum; cum oleo tartari conjungebatur, præcipitabatur nihil; ergo evaporavi ad cineres calidos: exsiccatum dedit lapidis caustici speciem, effervescentem vehementissime cum acido nitri.

§. LXXI.

Liceat hic, antequam progrediar, aliqua notare.

Primo. Non omne lixivium causticum fixum ita se gerere, ut dixit *Examen Chemicum*; dabo enim nunc, nec ex caustica satis calce nec ex sincerissimis cineribus clavellatis factum fuisse: largiar omnia alia, hoc unicum negari nequit, non fuisse ex calce & lixivioso sale factum, ut alia sunt certissima, non effervuisse cum acidis, nihil fuisse præcipitati ab oleo tartari, subjugatum per horam fuisse aeris furientis impetui. u) Erravit iterum in experimentis IACQUINIUS, dum

u) l. c. p. 71.

dum dicit, non interesse, an calx viva vel aqua calciſ ſummat, quia ibi eſſet aere orba calx.

Secundo. Qua iterum nova ſuppoſitione inter evaporandum, dum humidi ſemper vapores aerem elatiſticum deſtruentes aſcendunt, fixatus aer acceſſiſſe evaporato dici poſſit?

Tertio. Qua alia, lapis cauſticus ſine calce naſcatur? An, dum maniſeſtius in lapidis cauſtici confectione calx alcalico ſali jungitur, calx cauſticum lapidem non conſtituere, ſingi poſſit? Sed hæc nunc minus miramur in nova iſta chemiæ doctrina.

§. LXXII.

Interea accenſus contra infortunii mei caſum, qui tamen adhuc moleſtior eſt adverſariis quam mihi, capio ſequens experimentum.

EXPERIMENTUM 157.

Calcem recentem vivam aqua calida methodo MEYERI extinguo & paro lixivium cauſticum; vix exſpectare præ impatentia 24. horas a MEYERO præſcriptas poteram, filtravi poſt 18. horas, ſubjeci machinæ Macbrideanæ, mutabatur, turbabatur, deſiciebatur ad fundum pulvis. Hic exſiccatus ad fornacem ſolvebatur, placide oleo tartari, efferveſcebat cum acido Niri.

Sed quid demum erat hic pulvis? an ſal tartari aere orbum? Sed non: ſic ab aere fixato de-

de-

dejicitur sal tartari. An erat calx? si calx fuit, ergo calx adhuc esset in lixivio caustico? dum hæc volvo animo, adfertur mihi lixivium causticum saponariorum, id profunde brunnum, ut cerevisia, fuit ex inferiori parte amplissimi dolii in lagenam missum. Acido nitri tentavi, non effervuit, illi miscebatur & color latior redditus fuit: filtravi, quod esset saturatius & per vitrum non transperens.

EXPERIMENTUM 158.

Filtratum lixivium saponariorum lagenulæ B. immissum submissi effervescenti mixturæ solitæ calcarei & acidi nitri; aer felicissime & diu lixivium penetrat: Stat per 24. horas in experimento. Altera die nihil erat præcipitati, tamen sub finem cum acido nitri leniter effervescebat lixivium. Phænomenon miratus lixivium filtratum in vitro superstes, unde lagenula B. impleta fuit, cum acido nitri tento, id vehementissime effervuit, sumo lixivium saponariorum in lagena clausa, id non effervescebat.

Ergo lixivium saponariorum non filtratum lagenæ occlusum altera die non effervescebat, effervescebat vero lixivium filtratum in vitro aperto hærens, & magis, quam id, quod lagenæ B. impositum aerem fixatum per effervescentiam potavit diutissime. Nunc tantum supersunt hæc effugia; vel quia filtratur lixivium, aliquid in filtro remanet, quod deficiens filtrato, efferve-

scientiæ causa est? vel aer intravit in lixivium & saturavit alcali, ut dixit IACQUINIUS? vel ex lixivio aliquid discessit, quod causticum esset? ut unam harum trium rationum eruerem, tentavi sequentia.

EXPERIMENTUM 159.

Filtravi ex lagena occlusa lixivium saponariorum in vitrum mundum, adjecto acido nitri non effervuit; filtratione hac & prioribus peractis inveni nihil residuæ in filtro substantiæ, ut deficiente lixivio filtrato effervescentiæ causa adscribi nequiret.

Alterum, quod salem tartari imprægnasset aer fixatus, quo nunc demum effervescere posset, argumentum sine novo experimento omnino refutabatur, quod in vitro aperto eodem recte tempore stans lixivium vehementius efferveret, quam quod erat furiis fixati aeris in lagenua B. obnoxium; taceo, quod hæc suppositio tunc aerem atmosphaericum, illum nempe, qui impuris corpusculis obvolutam aeris veri puram substantiam inclusam teneret, efficacior rem faciat, quam is sit, qui purissimus & vivus & verus ex effervescente mixtura in liquidum intrusus est, & clare monstret, artificio Macbri-deano amplius opus non esse, ut mixtura, prius aere destituta non effervescens, cum acido nitri conflictare possit. Unica igitur nunc via superest & hæc quidem, ex lixivio caustico fixo aliquid eva-

evaporare, & in aera abire, quod dissimile sui lixivium reddat — an hoc eligere velint, ipsi viderint. Interea experimenta prosequar.

EXPERIMENTUM. 160.

Sumo lixiii caustici Meyeriani limpidissimi filtrati, quæ lagenulam B. adimpleret quantitatem sufficientem, antequam imponeretur lagenulæ, cum acido nitri non effervuit; relinquo aliam ejusdem partem in vitro aperto. Processu Macbrideano finito super eodem liquore, tentato, exploro lixivium causticum lagenulæ aliquantulum turbidum & sedimento instructum paucis, nec inivit motum cum acido nitri spiritu; ea contra, quæ in vitro aperto fuerat ejusdem lixiii quantitas, cum eodem efferveſcebat. Imo etiam nunc certus sum, lixivium idem causticum Meyerianum, in vasis apertis amplis supra calcem detentum, post septimanæ spatium cum acidis efferveſcere & eo magis, quo plus de lixivio fuerit ablatum, rationem etiam chemiz tyrones perspicient. Ut omnino clarum esset, iterum fraudem subesse experimento & aeri fixato vi intruso in apparatu Macbrideano adscribi non posse, quod eidem in aere communi variis elasticam & vivam & puram aeris partem incarcerantibus inquinato obveniret; adhuc adesse in caustico lixivio præsentem calcem. Cœpi igitur cogitare, an non causticum calcis principium, quod quidem sali alcalico jungeretur in lixivio

calcis, evaporaret? id visurus feci sequentia experimenta.

EXPERIMENTUM 161.

Paro de novo lixivium causticum fixum Meyerianum, probatum acido nitri, nihil fecit; ejus partem vasculo theato immitto, pono supra fornacem moderate calefactum, post mediam horam facio periculum, effervuit; post horam eodem eventu facio idem. Aliam partem posui ad cineres calidos, vix incaperat aliquantulum fumare, tento cum nitri acido, effervuit.

EXPERIMENTUM 162.

Omnium cum lixivio caustico idem eventus & id effervescebat in offam spumofam.

Si igitur nullo intruso aere fixo, sed eodem contra potius dissipato lixivium causticum fixum fieri possit vulgare: An theoria de sale alcalico aere privato caustico: de eodem nunc aere potto non caustico veri similis esse, & alicui in mentem incidere potest? nonne sic crystallisantur omnia salia & crystallisantur — vel frigore, vel calore chemicis — & opus non habent machina Macbrideana — sed fitne etiam aquosarum partium in apparatu Macbrideano evaporatio, aut earum transpositio talis, ut nunc adeo intime nexa in lixivio non sint causticum calcis & salis alcalici principium? non dubites — aqua omnis exhalat & pro latiori superficie adhuc

huc magis, magis adhuc pro agitatione & motu. Ipsa ipsius elastici intrusi in liquido aeris quassatio, liquidi elementa adhuc dirimit magis, ex his volatilia etiam & fugacia excutit citius. Neque nunc animus est, rem per physica & chemica experimenta notissimam distrahere diutius, sed propero ad eum ipsum, qui hæc vidit Clariss. Virum IACQUINIUM, nonne ille vidit fumos^{v)}, nonne vidit, salem in altum rapi & elevari relicto phlegmate^{x)}, nonne etiam vidit, ipsum inspissari Tartari oleum in pulvem solidam^{y)}, propero ad conversionem argumenti, qua omnino frequenter usus ad demonstrandum Cl. IACQUINIUS^{z)}, si salibus his evaporatione factis nunc revera liquidi portio deest, quam assumere possunt & adsumunt, ut sint liquores salini fixi vel volatiles spiritus, demus illis istam liquidi portionem & en quæ antea erant salia vel fixa, vel volatilia, nunc sunt liquores salini vel fixi, vel volatiles, & si revera hæc liquidi portio hos liquores fecit, demamus illis hanc portionem, & en iterum formam coperetam assumunt.

§. LXXIII.

Et quandoquidem nunc spiritus salis ammoniaci volatilis causticus examinandus veniat, laconica hæcce Examiniis chemici experimenta ita repetere juvat, ut non priorum obliviscamur,

N 3

ne

v) l. c. p. 79. 80.

x) l. c. p. 80.

y) l. c. p. 78.

z) l. c. p. 78.

ne obscuras forte rationes assignemus phænomeno, quæ patulæ sint. Spiritus salis ammoniaci causticus principium calcis igneum, is nempe, qui sincerus est, manifestius redolet, alter minus. Spiritus idem male asservatus, negligenter vasis occlusus, id principium facillime perdit volatile & fugax; & inde spiritus salis ammoniaci volatilis causticus in officinis raro invenitur illibatus, talis. Si ergo lixivium fixum causticum vase aperto perdere aliquid & evaporare potest: volatile idem lixivium, aut exactius spiritum salis ammoniaci cum calce viva paratum perdere aliquid posse, in propatulo est — ita quidem ratio cinabar, antequam experimenta caperem. Ut ratiocinium confirmarem vel refellerem — in utrumque paratus institui sequens experimentum.

EXPERIMENTUM 163.

Tento spiritum volatilem causticum salis ammoniaci cum acido nitri — politice nulla iræ specie coibant — eundem pono in vas apertum, relinquo aeri expositum hypocausti per 12 horas, & nunc cum acido nitri commixtus, miti deposita indole, cholericus tumultuabat & effervescebat. Rebus ita constitutis facile intelligebam, salis ammoniaci causticum & ex duabus rationibus volatilem spiritum in tentamine Macbrideano mitem suum & tranquillum animum conservare neutiquam posse, dum tumultuariis aeris elastici eruptionibus, & furiis ex effervescente

cente materia spiritum agitantibus quassaretur continuo. Repetii tamen experimenta.

EXPERIMENTUM 164.

Spiritum salis ammoniaci vere causticum, calcem omni nota redolentem, cum acido nitri minime effervescentem infundo denuo aperto vasi, cum suæ sorti in aere calido hypocausti relinquo per horas octo; aliam portionem pono in vase aperto supra fornacem. Aliam immitto in lagenulam B. ea altitudine plenam, quam notat MACBRIDE Fig. 2. lagen. A. tubum ad lineam geometricam dimidiam spiritui immergo, ut de eventu certior essem. Spiritus toto hoc & valido insultu fixati aeris mansit imperturbatus, apparatus relinquitur per horas octo.

EXPERIMENTUM 165.

Probo nunc tres has portiones: efferbuere omnes. Quodsi hæc quidem effervescentia ob receptum aerem obvenisset, jam ante omnino efferbuisent! Utique habebant aerem ex experimentis MACBRIDE, qui dicit „& spiritum volatilem simplicem, & causticum æquas bullularum aerearum quantitates largiri in recipiente „antliæ“, quod iterum valde contrarium est CL. IACQUINIO, qui probare semper contendit ex non-effervescentia, non igitur aerem ibi adesse videri, quum nullus expellatur; nec melius tamen est pro MACBRIDE, qui, etsi dicat, esse illum vulgarem aerem non fixatum, explicare

nequit, quomodo spiritus salis ammoniaci causticus ex non effervescente, in aere aperto vulgari stans non occlusus, fiat effervescens. Et sic hi viri utriusque partis argumenta rite discutiant, veram eligant, fabulam repudiant, opto.

Ex quibus omnibus, stantibus paribus trium harum portionum eventibus, esse unam eandemque trium causam hinc dissipationi evaporationique, & sic mutatae spirituum horum conditioni adscribendam esse, confirmabar. Accedebat, quod etiam olfactu haec tres ejusdem spiritus caustici portiones, jam dissipato caustico imbecillius longe odoratus organum afficientes, conclusionem roborarent, ut & spiritus salis ammoniaci volatilis causticus in officinis negligentius adservatus, brevi effervescens & simplex factus absque eo semper, ut fixatus aer illi intruderetur.

§. LXXIII.

Quae cum ita essent probata omnia, volui etiam ipsum hoc intrusionis aeris fixati in ipsa liquida fundamentum, quod a Cl. Viris postulat assuetis, male omnino neglectum fuerat, expiscari, & aeris intrusi pondus balance cognoscere, & salium ex his nascendorum nativitatem haurire. Quapropter institui sequentia experimenta.

EXPERIMENTUM 166.

In apparatu Macbrideano clauso omnibus rite ponderatis. Lagenula A. ex effervescentibus substantiis perdiderat drachmas III. grana X. aeris fixati & aliorum; & Lagenula B. lixivii caustici Meyeriani aucta fuerat granis octo.

EXPERIMENTUM 167.

In eodem iisdem omnibus præmissis Lagenula A. perdiderat drachmas III. granum I. Lagenula B. saturata solutionis salis tartari augmentum sumserat granorum quinque; ita dein stetit in aere aperto per quinque horas & perdidit pondere granum unum; dein adhuc post aliquot horas ponderavi, vix sensibilibiter erat imminutum. Denuo adhibeo experimento renovatis substantiis effervescentibus accreverat ostio immergi interne tubi pauculum salis, adhibeo tertio, accreverat aliquantulum plus.

EXPERIMENTUM 168.

Iisdem omnibus Lagenula A. perdidit drachmas duas, grana quinquaginta quinque. Lagenula B. receperat spiritum C. C. optime notæ, sic stetit per viginti quatuor horas, sub finem turbabatur & in flavum adscendebat color. Soluta apparatu sumserat augmentum granorum septemdecim. In novo experimento finita effervescencia augmentum fuit in universum granorum 20. In tertio granorum 22. in quarto

non mutatum, nec salis vestigium exhibere voluit, post 12. horas vase clauso ponderatum amiserat granum unum: ingratum experimentum dimisi.

EXPERIMENTUM 169.

Iisdem omnibus, dum Lagenula A. perderet drachmas tres grana IV. Spiritus salis ammoniaci simplex in B. augmentum trium granorum sumsit. Renovatis in A. iterum substantiis, denuo intrudo aerem & diu in B. & nullum sallem observare potui, unde etiam hoc ad suos auctores remisi, licet in hoc postremum adeo bene, ac in prius, non paucas acidi nitri & calcaei Dornbacensis successive immixtas quantitates impenderem. Tento tamen alio tempore iterum & diu aere imprægno, non vidi quæ Cl. JACQUINIUS vidit.

EXPERIMENTUM. 170.

Iisdem omnibus Lagenula A. perdidit drachmam unam & grana quinque. Lagenula B. quæ receperat spiritum salis ammoniaci causticum, augmentum sumserat gran. viginti duorum. Altera die, etsi esset obdurata lagenula, perdiderat grana quinque. Admovetur secundo experimentis, iterum recuperaverat idem pondus granor. 22. In tertio experimento perdidit duo grana cum dimidio: sal observatus exigua quantitate in fundo est. Dum solvo apparatus, Lagenula dejicitur & de liquido aliquid effertur, ut
ponde-

ponderare non amplius potuerim, sed subjicio. etiam quarto & quinto novo experimento, ut salern majore scœnore generari viderem, multum. aquæ fortis impendi — obtinui paucum salis. — Tantæ molis erat —

EXPERIMENTUM 171.

Nunc omnia tento vasis B. apertis. Lagenula A. tubo instructa perdiderat drachmas duas grana quatuor. Vasculum B. receperat salis tartari, quantum solvere posset, filtratam solutionem. Habuit augmentum ponderis granorum V. Receperam in tubo salis grana quinque, quodsi supponam, adhuc fuisse aliqua grana, quæ a rostri interna facie non potui ita exacte abstergere, erant grana septem, in — fundo vasis salern inveni.

EXPERIMENTUM 172.

Repeto de novo cum saturatiori solutione salis tartari genuini in vitro conico — liquidum clarum manet — bullulæ aereæ confertæ subsu-
mabant. Stat ita per septem horas, sub finem floccos egit. — Lixivium alcalicum in vase B. amiserat grana octo — non erat vestigium salis, nec in ipso tubi rostro. Lagenula A. perdiderat drachmas tres grana 43. — Lixivium in aere libero relictum per quatuor & ultra dies majorem quantitatem floccorum collegerat — filtratum syrupum violarum in pulchrum viridem colorem transmisit — cum acidis vehementer

menter effervescebat — flocculi supra chartam emporeticam calore fornacis siccati cum acido nitri vehementer efferbuerunt.

EXPERIMENTUM 173.

Sic etiam tento lixivium causticum saponariorum vase aperto, sustinet magnam aeris vim, & diu manet sic, per tres horas perdiderat grana duo. Lagenula unc. senis & grana 23. alias nihil vidi.

EXPERIMENTUM 174.

Lixivium causticum Meyerianum in vase conico expositum maximis aeris furis turbatur, in fundo ultimo sedimentum dimisit, amiserat grana sex. Lagenula A. perdiderat drachmas tres grana 50. Notari meretur hæc duo experimenta in vitro conico facta ideo etiam jacturam pati potuisse, quod bullulae aereæ crepantes liquidum pariter dispergerent. Liquidum ipsum cum acido nitri effervescebat, ut etiam exsiccatum sedimentum.

EXPERIMENTUM 175.

Nunc idem periculum in eo cum spiritu salis ammoniaci simplici, qui probatus efferbuerat cum acido nitri, is in vase aperto multum fumabat diffuso per conclave urinoso odore & quandoquidem singula bullula aerea e tubo quassando erumperet, & ad superficiem liquidi properans
cum

cum strepitu frangeretur; dispergebatur per aera fumus; seu fortis spiritus urinosi vapor, naribus admotis vitro sensibilior. Vidi in hoc, ut etiam sequenti bullulas acreas lente & sine magnis furis erumpentes vaporem hunc non adeo facere, sub effervescentiæ medium & finem, furore primo deposito, nullum amplius observari. Sustinuit uncia unius acidi nitri, unc. semis pulveris & glebularum calcarei in petum spiritus, in nihilo mutatus, nisi quod esset debilior, quod dissipato, spiritu miraculo Macbrideano non erat proximum. Debuit sustinere secundum experimentum spiritus, salem in altum rapi non vidi, non potui invenire in vitro meram aquam, ut perhibuit Cl. IACQUINETS. Subivit tentamen ultimum, & ut in prioribus, ita se in posteriori gessit. Post septimanam torqueo eundem prius ponderatum, & dum Lagenula A. effervescens perdiderat drachmas tres grana 34. hic grana duo perdiderat sine alia sensibili mutatione, nisi quod debilior, esset minime tamen aquosus & adhuc effervescens cum acido nitri.

mutati

EXPERIMENTUM 176.

Apparatus hisdem conditionibus probo primo cum nitri acido paratum cum calce viva spiritum volatilem causticum; pacate congregiebantur nullo omnino effervescentiæ motu, solus densus superficiei spiritus observabatur nitri fumus, qui sensim disparebat. Spiritus igitur causti-

causticus volatilis his gaudens notis supponitur in vase aperto tubo Machinæ Macbrideanæ; a prima statim elastici aeris, & aliorum in viscera spiritus irruptione, fumus causticus spargitur, quem omnis crepanis bullula specie fumi in aera longe lateque dimittit. Finita post medium horæ quadrantem impetuosâ effervescencia, eundem cum acido nitri tento, nunc effervescebat spiritus. Cunctis ponderatis de novo subjiçio pugnae datis novis in Lagenulam A. copiis; fumat etiam, num a prima effervescencia, hæc ulterius studio protrahitur adjecto diffidiarum pabulo; sic demum diu relinquo. Soluta apparatu spiritus granis duobus fuerat auctus, Lagenula A. drachmas tres & triginta grana perdiderat. Mutatum spiritum inveni diffolata & caustica & spirituosa parte; salem non vidi; nec volui iterum unciam unam spiritus nitri impendere, ut aliquot grana obtinerem, quæ tunc forte obtinuissem.

EXPERIMENTUM 177.

Quoniam nunc id aer, ut dicitur, fixatus secisset, volui videre, an ille expirationis impurus idem faceret — animam igitur in spiritum volatilem causticum inflo interpositis aliquot in quadrante horæ intervallis & qui antea congregati cum nitroso acore fenebat spiritus, jam congregitur.

EXPE-

EXPERIMENTUM 178.

Porro cogitabam, quia spiritus nitri nunc aere caret, quem tamen ipsum nitrum cum usura possidet, an non & illi aer ex hypothese reddi possit, ut redditur calci spiritibus alcalicis volatilibus simplicibus & causticis, ex eadem? ergo nunc subjicio in vase aperto acidum nitri & recipit uberrimum aerem ex Lagenula A. sed incassum immutatum perstat, non fit nitrum, odor quidem ejus diffatur per conclave, nec mirum. —

§. LXXV.

Quibus etiam postremis ex experimentis sine erroris metu deduci possit.

Primo. Non pro rationeeducti aeris fixati: seu etiam exhalantium aliarum substantiarum ex lagenula A. liquida in lagenula B. contenta imprægnari — imprægnari tamen vel saltem mutari hæc magis, illa minus. Decrementa aut augmenta ponderum variare, pro ut in loco calidiori aut minus calido, longiori aut breviori tempore expositæ miscelæ fuerint.

Secundo. Salem tartari ex suo lixivio adeo bene ac calcem in aqua dejici; licet inter hunc & aerem eam affinitatem & attractionem non stabiliverint, ut inter calcem.

Tertio. Non statim omnia mutari — Nulla lubenter & illico salem suum largiri, aut dimittere

re concretum — & hanc salia alcalica crystalli-
fandi methodum curiosam magis esse, quam uti-
lem proficuamque — Nec nostra ætate aliquem
aut negasse aut desperasse salia alcalica crystalli-
fari posse.

Quarto. Habere Clarissimorum Virorum ex-
perimenta aliquid causæ, quæ mihi non obve-
nit — Videri primo viros hos effervescentium
substantiarum majores moles congestisse, ut den-
sioribus ex effervescentibus substantiis erumpen-
tibus funis & violentiori irruentis elastici aeris
impetu liquida in lagenula B. occuparent potius,
& conturbarent, quam fixato, qui illis deesset
ex hypothesi aere, lente modesteque imprægnar-
ent — Inde omnino esse, quod liquidorum
partes in lagenula B. dirimendo dejiciendoque
majorem in illorum experimentis, quam ipsi
fecerant mutationem, observarent. Clarum
esse secundo, liquida lagenulæ B. ita sæpe satu-
rasse, ut sponte per se sedimentum deponerent,
& in crystallos abirent, ut saltem uniente vincu-
lo diu duraturo carerent. Mediam viam te-
nui, quantitates modestas effervescentium sub-
stantiarum sumpsi ad quantitatem liquidi mutan-
di, probe gnarus, aerem elasticum, ut liquidis
uniatur, tempus requirere per certissima experi-
menta, furiosas & violentas intrusiones non id,
quod in votis esse deberet, perficere, unde ef-
fervescentis novis bis, ter, quaterve & pluries
unum idemque liquidum subjeci, & putem, no-
tata

tatam frequenter jacturam ponderis lagenulæ A. dare sufficientem rationem extricati aeris elastici & liquido B. traditi — Hinc non vidi, hæc statim in solidam pulvem converti, quæ forte supra fornacem vase clauso sine fixato aere in eandem & forte adhuc crystallisatam abiisset — Non vidi vaporem illum densum & albicantem ex spiritu salis ammoniaci simplici egredientem, sed solum vidi crepantes bullulas in aera fumum explodere — Non vidi ipsum fixatum aerem in altum rapere salern, quem tamen gravidorem facere deberet, ex illorum calculo & in vase relinquere — Non vidi solum relictum insipidum phlegma — Non vidi a facie liquidi ad collum usque incrustari lagenulam B. nisi concusso apparatu & tunc liquidum lateribus vasis adhærens evaporata aqua aut defluente ab aere ficcatum in crystallisatas epidermides abire vidi, sed has sine aere fixato crystallisationes in diversis chemicis operationibus enasci, hodie nemo Chemicorum ignorat, nemo miratur.

Quinto. Minime semper fixatum aerem requiri ut non — effervescentia & caustica corpora effervescentia reddantur & mitiora; id quidem & eum posse ex effervescentia erumpentem aeris elastici impetum: sed etiam mortalium spirituum posse, & posse exhalationem, evaporationem — his omnibus modis ipsam ipsorum liquidorum volatilem & causticam animam a liquidorum corpore avelli & ex his expugnari, nec miraculo

proximum esse, sic aquas medicatas corrumpi, sic vina, aceta vappida fieri, spiritus & olea effœta, sine omni tamen elastico aere ex effervescente mixtura ex lagenula A. in hæc ducto. Quod unicum, sepositis etiam experimentis contra acreum fœtum directis, si hi quidem chemici capere velint, spero, fore, ut cum BOERHAAVIO MEYEROQUE altiora Chemiæ sapientibus, quos nec ipsi nec ego unquam assequemur, mitius agant, perspiciantque vere etiam mirabilem, & neutrum esse spiritum salis ammoniaci volatilem causticum & omnino præcipitantius dictum esse, quod salia ^{non} constituat media. Peto veniam, quod simplicissimo & facillimo ad adversariorum captum exemplo uti debeam, sal ammoniacus sal est neuter, dissolve hujus unum principium ab altero, hæc sui juris facta, erunt pura & nunc habes ex basi priori salem volatilem, qui cum aliis facere poterit neutra alia. Spiritus salis ammoniaci volatilis causticus sal est, sed non sui juris, ad solitos effectus perfecte neuter, tolle illi causticum ignis principium, quod aliud subjugatum tenebat; id e thoro disjunctum nunc sui juris congregi cum aliis poterit, & salia dare media — Hæc pro BOERHAAVIO pro MEYERO dixi. —

Sexto. Tandem luce meridiana clarius esse, in ipsis suis experimentis Clarissimum Chemicum veritatem indagare noluisse — potuisse tamen videre oculis — potuisse sentire naribus diffu-

diffusum per totum conclave spiritum & oculis sub forma vaporis visibilem, & naribus moleste perceptibilem spiritus hujus volatilem & causticam animam. Faciant mea pace novas sibi nunc illusiones hi Viri Clarissimi dicantque ab aeris absentia causticitatem esse, a pura veraque parte fixati aeris reddita mitem iterum corporum indolem pendere, sic & rectorem olei Cinnamomi & rosarum spiritum & vegetantium & animalium partium in aere aperto negligentius custoditarum seu grate odoros seu virolic olentes vapores, ab eodem aere fixato saturari & immutari. *) Supponant adhuc suppositione illis in alteram demonstrationis naturam semper veram & hic ultro concedenda vaporem odorum; illum nempe e spiritu salis ammoniaci volatili caustico ex suis & meis experimentis per conclave diffusum nihil nisi aerem esse fixatum egressum —

O 2

&

- a) Nunc demum discant Pharmacopœi ex nova hujus examinis chemici theoria veram rationem, & suam corrigere veterem hypothesim, qua cera, pergamenæ, corio odoratissimarum substantiarum lagenulas vasa occludebant ob metum subtilissimarum partium evaporationis — hunc inanem esse, hæc theoria perhibet — sed hæc adeo exacte occludi debere ob metum imprægnantis aeris fixati, qui spiritum salis ammoniaci simplicem causticum aliasque odoratissimas substantias mites & vapidas reddat in has attractus, contendit.

& ita quidem egressum ut liquidum B. non mutet aliter, quam id eodem imprægnando, nihil vero illi de spirituosa odorataque natura demendo — addant insuper explicationem chemicam — nunc B. eodem aere fixato semiplenum non in se suscipere & rapere tamen omnem relinquare igitur portionem aliquam, quæ ex liquido B. erumpere possit, per aera diffundi, & spiritus volatilis odore totum conclave complere absque eo, ut aliquid de spiritu volatili caustico habeat: fatebor semper lubens meam ignorantiam & dicam palam, me ignorasse mirabiles has liquidorum ab aere fixato saturationes, seu intrusiones imprægnantes, quibus (analogo in Catoptrici miraculo) per conclave spirituum seu volatilium seu causticorum vis, odor, animaque dispergitur, quæ aeris sint imprægnantis, non spiritus avolantis, & effectum cadaver detelinentis.



005678637

